

Месяца септёмврия в 11-й дeнь

СЛУЖБА

преподобному Силуáну Афóнскому

НА ВЕЛІЦЕЙ ВЕЧÉРНИ

Блажeн мýж: 1-й антифóн.

**На Гóсподи, воззвáх: стихиры попразднства
Рождествá Пресвятýя Богорóдицы на 3, и святáго на 6,
глас 5:**

**Приидíte, лю́дие Бóжии, / с лики святýх и А́нгел, со-
ста́вим духо́вное торжество́, / в нём бо Цeрковь земна́я
божéственне с Небéсней ликовству́ет: / ны́не вeрный де-
латель вертогра́да Присноде́вы Богорóдицы / во Иеруса-
ли́м Го́рний приeмлется / и, я́ко мýж желáнный, / у пре-
сто́ла Бóжия сла́вою и чeстию венча́ется, / ра́дость спа-
се́ния на́м предвозвеща́ет, / егда́ горeнием любвe eго́ ко
Гóсподу воспламени́мся.**

**Приидíte, Ма́тере Бóжия сподви́жницы / и по́стничес-
каго жити́я ревни́телие, / со пустыннолю́бцы горы́ Афóн-
ския трапéзы божéственныя соприча́стницы будем. /
Ны́не Пречы́стая Ма́ти Бóжия, / Силу́ана, подви́жника
но́ва и предивна, / егóже диáвол иска́ше поглоти́ти, спас-
ла́ eсть, / и Цeркви Небéсней на ра́дость приведе́, / и, я́ко
фимиáм благово́нный, / моли́твенника те́пла за на́с у
Престо́ла Бóжия поста́ви, / венце́м ле́поты неувяда́емая
увенча́на.**

**Приидíte, мона́шескаго по́двига щедролу́бцы, / воста́-
ните, уневе́стившиися Христу́, / да Силу́ана богому́дрен-**

наго, / по́двигом равноа́нгельским укра́шена, у́зрим, / и сему́, ко́зни вра́жия победившему, / ра́дующеся, возопи́м: / ра́дуйся, роди́телей благочестивых пло́д целому́дренныя чистоты́; / ра́дуйся, облагодáтствованный щедро́тами божественныя добрóты; / ра́дуйся, вѣры чистыя и незлóбия дивное воплоще́ние; / ра́дуйся, постом и моли́твою стяжа́вый Христо́во всепроще́ние. /

О преблаже́нне о́тче Силуа́не, / Небѣснаго Уте́шителя дорино́сителю предивный, / и пла́мени любве́ Бо́жия сосу́де неисто́щмый, / тебе́ припа́дающе, вопи́ем: / Егóже все́м се́рдцем возлюбил еси́, / Егóже ра́ди в Горѣ Афóнстей моли́твою слѣзною за ми́р сраспина́лся еси́, / не престáй и ны́не умоля́ти / Це́ркви Святѣй от зóл избавле́ние дарова́ти, / лю́дем же, грехóвными собла́зны обурева́емым, / ми́р и ве́лию ми́лость.

Сла́ва, глас 6:

Весели́ся и ра́дуйся, Горó Свята́я, / Вратáрницы Небѣсныя омофо́ром при́сно украша́емая, / Це́рковь Россійская, взыгра́й, ликовству́ющи. / Ны́не хри́столюбивии лю́дие, / от востóк со́лнца до за́пад, / ве́чери А́гнца Бо́жия приу́готовляю́тся, / Силуа́на Богому́дреннаго добрóты порфи́рою украша́ются. / С ними́же и мы́, сему́ братолю́бия учите́лю, / па́мять пра́зднующе, сла́дце вопи́ем: / ра́дуйся, се́вера благодáтное сия́ние, / в вертогра́де Афóнстем свята́я Руси́ све́тлое отраже́ние; / ра́дуйся, А́нгеле моли́твы слѣзныя, / Бо́гу приноси́мая о все́й вселѣнней; / моли́ о нас Го́спода, братолю́бием оскудева́ющих.

И ны́не, Богорóдичен попра́зднства.

Та́же вход. Прокі́мен дне́.

Чте́ния преподо́бническая трі́.

Премуд́рости Соломо́новы чте́ние (главы́ 5 и 6):

Пра́ведницы во ве́ки живу́т, и в Го́споде мзда́ их, и попече́ние их у Вы́шняго. / Сего́ ра́ди прииму́т Ца́рствие благоле́пия, и вене́ц добрóты от руки́ Господни, / зане́

десницею покрѣет ѱ, и мѣшцею защитит их. / Приимет всеоружие рвеніе свое, и вооружит тварь в мѣсть врагом. / Облечѣтся в брони правды, и возложит шлем, суд нелицемѣрен. / Приимет щит непобѣдимый, преподобие. / Поострит же напрасный гнев во оружіе; / споборет же с ним мир на безумныя. / Пойдут праволучныя стрѣлы молниины, / и яко от благокругла лука облаков, на намерение полетят. / И от каменомѣтныя ярости исполнь падут грады, / вознегодует на них вода морская, реки же потопят ѱ нагло. / Спротив станет им Дух Силы, и яко вихор развѣет их, / и опустошит всю землю беззаконіе, и злодейство превратит престолы сильных. / Слышите, ѱбо, царие, и разумѣйте, навѣкните, судий концев земли. / Внушите, держащии множества, и гордящися о народах язык, / яко дана есть от Господа держава вам, и сила от Вышняго.

Премудрости Соломоновы чтѣние (глава 3):

Праведных души в руже Божией, и не прикоснется им мука. / Непщевани быша во очесех безумных умерети, и вменися озлобленіе исход их. / И еже от нас шествіе сокрушеніе, они же суть в мире. / Ибо пред лицомъ человеческимъ аще и муку приимут, упованіе ихъ безсмертія исполнено. / И в мале наказани бывше, великими благодетельствовани будут, / яко Богъ искуси ѱ, и обрете ихъ достойны Себе. / Яко злато в горниле искуси ихъ, и яко всеплодие жертвенное прият ѱ. / И во время посещения ихъ возсияютъ и яко искры по стѣблию потекутъ. / Судятъ языкомъ, и обладаютъ людми, и воцарится Господъ в нихъ во веки. / Надѣющіися Нань разумѣютъ истину, и вернии в любви пребудутъ Ему. / Яко благодать и милость в преподобныхъ Его, и посещение во избранныхъ Его.

Премудрости Соломоновы чтѣние (глава 4):

Праведникъ, аще постигнетъ скончатися, в покой будетъ. / Старость бо честна не многолетна, ниже в числѣ летъ считается. / Седина же есть мудрость челоукомъ, и возрастъ

ста́рости, жити́е нескве́рное. / Благоуго́ден Бо́гови бы́в, возлю́блен бы́сть, и живы́й посреде́ грѣшник преста́влен бы́сть. / Восхи́щен бы́сть, да не зло́ба измени́т ра́зума егѡ, или́ ле́сть прельсти́т ду́шу егѡ. / Рачѣние бо зло́бы по-мрача́ет до́брая, и парѣние по́хоти пременя́ет ум незло́бив. / Сконча́вся вма́ле, испо́лни ле́та до́лга. Уго́дна бо бе́ Го́сподеви душа́ егѡ, сегѡ ра́ди потща́ся от сре́ды лука́вства. / Лю́дие же ви́девше и не разумѣ́вше, ниже́ положи́ше в помышлѣнии тако́вѡе. / Я́ко благода́ть и ми́лость в преподо́бных Егѡ, и посещѣние во избра́нных Егѡ.

На стихѡвне стихи́ры, гла́с 2:

Подѡбен: Егдѡ от дрѣва:

Свѣтом невече́рним Святы́я Трои́цы просвещѣн, / но́щь житѣ́йскую без претыка́ния прошѣл еси́, / богому́дре Си-луа́не, / видѣнии божѣственными возвыша́ясь, / во дво́рех Бо́га Вы́шняго всели́лся еси́. / Те́мже и на́с наслѣдники То́го соде́лай, / святу́ю твою́ па́мь почита́ющих.

Сти́х: Честна́ прѣд Го́сподем сме́рть преподо́бных Егѡ.

Земна́я вся оста́вив, / бога́тство и сла́ву я́ко пра́х вме́нив, / Го́ру Святу́ю слеза́ми твои́ми ороси́л еси́ / и, нево-звратным желáнием Еди́ному Бо́гу приближа́ясь, / Сему́ а́нгельски послужи́л еси́. / Егѡже моли́, преподо́бне, / в кнѣзе жи́зни написáтися почита́ющим тя́.

Сти́х: Блаже́н му́ж, боя́йся Го́спода, в за́поведех Егѡ восхо́щет зело́.

Не преста́й моля́ся, ѡ́тче Силуа́не, / о неключи́мых ра-бѣх твои́х, / ихже богому́дренным твои́м жити́ем про-свети́вый, / Бо́гу прирази́л еси́, / да вси́ честно́е преста-влѣние твоѡ свѣ́тло почита́ем.

Сла́ва, гла́с то́йже:

О всеблаже́нне ѡ́тче Силуа́не, / бога́тства некрадо́мага стяжа́телю премудры́й, / моли́тву я́ко хлѣб, слѣзы я́ко елей вме́няя / и, я́коже Па́вел богому́дрый, / о Крестѣ́

Господнем радуясь, / Сольцу Правды горением любве
утреневал еси; / стяжанию Духа Святаго нас научаеши
прилежно.

И ныне, Богородичен по праздниства.

По Ныне отпуцаеши:

Тропарь, глас 2:

Серафимския любве ко Господу пламенный ревни-
телю / и Иеремии, о народе плачущему, / усердный под-
ражателю, / всеблаженне отче Силуане, / ты бо, зову
Матере Господа Сил внемляй, / змия греховнаго мужему-
дренно изрыгнул еси / и в Гору Афонскую от суеты мира
удалился еси, / идеже в трудех и молитвах со слезами /
благодать Святаго Духа обильно стяжал. / Еюже сердца
наша воспламени / и с тобою умильно взывати укрепил: /
Господи мой, Жизне мой и Радосте Святая, / спаси мир
и нас от всяких лютых.

И ныне, Богородичен по праздниства.

НА УТРЕНИ

На Бог Господь: тропарь праздника, дважды.

Слава, святому. И ныне, по праздниства.

По 1-м стихословии седален, глас 5:

Горы и холмы, възиграйте, пустыня Афонская, возве-
селися, / днесь бо обитель Целителя безсребреннаго,
утренюючи, песнь приносит Владыце: / воспойте Госпо-
деви песнь нову, яко дивна сотвори Господь, / возведе от
нас к Едему горнему молитвенника за мир неусыпна, /
Силуана богомудраго.

**Слава, и ныне, по праздниства или Богородичен,
глас тойже:**

Потребися всяка печаль Рождеством Твоим, / и отъят
Господь рыдание и плач и всяку слезу от лица зем-

норóдных, Чíстая Богорóдице: / о Тебé, Неискусобráч-
ная, и мý радости исполняе́мся.

По 2-м стихослóвию седа́лен, глас то́йже:

Погрéбл еси́ страстéй востáние умерщвлéнием плóти,
преподóбне óтче, / радость жízни безконéчныя по смéрти
прия́л еси́, / тéмже днесь Христо́ва Цéрковь прáзднует
твою́ досточúдную пáмять, / отцéв Афóнских украшéние.

Сла́ва, и ны́не, попра́зднства или́ Богорóдичен:

Ору́жием на́с слáдости грехóвныя уя́звленных и лежа́-
щих в рáнах неисцéльных, / Пречíстая Богорóдице, не
прéзри, но исцели́ / копиéм и Крóвию распéншагося за
ны́ Сы́на Твоего́ и Бóга на́шего.

По полиелéи седа́лен, глас 1:

Подóбен: Грóб Тво́й, Спа́се:

От ю́ности на го́ру безстра́стия возше́л еси́, / и, я́ко
вéтьвь ма́сличная, ко́рене земли́ Росси́йския, / в пусты́ни
Афóнстей житиéм непорóчным процвёл еси́, предивне
óтче Силуáне, / и, я́ко но́вый тайновíдец, благода́ть бо-
говéдения стяжа́л еси́, / и дерзновéнием Или́иным ко
Го́споду взывáл еси́: / Го́споди, спаси́ мíр, во злé обу-
рева́емый.

**Сла́ва, и ны́не, попра́зднства или́ Богорóдичен, глас
то́йже:**

Настáви на́с на пúть покая́ния, уклóншихся к безпу́ти-
ем зóл и Прεблагáго прогнэ́вавших Го́спода, / неискусоб-
ра́чная Прεблагословéнная Мáти, мíра всего́ и Горы́
Афóнския наде́ждо непрекáемая.

Та́же степéнна, 1-й антифóн 4-го гласа.

Прокíмен, глас 4: Честна́ прéд Го́сподем / смéрть пре-
подóбных егó. **Стíх:** Чтó возда́м Го́сподеви о́ всéх, я́же
воздаде́ мí? **Вся́кое дыха́ние:**

Евѣнгелие от Матфея, зачало 43.

По 50-м псалмѣ стихира, глас 6:

Преподобне отче Силуане, / во всю зѣмлю изыде вещаніе исправленій твоих, / тем на Небесех обрел еси мзду трудов твоих, / демонския погубил еси полки / и Ангельския достигл еси чины, / ихже житию без порока поревновал еси, / дерзновение имея ко Христу Богу, / мир испроси душам нашим и велию милость.

Канон по праздниству на 8, и святому на 6.

Канон святому, глас 5.

Пѣснь 1

Ирмос: Спасителю Богу, / в мори люди немокрыми ногами наставльшему / и фараона со всевоинством потопльшему, / Тому Единому поим, яко прославися.

Ума чистотою зову Матере Господа Сил внемляй, / змия, грех порождающаго, изрыгнул еси, / и взыгрися дух твой о Боже Спасе твоём, боголюбиве отче Силуане, / Егже моли о чтущих память твою.

К тебе, крест твой вземшему и на гору безстрастия возшедшему, / припадающе, молимся, всеблаженне: / воспламени сердца наша ко всех любящему Богу, / пламенем любви твоея, в горении неугасающем.

Егже возлюбил душа твоя, Сему уверился еси, / и к Нему Единому прилепился еси, боголюбче, / и сице искусителя злолукаваго души твоея покорил еси, / трудом, бдением, смирением и слезною молитвою сего посрамляя.

Слава: Господи Сил, освящай всякаго человека, грядущаго в мир, / даждь слово хваления устом моим, / да превознесу Трисвятое Имя Твое, дивно во святых Твоих почивающее, / с нимиже и Силуан, возлюбленный Твой, молит Тя о душах наших.

И ныне: Скóрбных наведéния обурева́ют убóгую мою́ ду́шу, / и напáстей óблацы мое́ покрыва́ют сéрдце, Бого-невéсто, / но, Свёт рóждшая Божéственный и превéчный, / возсия́й мнé свёт рáдости, моли́твами Силу́ана, уго́дника Твоегó.

Пéснь 3

Ирмо́с: Си́лою Крестá Твоегó, Христé, / утверди́ мое́ помышлéние, / во éже пéти и сла́вити / спаси́тельное Твое́ Воскресéние.

Кто́ испове́сть страда́ния души́ твоея́, преподо́бне Силу́ане, / егда́ дýх злóбы поднебéсныя претя́ше тí, / от Го́спода удалíti ду́шу твою́ зложелáше. / Сетéй сего́ лука́ваго избáви и на́с, моли́твенниче о всéй вселéнней.

Си́лою терпéния и красотóю смире́ния душа́ твоя́, всеблаже́нне, / хра́мина Дýху Свято́му устрои́ся, сего́ рáди взывáл еси́: / о лю́дие, творéние Бóжие, позна́йте Творца́ / и любóвию к Немú прилепи́теся.

Исто́чник рáдостей твои́х и ло́но мы́слей твои́х / и́мя Бóга Вы́шняго бы́сть, óтче Силу́ане, / к Немú прилепи́теся и в Немú утверди́теся / моли́твами твои́ми помози́ на́м, к тебе́ прибега́ющим.

Сла́ва: Го́споди, Го́споди, да́руй си́лу Твоея́ благода́ти, / да позна́ют Тебе́ вси лю́дие Дýхом Святы́м, / взывáем к Тебе́ умильно, я́коже возлю́бленный Тво́й, / любóвию к Тебе́ распаля́емый, Силу́ан предивный.

И ныне: Не умолчу́ вопи́ти яснéйше вели́чия Твоя́: / áще бо не Ты́, Отрокови́це, / всегда́ предсто́яла, моля́щи о мнé Сы́на Твоегó, / кто́ бы толи́кия бу́ри и лю́тых бед избáвил мя́.

Седáлен, гла́с 4:

Жáждею по Бóзе возревно́вав, óтче на́ш Силу́ане, зéмлю отéческую оста́вил еси́, / и со пустыннолю́бцы Горы́ Афóнския длáни твоя́ порабо́тати Го́сподеви всеу́сэрднейше распро́стерл еси́, / иде́же равноа́нгельскими

труды твоими вертоград Владычицы мира преукрасил еси / и, яко благовоние, Церкви Вселенстей возблагоухал еси, / лозо винограда новаго, Духом Святым облагодатствованная.

Слава и ныне, Богородичен, глас тойже:

Несть возможно исчислити величия Твоя, Богородице, / ниже изрещи неизследимую паче ума силу чудес Твоих, совершаемых вину, / любовь Тя чтущим и верою поклоняющимся, / яко воистинну Бога Родшей.

Песнь 4

Ирмос: Услышах слух силы Креста, / яко рай отверзся им, / и возопих: / слава силе Твоей, Господи.

Яко пчела трудолюбная, постом и молитвою к Богу прилежал еси / и Богородицу Пречистую мир не оставляти слезно умолял еси, / отче преподобне, не престай и ныне о нас молитися, / яко имаши дерзновение велие.

Кладязь новый благодати неисчерпаемая в Горы Афонстей явился еси, всеблаженне, / из негоже, паче меда и сота, / сладость любви Христовы Духом Святым источается, / еюже в горести греховней услади сердца наша.

Господу, рекшу: идеже есть сокровище ваше, ту будет и сердце ваше, — / благоволи убо, о всеблаженне, с тобою Тому звать: / Господи, Духом Твоим Святым даждь сердцу моему жажду, / да никогдаже Тобою насыщуся.

Слава: Яко жертву благовонную и непорочную, / принеси молитвы твоя за ны ко Пресвятей Троице, преподобне отче наш, / и милости испроси ненавидящим и враждующим на нас, / и их, и нас избави от всякия скорби и печали.

И ныне: Тя, Чистую, Тя, Деву Нескверную, Едину имам стену неборимую, / прибежище, покров крепок,

оружие спасения, / не презри мене, блуднаго, Надеждо
ненадеемых, / немощствующих помощи, радости оскорб-
ляемых и заступление.

Песнь 5

Ирмос: Утренююще, вопиём Ти: / Господи, спаси ны, /
Ты бо еси Бог наш, / разве бо Тебе, иного не знаем.

Ты, Господи, создал мя еси и святым Крещением про-
светил мя еси, / Ты прощаеши грехи моя и даруеши при-
чащаться Тела Твоего и Крове, / даруй ми силу всегда
пребывать в Тебе, / Силуаново рыдание приношу Ти,
Боже наш.

Ума моего омрачение и страстей телесных обурева-
ние / твоими молитвами, всеблаженне, просвети и
утиши, / якоже дерзнул еси укротити волны морския, /
не терпя видети рыбаки гибельными ветры обуреваемы.

Недостойными усты приносимое тебе убогое хваление
наше, / преподобне, не презри, но прими / и воспе-
вающих память твою молитвою посети, / бед и напастей
и вечнаго мучения избави, / да не постыдимся, на тя
уповающе.

Слава: Якоже горлица пустыннолюбная, от стражи
утренняя до нощи / воспевати Троицу Единосущную и
Нераздельную / со пустыннолюбцы Горы Святыя при-
лежал еси, отче Силуане, / умилоствления мертвым,
живым и грядущим ходатайствуя.

И ныне: Кий дар благодарения принесу Ти, Богородице,
/ яко насладихся Твоих дарований и Твоея безмер-
ной благодати? / Темже убо песнословлю и величаю /
Твою неизреченную ко мне милость.

Песнь 6

Ирмос: Обиде мя бездна, / гроб мне кит бысть, / аз же
возопих к Тебе, Человеколюбцу, / и спасе мя десница
Твоя, Господи.

Святителие и священницы, иноцы и вси людие, / радующеся, вкупе прославите Бога и Пречистую Матерь Его, / кадило новое, молитву чистую, Силуана, пламенем Духа Святаго горяща, / у Престола Небеснаго за нас приявших.

Возвеселися, Горю Афонская, со пустыннолюбцы твоими / и во псалмех и пениях и песнях духовных воскликни Богу: / да угоден будет пред Лицем Твоим верный слуга Твой, / егже молитвами благодать новая Церкви Святей даровася.

Приидите, вси вернии, со пустыннолюбцы Горы Святая, / память праведнаго с похвалами почтим, зывающе: / вознесите Господа Бога нашего и поклоняйтесь в горе святей Его / дивно во святых Своих Почивающему.

Слава: Боже, кто уподобится Тебе? Ты Един Вышний по всей земли. / Мы же, равноангельному смирению раба Твоего внемлюще, / образу и подобию Твоему Духом Святым чаем обновитися.

И ныне: Не скрью глубины Твоих щедрот, и тока безмерных чудес, / и источника приснотекущаго воистинну еже ко мне милости Твоея, Богородице: / но всем исповедую, и вопию, и вещаю.

Кондак, глас 2:

Смирномудрия исповедниче предивный / и человеколюбия Духом Святым согреваемая доброто, / Богу возлюбленне Силуане, / о подвиге твоём Церковь Российская радуется, / иноцы же Горы Афонския и вси христианстии людие, / веселящеся, сыновней любовью к Богу устремляются. / Егже моли о нас, равноангельне богорядче, / во еже спастися нам, в горении любве тебе подражающим.

Икос:

Имя богатство благодати, во еже духом на Небесах возведена быти, / воистинну радости неизреченныя сподоб-

бился еси́, о́тче преблаже́нне Силуа́не. / Егда́ бо, вне́ образъ ми́ра, в созерца́нии безме́рно любящаго Христа́ Бо́га Лице́ ви́дети сподобился еси́, / тогда́, Ду́хом Святы́м укрепля́емь, / в вертогра́де Преблагослове́нныя Богома́тере Тому́ всеусе́рднейше послужил еси́. / Егóже моли́, равноа́нгельне богове́дче, / во е́же спасти́ся на́м, в горе́нии любве́ тебе́ подража́ющим.

Песнь 7

Ирмос: В пещи́ о́гненной / песносло́вцы спасый́ о́троки, / благослове́н Бо́г / о́тец на́ших.

И́го благо́е, бремя́ лёгкое Христа́ Спа́са взём, / и ветри́лом Ду́ха Свята́го, в стра́се божественном, / к пристáнищу благоот́ишному корáбль душе́вный тво́й управил еси́, о́тче Силуа́не, / мона́хом, в по́двизе изнемога́ющим, о́бразе предивный.

Ка́ко не дивимся́ смире́нию и человеколю́бию тво́ему, Силуа́не предобре́, / ви́дяще тя́ слёзы исто́чающа / и о́сущих во а́де и нераска́янных грешни́цах рыда́ньми сраспина́юща, / враго́м же сво́им прощэ́ния прося́ща, всепрощэ́нию Христо́ву подража́юща.

Псаломски́ восклицáя: ви́дена бы́ша шэ́ствия Тво́я, Бо́же, / шэ́ствия Бо́га моего́ и Царя́, И́же во святэ́м, — / Сего́ войсти́нну в лице́ о́тца́ духо́внаго Авраа́мيا зрети́ сподобился еси́, / чтíti наста́вники на́ша благода́тне на́с наста́вляя, Силуа́не богове́дче.

Сла́ва: О́браз начертáний добродетельных де́яний сый, смире́н же и кро́ток, / и наста́вник до́брый мона́шествующим в Горé Афóнстей показáлся еси́, Силуа́не, / сего́ ра́ди мона́си и мирсти́и / предста́тельству тво́ему́ пред Бо́гом вверя́ются.

И ны́не: Покро́в бу́ди и предста́тельство, и заступле́ние, и похвалá, Де́во, / обнаже́ну мне́ ны́не вся́кия по́мощи, / безпо́мощных си́ло и наде́жду ненаде́емых, / Силуа́на моли́твами, со́лнца тепле́йшими.

Пѣснь 8

Ирмос: Из Отца прежде век рождѣннаго Сына и Бога / и в послѣдняя лѣта воплощеннаго от Дѣвы Матере, / священницы, пойте, / людие, превозносите во вся вѣки.

Воздеяние рук наших примѣ, преподобне, / Владычней благодости подобяся, прегрешѣния наша презирая, / ты бо душу твою уязвил еси Христовою любовью и Пречистыя Егѡ Матере, / Юже умоли спасти души наша.

Яко крин предивный и сафир пречудный, / в вертоградѣ Пречистыя процвел еси, преподобне Силуане, / Владыце твоему Христу смиренно ревнуя, выше бо человека восприем житие, / имже многих души Господу приводиши.

Войстинну носитель даров Святаго Духа был еси / и различными добродетельми украшен, Силуане, / смиренном горною высоту наследив, нищетою Небесное богатство изрядно приял еси. / Наследники сего покажи ны, молитвами твоими.

Слава: Сияния Божественнаго и Духа Святаго сладости причастника показя ты Господь, отче Силуане, / егда в неизреченном Фаворстем сиянии ты посетил есть. / Зрети славу сего в свете блистания Божества Егѡ / сподоби и нас, молимтися.

И ныне: Пречистая Владычице, Небесных Сил превышшая, / рождающая Спаса, всех Содетеля, Единосущна Отцу и Духу, / даждь нам слово, Препетая, яко да возможем пѣти Тя, / Сущую Заступницу рода нашего.

Пѣснь 9

Ирмос: Тя, паче ума и словесѣ Матерь Божию, / в лето Безлетнаго / неизреченно рождшую, / вернии, единомудренно величаем.

В житий подвижника предивна, по смерти же молитвенника / и сострадателя за ны пред Богом изрядна

познахом тя, преподобне, / егда иеродиакона Давида, смертельно отравлена, посещением твоим внезапно исцелил еси, / покаяния время сему исходатайствовав усердно.

Земли Россійския сосуде избранный и Горы Афонския подвижнике новый, / угоднике Божий Силуане, простри длани твоя за ны ко Господу / и, яко миро благовонное, молитвы вознеси, / да спасет от смерти души наша.

Ангелом единоправна и святым сопричастна / к горнему Сиону призва тя Господь, преподобне, / идеже вознеси молитвы твоя за ны ко всех Владыце, / ходатайствуя о Святей Церкви и нас, чтущих память твою сладкопесенно.

Слава: Огнем купину не опалившего и пламенными языки Церковь Христова освятившего, / смирения твоего ради, Духом Святым возжжен был еси, отче предивне, / да житием нескверным научиши ны поклоняться Троице, всех Богу, / пламенем любви твоея к Нему приближающихся.

И ныне: Яко всех Царицу и Владычицу нашу, / Тя любовью славим, Пречистая Дево, / просвещенная страстми Сына Твоего и познавшии Сего всем Благодетеля. / Слава благодати Его во вся веки.

Светилен, глас 4:

Света немержущаго блистанием украсился еси, преподобне отче наш Силуане, / и предстоиши вечно престолу славы Троицаго Божества, о Дусе Святом ликовствуяй. / Благодати сея испроси и нам, / да молитвами твоими причастницы жизни вечныя будем.

И ныне, Богородичен, глас тойже:

Осиянием Твоим просвети наша помышления, и сердца и разум, Мати Безвестная, / яко да стезями жизни право ходяще, милость получим, / возвещающе присно хвалы Твоя.

На хвалітех стихіры святаго на 4, глас 4:

Подобен: Дал еси знамение:

Любве Божия пламенный рачителю / и Духа Святаго усерднейший стяжателю, / преподобне отче Силуане, / Егже ветрѣлы страсти душевныя в сердце твоём, / яко на мельнице, истёрл еси, / и сѣце хлѣб ангельский вкусив, / темже, икономе добрейший, питаеши и нас, / да причастицы жизни вечныя будем.

Кладязь новый, воды живыя преисполненный, / в Горѣ Афонстей источися, / слезы молитвы твоея, преподобне Силуане, / ихже, яко миро нарда чиста многоценна, / у ног Господа нашего источал еси, / мертвым, живым и грядущим умилоствления прося. / Сея молитвы не лишѣи и нас, преподобне, / в мори житейшем грехми обуреваемых.

Образ смирения Христова и любве Его / житием твоим показал еси, преподобне, / слезно взывая: / братие, любите враги ваша, / сѣи бо сѣуть братия ваша, / враг же наш диавол есть, / сѣце бо средостение греха разрушается, / и злоухищрения диавола побеждаются, / и мир Божий в человецех водворяется, / творящии же сѣи не подвижатся в правде Божией во веки.

Свещу, мрак греховный просвещающую, / показа тя Господь, боголюбиве Силуане, / да к тебе, человеколюбивем избилующу, / за томлящихся во аде страдати желающую, / в надежди спасения припадающе, вопием: / слез твоих теченьми очисти прегрешения наша / и исцели души наша, / да не лишени будем любве Христовы, / егда явится в день Судный.

Слава, глас 6:

Приидите, вси Христу любовию утреннюю, / да радости подвижника предивнаго причастицы будем: / ныне Ангели на Небесех / и человецы на земли радуются, / се бо Пречистая Мати / от юдоли греховныя, / яко овча об-

ретѣнное, / Силуана, смиреніем украшена, / во двѣр овецъ Христовыхъ приведе, / величіе его подвига веры, / яко жертву непорочную, / во Святаѣ Святыхъ вознесе, / да видяще, како любитъ Господь верныхъ Своихъ, / и мы Царствію Христову приобщимся.

И ныне, Богородичен.

Славословіе великое. И отпуст.

НА ЛИТУРГІИ

Блаженны от канона святаго, пѣснь 3-я и 6-я. Прокімен, Апостол, Аллилуія и Евангелие преподобнаго.

АКАФИСТ

преподобному Силуану Афѣнскому,

Кондак 1

Избранный подвижниче и земный Ангеле Христовъ, всеблаженне отче Силуане! В непрестанномъ бденіи, постѣ и смиреніи отцевъ афѣнскихъ преизрядный подражателю, жажду по Бозе и горѣниемъ любве къ Немю благодать обильную души твоей стяжалъ еси, всеблаженне. Христу подражая, за томящихся во аде, живыхъ и грядущихъ, молитвою слезною сраспинался еси. Сицевыя любве твоея не лишій и насъ, во юдоли греховней твоего предстательства предъ Богомъ просящихъ и умилно зовущихъ: Радуйся, отче Силуане, в молитве за миръ горѣние любве неугасающее.

Икос 1

Ангеловъ Творецъ и Господь Силъ из чрева матери твоея предызбралъ тя и, по глаголу Псалмопевца, сердце глубоко дарова ти, богоносне отче Силуане, да яко в чертозе преизряднемъ, вместиши невместимое имя Бога Вышняго и

си́лою Бóжиею и Бóжиею Премудростию жити́ю а́нгельскому всеу́сердно послéдуеши. Мы́ же, похваля́юще чýдный пóдвиг земн́ых трудóв тво́их, благоговéйно зовéм т́и: Рáдуйся, родíteлей благочестíвых плóде целомудренны́я чистоты́; рáдуйся, благовóнное цветéние íх пóдвигавéры, неувяда́емая красоты́. Рáдуйся, благочéстие родíteлей тво́их душе́вне возлюбíвый; рáдуйся, целомудрию и боголúбию íх уподóбитися благово́ливый. Рáдуйся, измла́да рáдости в Бóзе искáти дíвно умудрívыйся; рáдуйся, áки елéнь, к исто́чнику благодáти Бóжия устремíтыйся. Рáдуйся, слóвом Бóжиим, áки слáдким мéдом, рáзум ю́ности твоея́ усладíтый; рáдуйся, сéрдце твое́ во́ле Бóжией всецело́ покорíтый. Рáдуйся, óтче Силуáне, в моли́тве за мíр горéние любв́е неугаса́ющее.

Конда́к 2

Ви́де ты́ Преблагословéнная Богорóдица в пучíне грехóвней погружа́ема, егда́ слáдость грехóвная, áки змíй злосмра́дный, вни́де во утробу́ ю́ности твоея́, Ма́терски скорб́ящи, дíвно воззва́ т́и: ча́до, неудобно́ Ми́ е́сть видети́ ты́ во грехóвнем дéлании оскверня́ющаяся. Ю́же состра́ждущу о твоéм грехопадéнии уразумéв, змíя грехóвнаго мужемудренно́ изрыгну́л еси́, пока́нием и моли́твою тогó побежда́я, любя́щему же на́с Гóсподу в́ину воспева́я о Пречíстей Ма́тери Егó благодарную́ пéснь: Аллилу́ия.

И́кос 2

Ра́зум божéственный осení ты́, егда́ глас Ма́тере Гóспода Си́л услы́шати сподóбился еси́, избрáнниче Бóжий Силуáне, и благодáть Свята́го Дúха испóлни сéрдце твое́. То́я же дéйствием, áки сёрна от тенéт, в вертогра́д дíвно призва́вшия ты́ Бóжия Ма́тере, Гóру Афóнскую, от мирскíя суеты́ устремíлся еси́, во éже прилепíтися Бóгу сынолúбне. Мы́ же, видя́ще чýдное изво́ление о тебé мíра Влады́чицы, умíльно зовéм т́и: Рáдуйся, от мра́ка гре-

хóвнаго к свѣту Ёстины Христóвы Самóю Пречíстою призвáнный; рáдуйся, бѣти вѣрный дѣлатель Ея земнаго вертограда дѣвно избранный. Рáдуйся, земли Россійския грóзде сладкотѣчный, на Горѣ Афóнстей избóбно прозрѣвый; рáдуйся, совѣсте недрѣмлющая, покаянною молитвою жáло грехóвное притупившая. Рáдуйся, во свѣте Пантелеимоной обители áнгельски Бóгу послуживый; рáдуйся, в трудѣ, постѣ и безмóлвии врага, борющаго тя, славно покоривый. Рáдуйся, вся кóзни диáвола смиренномóдренно поправый; рáдуйся, жáждею по Бóзе вѣру непорóчную славне стяжавый. Рáдуйся, óтче Силуáne, в молитве за мёр горѣние любвѣ неугасающее.

Кондак 3

Сíла Вѣшняго войстинну храняще тя, егда дѣх áда и смёрти претяше ти и дѣшу твою прельщѣнными грехóвными обуреваше, боголюбиве óтче Силуáne. Изнемогай же, Бóга неумолима помыслил еси бѣти; тогда Человекóлюбец Господь, в неизреченном Фавóрстем блистáнии, тя посети и огнемъ благодáти Святаго Дѣха укрепí ты, всеблаженне. Ты же, áки Пáвел, нóвое рождѣние восприяв, со страхомъ и радóстию зывáл еси Бóгу: Аллилу́ия.

Ўкос 3

Имѣя богáтство благодáти, во ёже дѣхомъ на Небеса́ возведѣну бѣти и тамо неизреченныя глаголы слышати, войстинну, радóсти тоя кто исповѣсть, óтче преблаженне Силуáne. Егда бо, вне образóв мёр, в созерцáнии Божества добрóты несказанныя, безмёрно любящаго и всепрощающаго Христа́ Бóга лице видети сподóбился еси, неизреченныя любвѣ Бóжия преиспóлнился еси. Мы же, чудящися твоёму неизглаголанному Боговѣдению, вопиёмъ: Рáдуйся, в пóдвиге вѣры Христóва посещѣния и утѣшения сподóбивыйся; рáдуйся, добрóту неизреченныя славы Егó лицезрѣти удостóвивыйся. Рáдуйся, в Едемъ Небесный дѣвныя красоты́ Дѣхомъ Святымъ возведенный;

ра́дуйся, та́мо благодáтными дáры Свята́го Уте́шителя Ду́ха преизобѣльно напоенный. Ра́дуйся, причáстниче неизреченныя ра́йския красоты; ра́дуйся, Бо́гом возлю́бленный и Ём облагодáтствованный щедрóтами Небесныя доброты. Ра́дуйся, тоя́ благодáти все́му человéчу рóду приле́жно ходáтайствуй; ра́дуйся, я́ко стра́ж недрёмляй, к у́тру жи́зни вéчныя нас пробужда́й. Ра́дуйся, óтче Силуáне, в моли́тве за ми́р горéние любвѣ неугаса́ющее.

Конда́к 4

Бу́рю лю́тых искуше́ний воздвѣже на тя́ человекоуби́йца диáвол, искони́ искѣй пра́ведных погуби́ти, но ты́, óтче Силуáне, Ду́хом Святы́м наставля́емый держа́ти ум тво́й во áде и не отча́яватися, в непреста́нном бде́нии и смире́нии ко́зни диáвола предва́ряя, тогó победи́л еси́. Он же, тобо́ю посра́мленный, не обину́яся, рече́ ти́, я́ко лже́ц е́сть. И та́ко от сетей врага́ ду́шу твою́, áки голуби́цу кро́ткую, Бо́гу соблю́л еси́, непреста́нно воспева́я Емú: Аллилу́ия.

Йкос 4

Слы́шаще о тебе́, я́ко дѣивно от мирскѣя суеты́ к ино́ческому по́двигу призван бѣсть и благодáтию Бо́жиею до́бр пло́д твори́ши, преподо́бне, не то́кмо младѣи ино́цы, но и ста́рцы, в по́двиге зело́ иску́сни, к тебе́ притека́ху, и, áки ме́дом, дѣлы и словесы́ твоими́ услажда́хуся, и та́ко равноáнгельскаго житѣя́ достига́юще, Го́споду уподобля́хуся. Мы́ же, ви́дяще ты́ смиренномúдрием укра́шена, с ра́достью зове́м ти́: Ра́дуйся, смиренномúдриа и целомúдриа кла́дязю неисчерпа́емый; ра́дуйся, земна́го Еде́ма крѣне благоуханный и неувяда́емый. Ра́дуйся, благо́е йго Христо́во в по́двиге твоём с любóвию носѣвый; ра́дуйся, ум тво́й, се́рдце и во́лю в Бо́зе моли́твою утверди́вый. Ра́дуйся, чистоты́ душе́вныя и телесныя храните́лю усердны́й; ра́дуйся, непреста́нною моли́твою на высотú безстра́стия возше́дый. Ра́дуйся, святоотéчес-

ким правилом усърднейший подражателю; радуйся, Небеснаго Отечества и любви Божия к нам непрестай глашатаю. Радуйся, отче Силуане, в молитве за мир горение любви неугасающее.

Кондак 5

Звездү, путь указующую и ум просвещающую, Божественную благодать, дарова ти Господь, боголюбиве отче Силуане, и тою, аки пророка Илию у потока Хорафа, на спасительный подвиг укрепляше тя. Ты же, дивно питаемый от неизживаемых сокровищ Духа Святаго, в юности и престарении, от стражи утренняя до ночи, в молитвах за всю вселенную, аки свирель сладкопесенная, непрестанно зывал еси Богу: Аллилуия.

Икос 5

Видим тя, о преблаженне отче Силуане, в подвиге блазем, аки младенец млека матери, любви Божия ищуща, и к Тому любвию пламенеющая, и слезно зывающая: помяну душа моя любовь Господню, и согреяся сердце мое: кто бо даст ми толикий жар, еже не знати ми покоя во дни, ниже в ночи от любви Божия? Сего ради содрагаемся сердцем и умиляемся душею о толиком горении любви твоея ко Всещедрому Богу и умильно зовем ти: Радуйся, паче сладка меда неутолимо правды Божия жаждай; радуйся, в любви твоей ко Господу Ангелом подражая. Радуйся, вознося кадило молитвы чистыя, аки пламень огненный; радуйся, красотю ангельскаго благоговения украсивый горняя и дольняя. Радуйся, яко огню купины негоряема сердце твое подобяшеся; радуйся, яко руке твой, аки Моисеове за народ избранный, о всех пред Господем простирастася. Радуйся, ты бо возлюбил еси возжелати судьбы Божия на всякое время и зыскал еси оправданий Его; радуйся, яко непрестанно Ему зывал еси: спаси, Боже, люди Твоя и благослови достойние Твое. Радуйся, отче Силуане, в молитве за мир горение любви неугасающее.

Кондак 6

Проповѣдник немолчен безмолвия явился еси, угодниче Божий, егда Человеколюбец Господь восхотѣ в любви испытати тя и посещения Всесвятаго Духа лишї ты. Ты же, уразумѣв себѣ лишена Того благодати, аки Адам лишения Рая рыдаше, сердцем сокрушенным слезно зывал еси: Господи! Ты прежде зыскал еси мя и дал ми еси насладитися Духом Твоим Святым, и душа моя возлюби Тя. Ныне же тужит душа моя по Тебѣ. Сїце рыдая, обаче на милосердие Божие уповая, зывал еси Ему: Аллилуїя.

Икос 6

Возсиял еси, боголюбиве отче Силуане, яко новый Тайновидец, отнелиже смирением и молитвою со слезами благодать Святаго Духа паки стяжал еси, от неяже любви неизреченныя преисполнися сердце твоѣ. Ты же, уразумѣв благодати сея силу, дерзновением Илиным воззвал еси: Господи! Не токмо мне, всему миру даруй познати любовь Твою и спастися. Мы же, имуще тя молитвенника пред Богом неусыпна, со умилением зовем ти: Радуйся, яко молитвенным сраспинанием за умерших, живых и грядущих был еси небо отверстое; радуйся, яко сицевою любовью исходатайствовал еси души твоей Царство Небесное. Радуйся, чистоты веры и беззлбия дивное воплощение; радуйся, грехопадением ближних твоих стяжавый Христово всепрощение. Радуйся, дивнаго святилица мира угодником Божиим верный подвижникче; радуйся, Препоблагословенныя Игумении Афона верный послушнике и даров Святаго Духа вместилище. Радуйся, Тоя вертограда трудниче неусыпный, в подвизе изнемогающих укрепляя; радуйся, Горы Афонския свирель сладкопесенная, о грядущей жизни возвещающая. Радуйся, отче Силуане, в молитве за мир горение любви неугасающее.

Кондак 7

Хотя Человеколюбец Господь явити в тебе новое благосветлое светило, преподобне отче Силуане, яко ветвь масличную, от корене земли Россійския, в пустыни Афонстей насади, и, Духа Святаго благодатию орошая, многоплодна ты сотвори: делы бо и словесы твоими, аки елеем животворным, чистоте и целомудрию, благочестию и братолюбием всех наставлял еси. Он же, союзом любви связүеми, покаряюще худшее лучшему, воспеваху Богу: Аллилуия.

Икос 7

Новаго пустынножителем сподвижника, монахом и мирским наставника и учителя яви ты Господь, преблаженне Силуане. Ты бо, еще в мире жив, некоего воина, о грехопадении жены своей соблазнившегося и во гневе ярящася, Христову всепрощению научил еси, и сим таинство брака, малая церковь, от разрушения сохранися; иноков же, в уныние впадших, к стяжанию душевнаго мира призывая и страху Божию наставляя, к покаянию приводил еси, и тако рай жителей быти всех приуготовлял еси. Ведуще ты тако о спасении всех печалющася, достождно с любовью вопием ти: Радуйся, пустыннолюбцев в искании Бога усердный сподвижнике; радуйся, братолюбия прилежный строителю и теплый о всех молитвеннике. Радуйся, на пути житейстем, в бедах и напастех сопутнике верный; радуйся, в болезнях и печалех и скорбех душевных служителю нелицемерный. Радуйся, вестнике любви Божия, к примирению с Богом и ближним своим всех призываяй; радуйся, свидетельством, яко благ Господь, души, от греха изнемогающия, в надежди прощения подкрепляяй. Радуйся, верный подвижнике земнаго Едема, спасение миру слезно ходатайствуяй; радуйся, за всех нераскаянных грешников во ад снити желаяй. Радуйся, отче Силуане, в молитве за мир горение любви неугасающее.

Кондак 8

Стра́нное чу́до яви́ тебе́ Госпо́дь, преблаже́нне о́тче Силуа́не, егда́ ста́рца духо́вника́ Авраа́мيا преображе́нна во о́бразе своём, невырази́мо сия́юща, дивно́ ти́ показа́, и та́ко че́стне почита́ти та́инство пока́яния на́с наста́ви. Мы́ же, ви́дяще тя́, во́лю свою́, я́ко Само́му Го́споду, духо́вному отцу́ своему́ вверя́юща и та́ко смире́нием и пока́янием зла́я хоте́ния своя́ отсека́юща, во́ли Бо́жией, чре́з па́стырей Це́ркве Христо́вы, науча́емся уверя́тися и си́це, пре́жде исхо́да на́шего, гнева́ Бо́жия и Судá грядúщаго избежа́ти, вопи́юще Триеди́ному Бо́гу: Аллилу́ия.

Икос 8

Все́м се́рдцем и душе́ю смире́ние Христо́во стяжа́вый, предивный угодниче Бо́жий, и Тому́, возлю́бленному, за ми́р сраспина́йся, слéзно взыва́л еси́: Сладча́йший Иису́се! Ты́ воскресил еси́ ду́шу мою́ любя́ти Тя́ и бли́жняго своего́. Да́руй ми́ у́бо источа́ти слéзы за всю́ вселенную́, да все́ лю́дие позна́ют Тя́ и да насла́дятся ми́ром Твои́м и у́зрят све́т лица́ Твоего́. Мы́ же, во гресéх жити́е на́ше иждивши́и и тобо́ю спаса́еми, ублажа́ем тя́ си́це: Ра́дуйся, Засту́пницы усердны́я в моли́твах за ми́р сподви́жнице неутомимый; ра́дуйся, я́ко Иере́мья, о наро́де пла́чай, Го́ру Святу́ю слеза́ми ороси́вый. Ра́дуйся, предивный Афóнский подви́жнице, всю́ вселенную́ моли́твою освяща́яй; ра́дуйся, я́ко о́тец чадолюбивый, за все́х во гресéх погиба́ющих слéзно пре́д Бо́гом ходата́йствуй. Ра́дуйся, Христу́ Бо́гу возлю́бленне угодниче, А́нгелом ра́дость и удивле́ние; ра́дуйся, се́вера све́тлое сия́ние, в Афóнстей пусты́ни Святы́я Руси́ чи́стое отображе́ние. Ра́дуйся, в смире́нии и послуша́нии явивый ми́ру о́браз а́нгельския красото́й; ра́дуйся, теплото́ю моли́твы твоея́ и на́с до́м Ду́ха Божественнаго хотя́й сотвори́ти. Ра́дуйся, о́тче Силуа́не, в моли́тве за ми́р горéние любве́ неугаса́ющее.

Кондак 9

Всё естество ангельское и подвижников множество удивішася смиренію и человеколюбію твоєму, отче наш Силуане, егда икономства послушанием целомудренному Иосифу во Египте уподобился еси. И не токмо о братии святыя обители, но и о мирских делателях, тамо трудившихся, яко о чадах Божиих, попечение имевый, Богу, любящему всякое Свое создание, взывал еси: Господи, послѣ Духа Святаго Твоего и утѣши скорбныя души бѣдных людей сих. Тако бо во всяком послушании смиренномудрия красоту показуя, непрестанно взывал еси Богу: Аллилуія.

Икос 9

Ветии многовещаннии не возмѡгут изрещи силу любви твоея, предивне отче Силуане, ты бо слѣзно жаждал еси всяку вражду и нестроение в людех угасити и всяческая с Богом примирити, взывая Владыце мира: Господи! Твоим жажду быти и с Тобою за всю вселенную со-распятися, да вси спасени будут. К братии же взывал еси: чада, молитесь за врагов своих, тии бо суть братия ваша, жизнь ваша, враг же мира токмо диавол есть. Мы же, тако к братолюбию и человеколюбию тобою наставляеми, зовем ти: Радуйся, добротою твоєю Христу на Голгофе уподобивыйся; радуйся, не руками бо, сердцем и душею за врагов своих сраспинавыйся. Радуйся, о ближних пекийся и красоту благодатнаго безмолвия не утративый; радуйся, любя ближних своих, силу непрестанныя молитвы стяжавый. Радуйся, постом и молитвою стрелы лукаваго до конца отразивый; радуйся, злоловления и ухищрения диавола препобеждати нас научивый. Радуйся, в мельнице Христове плоть трудом изнуряя, аки хлебом священным, сердце молитвою услаждавый; радуйся, делателей вертограда Царицы Небесныя хлебом насущным изобильно питаवый. Радуйся, отче Силуане, в молитве за мир горение любви неугасающее.

Кондак 10

Спасения души твоея ища и Христу Сладчайшему прилепиться желая, от земли отец твоих на Гору Святую смиренне притекл еси, идеже в воздержании и безмолвии, трудолюбии и человеколюбии равноангельную красоту стяжал еси, всеблаженне. И тако преблагословеннаго утра, егда вси пустыннолюбцы обителей Афонских полунощную песнь Творцу воспеваху, благия кончины достигл еси и душу твою, Животворящим Телом и Кровию Господнею напитанную, в Божественней руке Того предал еси, во еже непрестанно со всеми святыми воспевати святых Святейшему Слову: Аллилуия.

Икос 10

Царя Небеснаго, Егоже славословят Херувими и Серафими и святых собори, житием, верою и любовью всеусерднейший служитель был еси, преподобне, и, яко крин благоуханный, со всеми избранники Пречистыя Богородицы, у престола Всесвятыя Троицы предстал еси. Буди же, всеблаженне, о благоденственном мире земли отец твоих усердный пред Богом ходатай, о Церкви же Святей ангел неусыпных молитвы и теплый предстатель, да тобою от бед избавляеми, благодарне зовем ти: Радуйся, ангеле земли Российския, на Святей Горе презрядно потрудивыйся; радуйся, молитвенниче теплейший, у престола Божия за нас любовью сораспныйся. Радуйся, о людех земли отцев твоих усердный пред Богом ходатаю; радуйся, братии Афонскаго вертограда, в подвизе изнемогающим, скорый предстателю. Радуйся, язвы Господа твоего на теле твоём безропотно носивый; радуйся, душу твою, покаянными слезами убелену, чисту Тому вверивый. Радуйся, верный делателю винограда Христова, к Горнему Сиону Господем призванный; радуйся, яко тамо собеседуеши со святыми и Ангелы, славою и честью увенчанный. Радуйся, отче Силуане, в молитве за мир горение любви неугасяющее.

Кондак 11

Пѣснь благохвѣльную приносим ти, угѣднице Бѣжий, ѡтче Силуѣне, горѣнием бо любвѣ ко Господу, за спасѣние мѣра взалкавшему и смиреніем Своимъ диавола посрамившему, вѣрно послѣдуя, пустыню Афѣнскую молитвою чѣстою облагоухал еси, ѡбраз равноангельнаго житія, многоплѣдными дѣры Святѣго Духа украшеннѣй, благодѣтно намъ показуя. Сѣце бо Гѣру Святую раѣви уподѣляя, врага посрамил еси, души же твоѣй Цѣрствие Небѣсное стяжал еси, подвизая и насъ любѣвию к Бѣгу прилеплѣтися, вопиюще Емѣ: Аллилуя.

Икос 11

Светоподѣтельнаго Свѣта и благодѣти Святѣго Духа носителя в житіи, и по смѣрти всемѣ мѣру яви тя Господь во днѣх нашихъ, преподѣбне, во ѣже взирающе на тя, нетлѣнною красотѣю земныхъ подвигѣв блистающа и херувимски у престѣла Бѣжия за насъ молитвы творяща, в надежди нашего спасѣния уверятися и благонравному житію всеусѣрднейше послѣдовати, волю же свою любви Бѣжией сладце покоримъ, такожде и в телесѣхъ и душахъ нашихъ прославлѣние Имене любящаго насъ Господа да утвердѣтся. Тѣмже, тобою в вѣре укрепляѣми, с любѣвию зовѣм ти: Радуйся, подвигѣмъ жѣзни благонравныя в любви к Бѣгу насъ укрепляя; радуйся, усѣрдный обличѣтельно злонравия, таинства и правила вѣры Православныя хранѣти насъ наставляя. Радуйся, пустынножѣтельствомъ Петру Афѣнскому в постѣ и безмѣлвии прилѣжно ревновавый; радуйся, попечѣниемъ о благонравии иночествующихъ ѣвве Афанасію вѣрно подражавый. Радуйся, нѣвый светильниче вѣры, во днѣ наша вѣрный пѣть к Бѣгу указуя; радуйся, о неоскудени благодѣти Святѣго Духа в Цѣркви Православней всемъ дѣвно свидѣтельствующий. Радуйся, вѣрный рабе Христовъ, достѣйно у престѣла славы Егѣ предстоая; радуйся, благія кончины и дѣбраго отвѣта на Страшномъ Судѣици Христовѣ намъ усѣрдно

просяй. Рáдуйся, óтче Силуáне, в моли́тве за ми́р горéние любвѣ неугаса́ющее.

Конда́к 12

Благодáти неисповедíмую síлу изли́я на тя́ Христóс Бóг нáш, преподóбне, во éже на Небесéх, идéже всё живёт и двíжется в рáдости Дúха Свята́го, явíти тя́ в лице Афóнских подви́жников, со всёми святы́ми о всёх зем-норóдных моли́твы творя́ща. Та́ко вéдуще тя́, мо́лимся: проли́й, о всеблаже́нне, тёплую моли́тву ко Го́споду, да милосéрдовав, Цéрковь Свою́ Святу́ю, во спасéние нáше, во вéки утверди́т, пустыннолю́бцев земна́го Еде́ма всячес-ки сохрани́т и укрепи́т, да во вéки славосло́вится И́мя Бо́жие от земных и Небéсных, пою́щих: Аллилу́ия.

И́кос 12

Пою́ще пресла́вную па́мять твою́, богонóсне óтче Си-луáне, досто́йно ублажа́ем болéзни и труды́ тво́я, я́же во бде́нии и пощéнии со всёми избранны́ми Бо́жия Ма́тере всеусéрдне понéсл еси́. Ктó бо изочтёт труды́ и возды́хания ва́ша, в моли́твах за ми́р слéзно приносíмья, и́миже Господь гнéв Сво́й, грехóв рáди нáших, на мило-вание преложи́ и человеколю́бием Сво́им кля́тву, ё́уже кля́тся, о éже Цéркви Святе́й до сконча́ния вéка утвержде́нней бы́ти, не разори́. Мы́ же, благодарни сýще сицевóму предстáтельству тво́емú, умíльно зовéм ти́: Рáдуйся, водíтельству Свята́го Дúха усéрдный последова-телю; рáдуйся, Христá, бла́гости и Премúдрости Бо́жия, телéсныма очíма лицезри́телю. Рáдуйся, Христóв сми-рénный подви́жнике, Ма́тере Бо́жия прéд всёми Небéсны-ми и земны́ми рáдость и похвалéние; рáдуйся, неусы́пный о ми́ре моли́твеннике, нáшего спасéния наде́ждо и утешé-ние. Рáдуйся, наследни́че Цáрствия Христóва, пóдвигом сво́им Го́ру Афóнскую украсíвый; рáдуйся, нáшего спасéния вёрный сподви́жнике, пúть, веду́щий к Бо́гу, нáм освятив́ый. Рáдуйся, златокóванная трубо́, со всёми

святѣми и Ангелы славу Божію возвещающая; радуйся, венцемъ безсмертія Богомъ увенчанный, в молитвахъ своихъ насъ не оставляяй. Радуйся, отче Силуане, в молитве за миръ горение любви неугасающее.

Кондак 13

О предивный угодниче Божий Силуане, земли Россійския благодатное рождение, пустыннолюбцевъ Горы Афонския похвало и украшение! Приими от насъ малое сие моление и испроси у Распещшагося за миръ Христа Бога нашего, да помилуетъ всехъ насъ, чадъ Своихъ, и благодатию Святаго Духа в союзъ любви Своея свяжетъ насъ, и ѿиже весть судьбами, къ Себѣ приведетъ, во еже твоими молитвами непостыдно явитися намъ в день Судный предъ лицемъ славы Его и сподобитися со всеми святѣми и Ангелы воспевати побѣдную пѣснь: Аллилуія.

(Этотъ кондакъ читается трижды, затѣмъ 1-й ѿкосъ и 1-й кондакъ)

МОЛИТВА

къ преподобному Силуану Афонскому

О предивный угодниче Божий, отче Силуане! По благодати, тебѣ от Бога данной, слезно молитися о всей вселенней, мертвыхъ, живыхъ и грядущихъ, не премолчи за насъ къ Господу, къ тебѣ усердно припадающихъ и твоего предстательства умилно просящихъ. Подвигни, о всеблаженне, на молитву Усердную Заступницу рода христіанскаго, Преплагословенную Богородицу и Приснодеву Марію, чудно призвавшую тя быти верна делателя в Ея земнемъ вертоградѣ, идеже избранницы Божии о гресехъ нашихъ милостива и долготерпелива быти Бога умоляютъ, во еже не помянути неправдъ и беззаконій нашихъ, но, по неизреченней благодати Господа нашего Иисуса Христа, ущедрити и спасти насъ по велицей Его милости.

Ей, уго́днице Бо́жий, с Преблагословенною Влады́чицею ми́ра, Святе́йшею Игу́мениею, и святы́ми подви́жниками Ея́ земна́го жре́бия, испроси́ у святы́х Святе́йшаго Сло́ва Святе́й Горé Афóнстей и боголю́бвым пустынножи́телем ея́ от все́х бе́д и наве́тов вра́жиих в ми́ре сохрани́тися, да А́нгелы святы́ми от зóл избавляеми и Ду́хом Святы́м в ве́ре и братолю́бии укрепляеми, до сконча́ния ве́ка о Еди́ней, Святе́й, Собо́рней и Апóстольстей Це́ркви моли́твы творя́т и все́м спаси́тельный пу́ть указу́ют, да Це́рковь земна́я и небе́сная непреста́нно славосло́вит Творца́ и Отца́ Све́тов, просвеща́ющи и освяща́ющи ми́р в ве́чной пра́вде и бла́гости Бо́жией.

Наро́дом все́го ми́ра испроси́ благоденственнаго и ми́рнаго жити́я, ду́х смиренному́дрия и братолю́бия, добронравия и спасе́ния, ду́х стра́ха Бо́жия, да не зло́ба и беззако́ние ожесточа́ют сердца́ людская́, жела́юще истреби́ти любóвь Бо́жию в челове́цах и низвергну́ти их в богопротивны́я вражду́ и братоуби́йства, но в си́ле Божественны́я любве́ и пра́вды, я́коже на Небеси́, и на земл́и, да святится́ и́мя Бо́жие, да бу́дет во́ля Его́ святая́ в челове́цах и да воцаря́тся ми́р и Ца́рствие Бо́жие на земл́и.

Такожде и земно́му оте́честву твоemú, земл́и Росси́йстей, испроси́, уго́днице Бо́жий, вожде́ннаго ми́ра и Небе́снаго благослове́ния, во е́же, всемо́щным омофо́ром Ма́тере Бо́жия покрыва́емому, изба́виться ему́ от гла́да, губи́тельства, тру́са, огня́, мечá, нашество́вия инопле́мников и междоусóбныя бра́ни и от все́х вра́г ви́димых и неви́димых, и тако́ же бы́ти ему́ до сконча́ния ве́ка святе́йшему до́му Преблагословенны́я Богоро́дицы, Креста́ Животворя́щаго си́лою, и в любви́ Бо́жией неоскудева́ему утверди́тися.

На́м же все́м, во тьму́ грехо́в погружа́емым, и пока́яния те́пла, ниже́ стра́ха Бо́жия не иму́щим, и си́це безме́рно любя́щаго нас Го́спода непреста́нно оскорбля́ющим, испроси́, о всеблаже́нне, у Всеще́драго Бо́га на́шего,

да Своёю всесильною благодатию Божественне посетит и оживотворит души наша и всяку злобу и гордость житейскую, уныние и нерадение в сердцах наших да упразднит.

Ещё молимся, о еже и нам, благодатию Всесвятаго Духа укрепляемым и любовью Божиею согреваемым, в человеколюбии и братолюбии, смиренномудрии и молитвенном сраспирании друг за друга и за всех, в правде Божией утвердиться, и в благодатней любви Божией благоправно укрепиться, и сынолюбне Тому приблизиться. Да тако, творяще Его всесвятую волю, во всяком благочестии и чистоте, временнаго жития путь непостыдно прейдем и со всеми святыми Небеснаго Царствия и Его Агнчаго брака сподобимся. Ему же от всех земных и небесных да будет слава, честь и поклонение, со Безначальным Его Отцем, и Пресвятым, и Благим, и Животворящим Его Духом, ныне и присно, и во веки веков. Аминь.



Месяца декабря в 20-й день

СЛУЖБА

**святому праведному пресвитеру Иоанну,
Кронштадтскому чудотворцу**

Краегранесие: Светильниче земли Русския, праведне
отче Иоанне, молися Богу о приносящих ти похвалу сию.

НА МАЛОЙ ВЕЧЕРНИ

На Господи, возвах: стихиры, глас 2:

**Светильника веры и благочестия, / молитвенника к
Богу теплаго, / восхвалим, вернии, в пениях и песнях
духовных, / Иоанна, праведнаго пастыря Кронштадтска-
го, / егоже Христос чудесы многими прослави / и дивна
Церкви Российской показа.**

**Всех радость Христос / возвесели сердце твое, Иоан-
не, / егда отроку еще ти сущу, / подвигнуся на молитву
ко Источнику Премудрости, / дадеся ти разум и смысл ко
учению, / еже утешати и наставляти всех ко спасению.**

**Елицы Христови суть, / плоть распяша со страстьми
и похотьми, / якоже апостол Павел рече. / Сего ради и
ты, святе Иоанне, / из млада потщался еси / правилом
сим жителствовати, образ показуя всем ко спасению.**

**Телесныя немощи препобеждая, / духовне восходил
еси от силы в силу, / преуспевая возрастом и премудро-
стию, / созидавая себе в жилище Божие Духом, / сподобил-
ся еси, отче Иоанне, / видения храма Божия, / в немже
во священстве до кончины Богу послужил еси.**

Сла́ва, гла́с 8:

Ио́анне пра́ведне и ми́лостиве, / добродéтель любвѣ
стяжа́вый, / я́же, по Апóстолу, николи́же отпа́дает, / яви́
и на́м благодáтную по́мощь твою́, / да обря́щем богáтство
благотворéния / моли́твами твоими́.

И ны́не, Богорóдичен, гла́с то́йже:

Любóвию Твоёю, Мáти Дéво Влады́чице, / покрывá-
еши всѣх притека́ющих к Сы́ну Твоему́ и Бо́гу на́шему, /
мы́ же, грéшнии, ка́ющеся, / всё упова́ние на Тя возла-
га́ем и мо́лимся: / сохрани́ нас под кро́вом Твои́м.

На стихóвне стихи́ры, гла́с 1:**Подóбен: Небéсных чинóв ра́дование:**

Никто́же притека́яй к тебе́, / святы́й па́стырю на́ш, /
то́щ и неутéшен оты́де, / но всём в ра́дость бы́сть / виде́-
ние ли́ка твоего́ / и наставлéние ко спасéнию.

Сти́х: Свѣт возсия́ пра́веднику / и пра́вым сёрдцем ве-
селие.

Име́я сёрдце твоё при́сно обра́щенное ко Го́споду, /
испóлнился еси́ ми́лости и сострада́ния / к уничи́женным
и отвёрженным лю́дем Бóжиим, / имже и ны́не не преста-
ёши благодéйствовати, / пода́я моли́твами твоими́, óтче
Ио́анне, / потрі́бная ко спасéнию.

Сти́х: Гото́во сёрдце его́ / упова́ти на Го́спода.

Чистоту́ душе́вную храни́ти / поучáл еси́ па́ству твою́,
свя́те Ио́анне, / чистоту́ мы́сли и сло́ва, / я́ко о́браз чисто-
ты́ и непорóчности, в себѣ явля́я. / Сподóби и на́с чистоту́
сердечную́ / моли́твами твоими́ стяжа́ти.

Сла́ва, гла́с 6:

Éже о на́с испóлнив смотре́ние, / любóвию земна́я с
Небéсными соедини́л еси́, Го́споди, / си́це глаго́ля: / иде́-
же есмь́ А́з, та́мо и слугá Мо́й бу́дет. / Вѣруем, я́ко и
служите́ль Тво́й Ио́анн / во оби́телех святы́х мо́лится, / о
э́же пребыва́ти на́м с Тобóю, Го́споди.

И ныне, Богородичен, глас тойже:

Земля неоранная явилася еси, / Мати Благословенная, / возрастившая нам Клас Живота, / от Негоже всяк ядый не умирает, / якоже рече, Богородительнице, всех Питатель.

НА ВЕЛИЦЕЙ ВЕЧЕРНИ

На Господи, возвах: стихиры, глас 6:

Подобен: Все отложше:

Единороднаго Сына Божия возлюбил еси, / и Тому Единому служити возжелел еси, / святе Иоанне, / Емуже вверился еси, глаголя: / жизнь моя во Христе есть. / Сего ради потщался еси / вся ко благоугождению Господеви / и мудрствовать, и дѣяти.

Молитвенника теплаго / и благодатнаго пастыря видим тя, отче Иоанне, / мнозем бо людем, к тебе притекающим, / являеши в скорбех утешение, / в недѣзах многоразличных исцеление, / в нуждах сущим и страждущим / присное вспоможение / и до ныне в чудодѣйствіих не оскудеваеши.

Лествицею добродетелей шествуя, / делатель неленостный / вертограда Господня явился еси, отче Иоанне, / от утра жизни даже до послѣдняго часа / добре потрудился еси. / Тако и нас молитвенно укрепи / Господеви работати.

Иоанне праведне, / врачу благодатный, / силою молитв твоих / исцелял еси ближних и дальних, / любовь во Христе объемля, / тех наставлял еси обращаться к Богу, / всем по вере помощь подающему.

Различен милования образ / и широка заповедь сия, / рече златословесный Иоанн. / Ты же, пастырю милостивый, / в сих добродетелех многоразлично подвижавыйся, / дом трудолюбия создавый, / нас быти чуждых праздности научи.

Уединенному пустынножителю, / преподобному Иоанну Рыльскому подражая, / егоже именем во святом кре-

щени наречен был еси, / Иоанне праведне, / удалился еси от всякаго мирскаго пристрастия, / во Христе Едином житие свое утвердив, / научи и нас благочестному жителству.

Слава, глас тойже:

Селения святых наследовал еси, / отче Иоанне праведне, / во свете лица Божия / зриши нужды с верою притекающих к тебе, / коемуждо потребная яже ко спасению подавая. / Сего ради и мы, / на помощь твою уповающе, молимся: / моли Христа Бога / спастися душам нашим.

И ныне, предпраздства, глас тойже: Вертепе, благоукайся:

Вход. Прокимен дне. И чтения три преподобническая.

На литий стихиры, глас 2:

Слова Божия служителю, / словесы Евангельскими назидал еси сердце твое, / в молитве и богомыслии пристно пребывая, / разум богопросвещен стяжал еси, отче Иоанне, / путь к Богу писанными твоими нам указуя, / молися, да право к Немю шествуем.

Ко Христу, Солнцу Правды, молитвенно обращаяся, / поучения душеспасительная о Нем / в книге твоей изложил еси, / отче праведне, / да вси вернии, тайнам Божия Домостроительства спасения нашего поучающиеся, / жизнь вечную наследуют.

Истинныя веры проповедниче, / словом и писанными догматы Православия изъяснял еси, / лжеучителем противоборствуя, / на недвижимем Камени веры утверждаяся, / во славу Церкви Христовы потрудился еси. / Укрепи и нас молитвами твоими, отче Иоанне, / в верности Православней Церкви пребывать / и в ней спастися.

Слава, глас 7:

Явился еси людем Божиим / наставник спасения, / образ сострадания и духовнаго утешения: / не точно бо

па́стве Кроншта́дтстей, / но и всѣй Русі́, о́тче Иоáнне
богомúдре, / благоде́янія источáеши. / Сего́ ра́ди, прáзд-
нующе пáмьять твою́, / слáвим Гóспода, дíвнаго во святы́х
Сво́их.

И ны́не, глáс то́йже:

**Притека́юще под кро́в Тво́й, Дéво Богорóдице, / вéмы
Тя́, христиáн Предста́тельница, / к Сы́ну бо Твоему́ и Бо́гу
на́шему / прíсно молéбне рúце Тво́й о на́с простира́еши,
Всепоро́чная, / и спаса́еши от бéd véрою и любóвию Бо-
горóдицу Тя́ почита́ющих.**

На стихóвне стихи́ры, глáс 5:

**Рéвностию о сла́ве Бóжией распалéемь, / поучáл еси́
па́ству твою́ / вся́чески храни́ти сёрдце своé от стра-
стей, / дúшу растлева́ющих и от Бо́га разлучáющих. / Мо-
ли́ о на́с, о́тче святы́й Иоáнне, / да упрáвим жити́е на́ше
к сла́ве íмене Бóжия и спасéнию.**

**Сти́х: Свёт возсия́ пра́веднику / и пра́вым сёрдцем
весéлие.**

**Апóстольским по́двигом подража́я, / о́тче Иоáнне пре-
дíвне, / дúшу о спасéнии бли́жних полага́л еси́, / взыска́я
не сво́их си́, / но íхже любóь Бóжия объёмлет. / Ны́не же,
предсто́я престóлу Святы́я Тро́ицы, / непреста́нно моли́-
ся о почита́ющих пáмьять твою́.**

Сти́х: Гото́во сёрдце егó / упова́ти на Гóспода.

**Всé богáтство véры / откры́л ми́ еси́, Гóсподи, / бла-
годáрне взыва́л еси́, Иоáнне пра́ведне, / ко Исто́чнику
любвé и премúдрости Бо́гу, / от Него́же позна́л еси́ сло-
весá спаси́тельная. / Ёмиже согре́й хла́дная сердца́ на́ша
и ко спасéнию напра́ви.**

Сла́ва, глáс 8:

**Еди́ному Бо́гу любóвию прилепля́ясь, свя́те Иоáнне, /
прíсно попече́ние о стра́ждущих и отвёрженных имéя, /
скóрый помо́щник те́м яви́лся еси́, / сего́ ра́ди си́ла благо-**

дати Божия / содевает тобою велия чудеса, / обращая неверных к вере во Христа и к жизни во славу Божию.

**И ныне, предпраздства или Богородичен,
глас тойже**

Девственнии лица святых на Небеси / и подвижницы
благочестия на земли / девству и чистоте от Тебе, Дево
Безвестная, научившись, / воплотившемуся от Тебе
Сыну и Богу поклоняющемся, / славят Рождество Твое,
Благодатная.

Тропарь, глас 1:

Православныя веры поборниче, / земли Российския
печальниче, / пастырем правило и образе верным, / по-
каяния и жизни во Христе проповедниче, / Божествен-
ных Таин благоговейный служителю / и дерзновенный о
людех молитвенниче, / отче праведный Иоанне, / целите-
лю и предивный чудотворче, / граду Кронштадту похва-
ло / и Церкви наша украшение, / моли Всеблагаго
Бога / умирить мир и спасти души наша.

Ин тропарь, глас 4:

Российския земли пастырь добрый показался еси, / в
служении пресвитерством жизнь во Христе стяжав, / Бо-
гомудре отче Иоанне. / Благодать изобильную от Вла-
дыки Христа приял еси: / недуги отгоняти, / малодуш-
ныя утешати, / в Тайне Пречистаго Тела и Крове верныя
со Христом соединяти. / Сего ради восхваляем тя, / яко
молитвенника о душах наших.

НА УТРЕНИ

По 1-й кафисме седален, глас 4:

Неизреченно милостив и долготерпелив Господь ко
мне, / рекл еси, святе Иоанне, / тако и мне подобает ми-
лостиву быти. / Сего ради нищия и убогия возлюбил
еси, / яко меньшую Христову братию, / имже всеусердно
послужив, / Царствия Небеснаго наследник явился еси.

Сла́ва, и ны́не, Богоро́дичен или́ предпра́зднства.

По 2-й кафисме седа́лен, глас 5:

Ежеде́нное соверше́ние Божество́нных Та́ин / благода́тною си́лою в моли́твенном по́двиге укрепля́ше тя́, свя́те Иоа́нне. / Сего́ ра́ди поуча́л еси́, / я́ко Безкро́вная Же́ртва торже́ство любве́ Божия́ к ро́ду челове́ческому е́сть / и всеси́льное хода́тайство о спасе́нии на́шем. / Ны́не же, свя́те Иоа́нне, при́сно Бо́гу предсто́я, / моли́ся и на́м сея́ благода́ти досто́йным прича́стником бы́ти.

Сла́ва, и ны́не, Богоро́дичен или́ предпра́зднства.

По полиеле́и седа́лен, глас 8:

Оте́ческою любóвию все́х объе́мля, / са́мых па́дших во глубину́ греха́ не отвраща́лся еси́, / ненави́дя грех, ко грешным милосе́рдую, / к пока́нию их приводи́л еси́, / А́нгелом Небе́сным подо́бяся, / обра́щению заблуждших и пока́нию их ра́дуясь, / Иоа́нне пра́ведне.

Сла́ва, и ны́не, Богоро́дичен или́ предпра́зднства.

Та́же степе́нна, 1-й антифо́н 4-го гласа.

Прокі́мен, глас 4: Возвеселі́тся пра́ведник о Го́споде / и упова́ет на Него́. **Сти́х:** Услы́ши, Бо́же, глас мо́й, внегда́ моли́ти ми ся́ к Тебе́. **Вся́кое дыха́ние:**

Ева́нгелие от Матфе́я, зача́ло 16: Рече́ Госпо́дь: **Внемлі́те ми́лостыни ва́шея:**

По 50-м псалме́ стихі́ра, глас 6:

Тя́ земна́го А́нгела, / Небе́снаго челове́ка, / любве́ Христо́вы носі́теля, / земли́ Росси́йскаго печа́льника / и о все́м ми́ре моли́твенника, / засту́пника оби́димых, / о́браз трудолю́бия, чудотво́рца преді́внаго / почита́ем, Иоа́нне пра́ведне, / благода́ряще Бо́га, / прославля́ющаго святы́я Сво́я.

Канон, глас 1

Песнь 1

Ирмос: Песнь победную поим вси Богу:

Чистоту помышлений даждь ми, Спасе мой, / еже воспеть чистотою Ангелом подобнаго, праведнаго Иоанна пресвитера, / яко Ангела Господа Вседержителя.

Еже любить Христа и Ему служить, Иоанне святе, / делом и словом исполнил еси, / во священстве верным образом быв словом и житием.

Иоанну Крестителю подражая, / покаяния проповедниче, отче Иоанне праведне, / образ воздержания, целомудрия и девственника чистоту явил еси.

Богородичен: Облагодати нас, Мати Божия, / еже к Богоугождению житие наше управити, / да Твоею помощию и молитвами праведнаго Иоанна живот вечный наследуем.

Песнь 3

Ирмос: Камень, Егже небрегаша зиждущи:

Апостольски трудился еси / от утра пастырскаго жития твоего даже до вечера, отче Иоанне, / николиже в любви к Богу и ближнему оскудевая.

Небеснаго Царствия взыскуя, / усердный делатель благих на земли явился еси, / молитвою веры недуги исцеляя и заблуждшия к покаянию призывая, святе.

Никогже отвращался еси, / точно отвергающихся Господа Иисуса Христа и Церкви Его Святых, / Ейже сыны века сего противляются. / Но и о сих заблуждших в скорби многих моление твое к Богу возносити не преставал еси.

Богородичен: Единение верных в Церкви Сына Твоего и Бога нашего сохрани, / Пречистая Дево Мати, / да присно в любви Христове друг ко другу утвердимся.

Седáлен, глáс 2:

**Мы́, нéмошнии, к тебе́, прáведне Иоáнне, / я́ко сýльно-
му моли́твеннику прéд Бóгом, притекáем, / прося́ще не-
дýгом душéвным и телéсным исцелéния, / в скóрбех о гре-
сéх нáших покая́нием избавлéния, / странé нашей и
людем ея́ мýрное жýтельство / и вся́ потребнáя ко спа-
сéнию.**

Слáва, и ны́не, предпразднства или́ Богорóдичен:

**Отрокови́це Благодáтная, / Мáти Безневéстная, Надé-
ждо нáшего спасéния, / дáждь нáм в вéре утверждéние и
во благочестíвем житíи преуспéяние, / в скóрбех и пе-
чáлех утешéние. / Тя́ бо, я́ко Рóждшюю Спáса Христá,
прíсно величáем.**

Песнь 4

Ирмóс: Дýхом провída Аввакúм Словесé воплощéние:

**Лóжная мудровáния сынóв вéка сегó, возстаю́щих про-
тíву íстины Святы́я Цérкве Христóвы, / отвéргл есý,
святе Иоáнне, / слóвом и житíем Правослáвие утверждáл
есý, поя́: / слáва сýле Твоéй, Гóсподи.**

**Íмя Христóво прíсно в сéрдце нося́, свято́му Богоно́с-
цу Игнáтию подражáя, / в себé самóм всякое приражé-
ние грехá истребíл есý, поя́: / слáва сýле Твоéй, Гóсподи.**

**Сýла Бóжия, в нéмоши совершáющаяся, явí ты дýвна-
го чудотворца́, / целíтеля недýжных и немощнýх, учíte-
ля покая́ния, моли́твы дéлателя, пою́ща: / слáва сýле
Твоéй, Гóсподи.**

**Богорóдичен: Явíлася есý, Влады́чице Богорóдице,
Благодáтная Помóщница прáведному пресвítеру Иоáн-
ну; / прíсно моля́щемуся Тí и Сýну Твоemú и благодарно
пою́щему: / слáва сýле Твоéй, Гóсподи.**

Песнь 5

Ирмóс: Тво́й мýр дáждь нáм, Сýне Бóжий:

**Блáго мнé, я́ко смирил мя́ есý, Гóсподи, / сýще моли́л-
ся есý, терпя́ поношéния хули́телей твои́х, святе Иоáн-**

не, / храня мир сердца Твоего непрестанною молитвою и незлобием.

Облѣкся во Христа верою и причастием Святых Таин, / был еси тверд, яко скала, глаголя: / мне Христос полнота всех благ, Живот и Мир, превосходяй всяк ум.

Господни Трапезы присно причащаяся, / стяжал еси Свет Христов, просвещающий всякаго человека, грядущаго в мир. / Сим же и нас просвети, Иоанне светоносче, ты почитающих.

Богородичен: Ужасошася всяческая о Божественной славе Твоей, Пречистая Дево, / общники славы Твоея соделай и нас, / Ты присно убожающих.

Песнь 6

Ирмос: Пророка Иону подражая, вопию:

Оживляя душу непрестанною ко Господу молитвою, / сице взывал еси, Иоанне богомудре: / Господи, даждь ми любить всякаго человека, яко самаго себе. / Сию добродетель помози и нам стяжати.

Призывая имя Божие во спасение твоё, / спасению многих послужил еси. / Да пребудем и мы в единении с Богом и любви между собою, / молимтися, отче Иоанне.

Разум богопросвещенный стяжал еси, Иоанне премудре, / о Святей Троице богословствуя, рекл еси: / высота истины сея животворна душе, в простоте сердца верующей.

Богородичен: Избавителя нашего неизреченно рождающая, Пресвятая Дево, / буди нам грешным прибежище спасения / и вечныя жизни Ходатаица.

Кондак, глас 3:

Днесь пастырь Кронштадтский / предстоит престолу Божию / и усердно молит о верных / Христа Пастыреначальника, / обетование давшаго: / созижду Церковь Мою / и врата ада / не одолеют ей.

И́кос:

Восхва́лим, ве́рнии, дѣвнаго па́стыря Кроншта́дтскаго, благода́ти тезоименѣтаго, / свети́льника присногоря́щаго у престо́ла Святы́я Трои́цы, / с Богоро́дицею и со все́ми святы́ми земли́ Росси́йскаго / моля́щагося о спасе́нии все́х, и́мя Господне призыва́ющих, / да укрепѣ́тся в стране́ нашей Правосла́вие / си́лою Христа́ Пастыренача́льника, обетова́ние да́вшаго: / Сози́жду Це́рковь Мою́ и врата́ а́дова не одоле́ют ей.

Песнь 7

Ирмо́с: Су́щим в пещи́ о́троком Твои́м, Спа́се:

Наста́ви на́с, па́стырю до́брый, жи́зни во Христѣ́, / по сло́ву бо твоemú, вели́ко де́лание е́сть, е́же побежда́ти грѣх, в на́с живу́щий. / Да не опали́тся душа́ на́ша пла́менем егó, помолѣ́ся.

Очище́ние на́ше и изба́вление е́сть Христóс Спаси́тель, / Емуже́ ты́, па́стырю пречу́дный, / о на́шем духо́вном возрожде́нии, чрез покая́ние и исправле́ние, помолѣ́ся.

Си́лою Ду́ха Свята́го в непреста́нной моли́тве / безстра́стие стяжа́вый, до́брый па́стырю Иоа́нне, / страсте́й любогрехо́вных на́м изба́виться помолѣ́ся.

Богоро́дичен: Яви́ на́м ми́лость Твою́, Богоро́дице Де́во, Ма́ти Живота́, / к Тебе́ с ве́рою притека́ющим / и Сы́ну Твоemú и Бо́гу покая́ние принося́щим.

Песнь 8

Ирмо́с: Егóже ужа́саются А́нгели:

Ще́дрою руко́ю твоeю ми́лостыню прося́щим подава́л еси́, Иоа́нне ми́лостиве. / Не ве́де бо шу́йца, е́же твори́ десни́ца твоя́, / тщету́ бо земна́го стяжа́ния на Небе́сная пременя́л еси́.

Иму́щему дано́ бу́дет и преизбу́дет, рече́ Господь, / тако́ и ты́, о́тче Иоа́нне, тща́нием ве́лиим благода́ть Ду́ха

Свята́го стяжа́л еси́, / ёюже и на́с моли́твами твои́ми ны́-
не уще́дри.

Хра́нение усто́м полага́я, николи́же сýетная возгла-
го́лал еси́, Иоáнне, / зако́на Господня́ взыска́я, / и на́с в
нём ходи́ти при́сно науча́еши.

Богоро́дичен: Тя́, Богоро́дицу, вы́шшую Небе́с и чи́ст-
шую све́тлостей со́лнечных, / в пе́снях немол́чных вос-
пева́ют Херувими́и и Серафи́ми. / С ни́миже и мы́, не-
досто́йнии, Тя́ ублажа́ем.

Песнь 9

Ирмо́с: Живоприёмный Исто́чник приснотеку́щий:

Иисуса́ Христа́ Пастыренача́льника о́браз в себе́ нося́,
Иоáнне, / угото́вал еси́ по вся́ дни́ ду́шу твою́ за па́ству
полага́ти / и во гресе́х погиба́ющих к Бо́гу обра́цати.

Принося́щих ти́ похвалу́ сию́, о́тче Иоáнне, / не
отри́ни, но ми́лость Христа́ Бо́га испроси́ / к прощёнию
мно́гих прегрешéний.

Очи́ма твои́ма при́сно взира́я ко Го́споду, о́тче Иоáн-
не, / врата́ се́рдца твоего́ отве́рста Ему́ имёл еси́, / да от-
ве́рзется и на́м двéрь пока́яния моли́твами твои́ми.

Богоро́дичен: Христа́ Бо́га на́шего, прэ́жде ве́к от Отца́
рождéннаго без ма́тере, / Ро́ждшагося же от Тебе́ без отца́
на́с ра́ди, / моли́, Чи́стая Богоневéсто, да спасéние улу-
чи́м, Тя́ велича́юще.

Свети́лен:

Ве́сь испо́лнился еси́ Све́та Христо́ва, освяти́в себе́ Бо́-
гови, / просвети́ и на́с све́том благода́ти Ду́ха Свята́го /
моли́твами твои́ми, Иоáнне светонóсне.

Сла́ва, и ны́не, Богоро́дичен:

А́нгели на Небеси́ и челове́цы на земли́ Тя́, / Богоро́ди-
це, я́ко Ма́терь Све́та, / непреста́нно велича́ем.

На хвалітех стихіры, глас 8:

Ликуй свѣтло, граде святаго Петра, / имѣя в себѣ днесь прославленныя святаыя угѣдники Божія: / Ксѣнію блаженную, дивную молитвенницу, / и праведнаго Иоанна, пастыря Кронштадтскаго, / свѣтільника вѣры и чудотворца изрядна. / **Взыграйте**, людіе Божіи, / в пѣснях и пѣніих радующеся, / **Христа** славяще и угѣдники Его, / **присно** молящияся о душах наших.

Устне твои разума исполнятся, / и закону Господню от уст твоих поучахуся людіе, / **Иоанне** предивне, иерее Божий, / **ныне** же со Ангелы предстои Святѣй Троице, / **молися** о почитающих память твою.

Словесы твоими / и писанными вдохновенными / путь к Богу указуеши / и жизни во Христѣ поучаеши, / **Солнце** Правды, Христа, проповѣдуя, / **истинный** Клас Живота, / **Трапѣзу** безсмертія в Тайне Пречистых Тѣла и Крове / нам уготовляющаго.

Слава, глас 6:

Истиннаго пастыря ты почитаем, / **отче** Иоанне праведне, / **явил** бо еси в себѣ образ Пастыреначальника Христа, / **ныне** же зрѣнием неизреченныя Славы Его наслаждаеши / и прошения наша слышиши, / **молися** даровати нам полезная ко спасенію.

И ныне, глас тойже:

Южика Твоя, Пресвятая Дѣво, / **Елисавет**, матери Предтечева, / **первее** всех земнородных / **Богородицу** Ты нарече, глаголющи: / **откуда** мне сие, / **да** прииде Мати Господа моего ко Мне. / **Мы** же Ты, Благословенную в женах, / **всей** рѣди христіанстии, / **без** ислѣнія Бога Слова Рѣдшую, / **присно** величаем.

Или **предпразднства, глас тойже:** **Приближается** Христос:

НА ЛИТУРГИИ

Прокимен, глас 7: Возвеселится праведник о Господе / и уповает на Него.

Стих: Услыши, Боже, глас мой, внемди молити ми ся к Тебе.

Апостол, зачало 311. Аллилуия, глас 4: Праведник, яко финикс процветет, / и яко кедр, иже в Ливане, умножится.

Стих: Насаждени в дому Господни во дворах Бога нашего процветут.

Евангелие от Матфея, зачало 11: Рече Господь: Вы есте свет мира:

Причастен: В память вечную будет праведник.

АКАФИСТ

святому праведному пресвитеру Иоанну,
Кронштадтскому чудотворцу

Кондак 1

Избраннаго и вернаго во иереех Божиих восхваляем тя, богоносне отче Иоанне! Ты бо, евангельстей истине последуя, Христу сораспятися за мир всем сердцем возжелел еси, слово живоносное и благодать врачеваний источив, пастырь и учитель предивный, Духом Святым пламенея, пастве всероссийстей явился еси. Мы же, молитвами твоими в покаянии зол душевных и телесных избавляеми, благодарне зовем ти: Радуйся, Иоанне, в бедах сущим скорый помощниче, земли Российския молитвенниче предивный.

Икос 1

Ангела молитвы пламенные и ревнителя спасения преискрення Вседетельная и Всемогущая Премудрость

Божия предувéде тя́, и сила Влады́чня в жили́ще Себе́ тя́ сотвори́, избра́нниче Божий Иоáнне. Тёмже ўбо А́нгела Своего́, храните́ля неусы́пна, тебе́ дарова́ да у исто́ка Премудро́сти Божия́ упасёт тя́ и лю́ди на́ша к покая́нию и богомудро́ю призыва́ти предугото́вит. Мы́ же, сие́ благодея́ние Божие, на на́с излива́емое, ве́дяще, умилы́но зове́м ти́: Ра́дуйся, благода́ти Божия́ сосу́де избра́нный; ра́дуйся, Премудро́сть Божию́, я́ко млеко́ ма́тере, сладо́стно впитавый. Ра́дуйся, А́нгелу храните́лю твоему́, я́ко Тови́я дре́вле, вседуше́вне послéдовавый; ра́дуйся, боголю́бивых родите́лей целомудренны́й пло́де чистоты́ непререка́емья. Ра́дуйся, в повинове́нии родите́лем своимъ благослове́ние Божие стяжа́вый; ра́дуйся, от ю́ности твоея́ водите́льству Духа Свята́го прилежа́вый. Ра́дуйся, в ме́ру вóзраста Христо́ва богомудренно возраста́вый. Ра́дуйся, Иоáнне, в беда́х сущимъ ско́рый помо́щниче, земли́ Росси́йския моли́твенниче предивны́й.

Конда́к 2

Прови́дев щедролу́бивый Госпо́дь, я́ко ча́дом Цёркве Росси́йския собла́зны мно́гими предлежи́т обурева́емым бы́ти, воздви́же тя́, провозвёстника ева́нгельския́ истины неустраши́ма и па́стыря ве́рна, ду́шу свою́ за овцы́ Христо́вы положи́ти гото́ва, богоно́сне о́тче Иоáнне, да егда́ найдё на на́с пра́ведный гнёв Божий, воспомина́юще заве́ты твоя́, в единомы́слии ве́ры и покая́нии серде́чном воззовёмъ Творцу́ на́шему: Аллилу́ия.

И́кос 2

Ра́зумом Божество́нным просвеща́емый, богосло́вия стру́й живото́чных источи́л еси́, всеблаже́нне о́тче Иоáнне, и в посте́ и моли́тве словеса́ Божия́ со слеза́ми в сердца́х ве́рных сея́, к свéту исти́ннаго Богопозна́ния ча́д земли́ на́шея призыва́л еси́. Ти́и же, в любви́ Божии́ укрепля́ющеся, пояху́ тебе́ тако́вая: Ра́дуйся, ева́нгельския́ истины пла́менный ревни́телю; ра́дуйся, глаго́лов

жизни вечныя немолка́яй возвестителю. Ра́дуйся, равноангельным жити́ем тво́им досто́йно украше́нный; ра́дуйся, у престо́ла Бо́жия о лю́дех ходата́йствова́вый. Ра́дуйся, от ю́ности Це́ркви Христо́ве все́м се́рдцем прилепи́выйся; ра́дуйся, Христу́ сораспя́тися о лю́дех вседуше́вне возгоре́выйся. Ра́дуйся, любви́ю Христо́вою се́рдце твоё, а́ки ниву благопло́дную, возде́лавый; ра́дуйся, лю́дем, в ско́рбех и печа́лех изнемо́гшим, сострада́нием и моли́твою облегче́ние подава́вый. Ра́дуйся, Ио́анне, в беда́х су́щим ско́рый помо́щниче, земли́ Росси́йския моли́твенниче предивный.

Конда́к 3

Си́лою Божественныя благода́ти, немо́щная врачу́ющая и оскудева́ющая восполня́ющая, я́ко у́глем горя́щим у же́ртвенника Бо́жия возжже́н, свети́льниче многосве́тлый, благоче́стием па́стыря ве́рна во гра́де Кроншта́дте просия́л еси́, отце́в на́ших похва́ло, о́тче Ио́анне. Си́це бо, во тьме́ грехо́вней обуре́ваемых и собла́зном богобо́рчества коле́блемых, заре́ю Божественнаго ра́зума просвети́л еси́ и научи́л еси́ пе́ти: Аллилу́ия.

И́кос 3

Име́я любви́вь ве́лию к лю́дем, Кро́вию Сы́на Бо́жия иску́пленным, поте́кл еси́ к неиму́щим благоче́стия, тре́звения и стра́ха Бо́жия и отча́нием обуре́ваемым, па́стырю до́брый Ио́анне, сих же кро́тостию и смиренному́дрием покорив, Христу́ приобрёл еси́ и научи́л еси́ благода́рне взыва́ти тебе́ тако́вая: Ра́дуйся, су́щих во тьме́ и се́ни сме́ртней прему́дрый просветителю; ра́дуйся, о спасе́нии люде́й, в пучи́не грехо́вней обуре́ваемых, бла́гостный попечи́телю. Ра́дуйся, неве́дущих Бо́га и окамене́нных се́рдцем к пока́нию пробужда́яй; ра́дуйся, Божественною прему́дростию в писа́ниях твои́х нас оза́ряяй. Ра́дуйся, серде́ц стрóпотных и злона́вных бла́гостное умягче́ние; ра́дуйся, лени́вых и косне́ющих со́вестию щед-

ролюбивое обличение. Рáдуйся, Слóва Бóжия и прáвды Егó проповéднице неустрашímый; рáдуйся, житиём благона́вным кóзни духóв злóбы поднебéсных победívый. Рáдуйся, Иоáнне, в бедáх сýщим скóрый помóщнице, земли Россíйския моли́твеннице предívный.

Конда́к 4

Бу́рю злонра́вия, на Святу́ю Це́рковь на́шу воздви́зæму, и смяте́ние ча́д ея́ богому́дренно прови́дя, в сто́янии ве́ры проро́чески всéх утвержда́л еси́, богоизбра́нне о́тче Иоáнне. Си́це бо, я́ко ве́рный стра́ж до́му Господня́, ове́ц Христо́вых ходи́ти стезя́ми за́поведей Бóжиих вся́чески наставля́л еси́, да я́ко прему́дрии и в ве́ре иску́снии, непреста́нно взыва́ют всéх Творцу́ и Бо́гу победную́ пёснь: Аллилу́ия.

И́кос 4

Слы́шаще о тебе́, сосу́де избра́ннем и благодáтных дарóв преиспо́лненнем, по́двигов милосе́рдия и нищело́бия ревни́теле, вдо́в и сирóт, стра́ждущих и обременённых утёшителе и о нераска́янных грёшницах моли́твеннице слéзнем, не то́кмо от Кроншта́дта, но от всéх коне́ц земли́ потеко́ша лю́дие Бóжи, ду́ши своя́ тебе́ вверя́юще, душе́вне и телёсне исцеля́ющесея. С ними́же и мы́, о гресéх сво́их ка́ющесея, я́ко ходáтаю о на́с пре́д Бо́гом тёплу, умильно зове́м ти́: Рáдуйся, се́ятелю прáвды, слезáми тво́ими зёмлю на́шу освяти́вый; рáдуйся, обличíteлю неправды́, ду́ши ве́рных от прелести́ грехóвныя свободívый. Рáдуйся, све́те серде́ц крóтких и разу́мных, пу́ть к Бо́гу указы́й; рáдуйся, учёными тво́ими, я́ко корми́лица крóткая, на́с гре́яй и пита́й. Рáдуйся, всéх скорбя́щих и обременённых нелóжное упова́ние; рáдуйся, боля́щих и от ду́хов злы́х стра́ждущих благодáтное врачевáние. Рáдуйся, сосу́де избра́нный, да́ры Ду́ха Свята́го ту́не ве́рным исто́чавый; рáдуйся, не о лю́дех то́кмо, но и о скотéх милосе́рдовавый. Рáдуйся, Иоáнне, в бедáх сýщим скóрый помóщнице, земли́ Россíйския моли́твеннице предívный.

Кондак 5

Небосвѣтлою звездѳю, священнолѣпным житиѣм твоѣм просиѣл еси, вѣрный пѣстырю Христѳв Иоѳнне! Бѳгом даровѳнное тебѣ наследіе от волков, губѣющих ѳ, слѳвом Бѳжиим оградѣл еси, пѣстырски взывѳя: возміте Крѣст Господень, на немже Христѳс Цѣрь Слѳвы вознесѣ нас на вѣщщее достѳинство, и утвердѣтеся, в Нем бо міру востѳние во вѣки. Мы же Сѣм знаменающесея, поѣм с тобѳю Бѳгу пѣснь побѣдную: Аллилуѣя.

Икос 5

Видевше тѣ Россѣйстии людіе дѣвно на свѣщнице церковней сияюща, правды Бѳжия ищуще, к тебѣ притекаѳху; инѣи же, ѳко Бѳжия провѣдца тѣ вѣдуще, ѳки дрѳгу Христѳву исповѣдаху грехѣ своя, всеблаженне ѳтче Иоѳнне. Сѣце бо и блаженный старец Силуѳн Афѳнский, твоѣх молѣтв рѳди, кипѣние ѳда кромѣшняго услѣшав, со страхом кѳяся и на Гѳру Святѳю удалѣся, идеже в постѣ и молѣтве слѣзней житѣя равноѳнгельнаго достѣже. Мы же, сѣе вѣдяще, умѣльно зовѣм тѣ: Рѳдуйся, ѳко сѣлоу благодѳти, ѳже в тебѣ, немощнии дѳхом в любви Бѳжии укрепляються; рѳдуйся, ѳко твоѣми молѣтвами кѳющіися плѣна грехѳвнаго свободѳаются. Рѳдуйся, ѳко трудѣ твоѣми ѳлчущии и жѳждущии правды Христѳвы насыщѳаются; рѳдуйся, ѳко благовѣстием твоѣм вразѣ Христѳви посрамляються. Рѳдуйся, ѳко молѣтвами твоѣми сѣлы ѳда содрагѳются; рѳдуйся, ѳко воздеянием рѳк твоѣх вратѳ Небѣсная вѣрным отверзѳаются. Рѳдуйся, в умилоствленіе за нарѳд наш молѣтву, ѳко кадѣло благовѳнное, херувѣмски Бѳгу приносѣмый; рѳдуйся, за невѣдущих правды и любвѣ Бѳжия молѣтисѣ нас подвѣгнувѣй. Рѳдуйся, Иоѳнне, в бедѳх сѳщим скѳрый помѳщниче, землѣ Россѣйския молѣтвенниче предѣвный.

Кондак 6

Проповѣдницы чѳдных деяній твоѣх явѣшасѣ мнози: богѳтии и нѣщии, старцы и юноши, боголюбѣве ѳтче

Иоáнне, сокрóвище некрадóмо, Боговѣдение, стяжáвше, венцѣм братолóбиа облагодáтствовани бѣша. И не тóкмо правослáвнии, но и иновѣрнии сѣлою святѣх молѣтв твоѣх мѣлость Бóжию обретáху, сегó рáди во всѣх концѣх земли нáшея воспеváют хвалу́ Бóгу: Аллилúя.

Ўкос 6

Воссия́л еси́ жити́ем тво́им лучезáрнее сия́ния се́вернаго, всеблаже́нне óтче Иоáнне, ча́да Цѣркве Правослáвныя свѣтом Евáнгелия Христо́ва в отѣчествѣ нáшем просвещáл еси́, от сетѣй вра́жиих вся́чески тѣх огражда́я. Тѣмже и ны́не моли́ Гóспода Сѣл, да воссия́ет в сердца́х нáших богоразу́мия нетлѣнный свѣт, во е́же ни скóрбь, ни тесно́та, ни смѣрть, ни живóт, ни настоя́щая, ни грядúщая не разлучáт нáс от любвѣ́ Бóжия, в нейже́ достѣгнем дне́ невечѣрняго. Сему́ грядúщу предуготовля́ющесея, зовѣм ти́: Рáдуйся, я́ко Бóжиим смотре́нием грядúщая на ны́ превозвестѣ́вый; рáдуйся, тѣсным путѣм в за́поведех Бóжиих ходи́ти нáс научѣ́вый. Рáдуйся, в скóрбех и печáлех сущим исто́чник рáдости в Бóзе указа́вый; рáдуйся, óную рáдость, я́ко зѣницу óка, свято храни́ти нáм завещáвый. Рáдуйся, десни́цею и шу́йцею ору́жие Пра́вды Бóжия содержда́й; рáдуйся, в словеси́ истины и любви́ нелицеме́рней Сы́ну Гро́мову подóбьяйся. Рáдуйся, порфи́рою пока́яния всѣх облека́яй; рáдуйся, диади́мою благодáти сла́вно увенча́нный. Рáдуйся, Иоáнне, в бедáх сущим скóрый помóщниче, земли́ Росси́йския молѣтвенниче предѣ́вный.

Конда́к 7

Хотя́ Всеблагѣ́й Гóсподь испытáти вѣрность сыно́в земли́ нáшея и я́ко злáто в горни́ле óгненнем очѣстити́ я, вложи́ в уста́ твоя́, всеблаже́нне, дýх премудрости и рáзум провѣ́дца, во е́же чрѣз пока́яние сердѣ́чное и сокруше́ние слѣ́зное преуготовáти я́ в вѣре непоколебѣ́мых к жѣртвенному служѣ́нию, да со всѣми святѣ́ми, в земли́ Росси́йстей просия́вшими, áнгельски вопи́ют Бóгу: Аллилúя.

Їкос 7

Новаго избранника Божия, у алтаря Господня за всех молитвою слезною Христу сраспинающаяся и благодать целительную на ослабленных и от духов злых страждущих низводяща, ведяща тя, боголюбивии людие, всеблаженне Иоанне, с верою к тебе притекаю и душевне и телесне исцеляхуся. Такожде и мы, во множестве грехов наших повинни, молим тя прилежно: воздвигни руки твои и не премолчи за ны ко Господу, якоже отец о чадах своих, да умножит Господь милость Свою на нас, приносящих ти сицевая: Радуйся, у престола Божия прилежный о нас печальниче и ходатаю; радуйся, покаяния слезнаго усердный глашатаю. Радуйся, образе неусыпнаго делания, Христу бо работати прилежно нас наставляеши; радуйся, яко на божественней стражи веры апостольския стояти нас утверждаеши. Радуйся, образ воздержания и целомудрия добре показавый; радуйся, суеверия, ереси и злохуления от стада твоего отсекавый. Радуйся, сущих во тьме неведения славный просветителю; радуйся, душ человеческих от суеты житейския мудрый восхитителю. Радуйся, Иоанне, в бедах сущим скорый помощниче, земли Российския молитвенниче предивный.

Кондак 8

Странное чудо видим на тебе, предивный пастырю Христов Иоанне! Слышим бо Самую Пречистую Матерь Божию, ублажающую тя и последующих ти и с радостию благоволение Божие всем возвещающую: о милейшая вы чада Отца Небеснаго! Сице бо радость Церкви Небесныя о подвиге земныя предвозвещает. Сего ради и мы, надежду на представительство о нас Матере Господа Сил согреваемы, вопием Царю всех веков: Аллилуия.

Їкос 8

Весь желанием Божиим распалеем, носитель любви Христовы явился еси, пастырю милостивый Иоанне! В

ней бо мѣлость и истина стретѡстася, прѡвда и мѣр облобызѡстася; всякая же лѣсть упразднѣся, еретическое же зловерѣе, яко тля, попалися, скорби же человѣческия елеем милосердѣя твоегѡ утолишася. Мы же, нерадивѣи, сокровищ сих не стяжѡхом, прѡведным судѡм Бѡжиим многим скорбем и печалем достѡйни явѣхомся. Но, ведуще тѡ помѡщника неусыпна, умѣльно зовѣм ти: Радуйся, любве Христовы неутѡмимый носителю; радуйся, мѣра и прѡвды ревностный сеятелю. Радуйся, веры православныя незыблемый хранителю; радуйся, благочестѣя и добронравѣя насадителю. Радуйся, о всем мѣре печальниче и слѣзный молитвенниче; радуйся, Цѣркве Христовы немѣркнущий светильниче. Радуйся, отцев наших похвалѡ, нам же надеждѡ и утѣшенѣе; радуйся, Богоизбранный пѡстырю, Святѣя Руси благодѡтное украшенѣе. Радуйся, Иоанне, в бедѡх сущим скорый помѡщниче, земли Россѣйския молитвенниче предѣвный.

Кондак 9

Всѣ сущѣи в бедѡх и скорбех житѣйских, радующеся, восхвалите Бѡга нашего, пѡстве Россѣйстей на радость славно воздвѣгшаго пѡстыря и чудотворца нова Иоанна, да хромѣя и разслабленныя, слепѣя и от дѡхов злых томѣмыя исцелѣт, в пагубнем пьянстве и супружестей неверности растлеваемыя к непостыдней жѣзни призовет, и яже во озлоблении сущѣя к Бѡгу приведет, и сѣце в душах верных царство Прѡвды Бѡжѣя насадѣт, да воспѡем всѣ спасѣтельную пѣснь Бѡгу: Аллилуѣя.

Икос 9

Ветѣи многовещѡннии недоумеют изъяснѣти сѣлу молитвы твоея, Иоанне предѣвне, егда трѣ юноши, дерзнувших поглумѣтѣся о тебѣ и молитве твоей, спасѣтельне наказѡл еси. Узрев же я кающѣихся и слѣзно молящихся, исцелѣние злохулѣтелю от Бѡга испросѣл еси. Ти же, познавше молитвы твоея сѣлу чудодѣйственную и любве

твоея милосердие теплейшее, яко Божия провидца ублажиша ты похвалами таковыми: Радуйся, благое икономство чина своего богомудренно соблюди; радуйся, данный тебе залог, Тело Христово, цел и невредим до последнего твоего издыхания сохранивый. Радуйся, Богоначертания скрижалей обою Заветов достойне возвестивый; радуйся, Церковь Христову благочестием пастыря добра прославивый. Радуйся, истинного просвещения и христианского благочестия ревностный насадителю; радуйся, кающихся грешников, сырых и убогих милостивый покровителю. Радуйся, мудрый путеводителю, стези правды юным указуя; радуйся, судие нелицеприятный, зломудрствующия любовью наказуя. Радуйся, Иоанне, в бедах сущим скорый помощник, земли Российския молитвенник предивный.

Кондак 10

Спасти хотя души ближних своих, ересьми и маловерием обуреваемая, противу кознем диаволим воздержанием и смирением вооружился еси, отче Иоанне, апостольское и святоотеческое веры исповедание твердо сохранив. Жертвенною же любовью Христу сраспинаясь, душу твою за спасение народа Божия положив, Царствия Небеснаго достигл еси, идеже со Ангелы и лики святых непрестанно Бога славословя, поминай нас, славную память твою празднующих и поющих Богу: Аллилуия.

Икос 10

Стена твердая бысть любовь твоя ко Господу, в нейже утвердися сердце твое, богоносне отче Иоанне. Сего ради всем притекающим к тебе с верою прибежище и утверждение явился еси, да всяческая Христу приобретаеши. Темже и нам, к тебе припадающим, буди стена крепка и ограждение непреодоленное, да не посмеются о нас, хотящим нам злая, во еже в мире и любви Христове пребывать и приносить сия похвалы: Радуйся, светильник неугасимый, огнем Духа Святаго возжженный; радуйся,

кріне, прісно благоухай, росію благодати Божия напоенный. Радуйся, лозо сладкоплодная, благодатными дары верных оживотворяющая; радуйся, соле земли, от греховнаго тления нас сохраняющая. Радуйся, в мори житейством обуреваемым тихое пристанище; радуйся, яко душевне и телесне изнемогающим о помощи Божией умоляеши. Радуйся, сердцеведче предивне, верная от лжеумдрствования ограждай; радуйся, силою молитвы чистыя союз супружеския верности укрепляй. Радуйся, Иоанне, в бедах сущим скорый помощник, земли Российской молитвенник предивный.

Кондак 11

Песнь достохвальную приносим ти, всеблаженне отче Иоанне, всем житием твоим прославившему Бога и в Нем прославившемуся. И якоже видехом тя на земли долу у Жертвенника Господня за всех и за вся Владыку мира умолявшаго, сице же и ныне на Небеси горе вознеси молитвы твои, во еже не поколебаться Святей Церкви нашей, да из рода в род в отечестве нашем в мире и благочестии славится имя Троицаго Бога: Аллилуия.

Икос 11

Светозарную свещу во мраце жития сущим зрим тя, Богом избранне отче Иоанне, ныне же на Небесех у престола Божия в сонме святых и Сил Небесных о нас прісно ходатайствуя, возри на нас, чад твоих, облегчи наша скорби и исцели наша недуги, да о тебе спасаеми, зовем: Радуйся, яко в подвизе твоём имя Пресвятыя Троицы дивно прославися; радуйся, яко благочестием веры твоея Церковь Христова украсися. Радуйся, яко состраданием к ближним твоим скорби и болезни и печали всяческия утоляются; радуйся, яко молитвами твоими кающися грешницы Царствию Небесному преуготавлиются. Радуйся, спасительных благ земных и небесных щедрый подателю; радуйся, от враг видимых и невиди-

мых надёжный избáвителью. Рáдуйся, я́ко в земнѣм Едѣме, Цѣркви Христо́ве, по́двигом до́брым просия́л еси́; рáдуйся, я́ко добрѣ́ты райскія, я́же о́ко не ви́де и у́хо не слы́ша, восприя́л еси́. Рáдуйся, Иоáнне, в бедáх сущим скѣ́рый помѣ́шнице, землі́ Россійскія моли́твенниче предивный.

Конда́к 12

Благодáтных дарѣ́в Ду́ха Свята́го кла́дезь преиспѣ́лненный яви́ в тебѣ́ Господь, о́тче наш Иоáнне, да тобою́ и мы́ сих причáстницы будем и тáко позна́ем мѣ́лость Бѣ́жию к нам, я́ко не отступит, ниже́ посрамит нас Господь, егда́ благодарными усты́ и чѣ́стым сѣ́рдцем, упова́юще на мѣ́лость благоутрѣ́бия Его́, вопиѣ́м Ему́: Аллилу́ия.

И́кос 12

Пою́ще твоѣ́ достохва́льное житиѣ́ на землі́ и сла́ву, ю́же стяжа́л еси́ на Небесѣ́, достоблаже́нне Иоáнне, благодáтное и ве́лие утешѣ́ние има́мы, ве́дя ты́ я́ко А́нгела, моли́твы пла́менныя вознося́ща за нас у престо́ла Бѣ́жия. Сего́ ра́ди благодарне́ поѣ́м ти́: Рáдуйся, богоизбра́нне и богопросла́вленне па́стырю землі́ Россійскія; рáдуйся, я́ко воспѣ́л еси́ и́мя Бѣ́жие, áки оргáн мусикійскій. Рáдуйся, проро́ком и апѣ́столом до́бре поревновáвый; рáдуйся, бежа́ти гнѣ́ва Бѣ́жия и творѣ́ти пло́ды пока́яния му́дре наста́вивый. Рáдуйся, об отѣ́честве и наро́де нашемъ те́плый моли́твенниче; рáдуйся, ве́ры правосла́вныя и́стинный испове́дниче. Рáдуйся, пресвѣ́тлый лучу́, пу́ть к жи́зни ве́чней осия́вай; рáдуйся, неисчерпа́емую бла́гость Бѣ́жию нам открывáй. Рáдуйся, трапѣ́зо неоскудева́емая, от не́яже мона́си и мирстѣ́и пита́ются; рáдуйся, учѣ́телю Пра́вды Бѣ́жия, ё́уже ста́рцы и ю́ноши украша́ются. Рáдуйся, я́ко ихже даде́ тебѣ́ Господь, сотвори́л еси́ я́ Бо́гу в ра́дование; рáдуйся, я́ко от небожи́телей прия́л еси́ о Го́споде целова́ние. Рáдуйся, Иоáнне, в бедáх сущим скѣ́рый помѣ́шнице, землі́ Россійскія моли́твенниче предивный.

Конда́к 13

О всеблаже́нне о́тче Иоа́нне, всеросси́йский пресвѣ́т-
лый свѣти́льниче и предивный чудотво́рче! Приими́ хва-
ле́бное си́е пѣние и умоли́ Христа́ Бо́га в ми́ре и бла-
гоче́стии утверди́ти Святу́ю Це́рковь, на́с же всяких бѣд
изба́вити и в единомы́слии ве́ры в сою́зе любви́ Христо́вы
соблюсти́, да еди́ними усты́ и еди́нем се́рдцем ны́не и в
бу́дущем ве́це воспоём хвале́бную пѣснь: Аллилу́ия.

(Э́тот конда́к чита́ется три́жды, затѣм 1-й и́кос и 1-й
конда́к).

МОЛІ́ТВА

**ко свято́му пра́ведному пресви́теру Иоа́нну,
Кроншта́дтскому чудотво́рцу**

О вели́кий чудотво́рче и предивный уго́дниче Бо́жий,
богано́сне о́тче Иоа́нне! Призри на на́с и вме́ли благо-
се́рдно моле́нию на́шему, я́ко вели́ких дарова́ний сподо́би
тѣ Госпо́дь, да ходатаем и при́сным моли́твенником за на́с
бу́деши. Се́ бо страстьми́ грехо́вными обурева́еми и зло́-
бою снеда́еми, за́поведи Бо́жия пренебрего́хом, пока́яния
сердечнаго и слѣз воздыха́ния не принесо́хом, сегó ра́ди
мно́гим ско́рбем и печа́лем досто́йни яви́хомся.

Ты́ же, о́тче пра́ведне, ве́лие дерзнове́ние ко Го́споду и
сострада́ние к бли́жним своимъ имѣя, умоли́ Всеще́драго
Влады́ку ми́ра, да проба́вит ми́лость Свою́ на на́с и по-
те́рпит неправда́м на́шим, не погуби́т на́с грѣх ра́ди на́-
ших, но вре́мя на пока́яние ми́лостивно на́м да́рует.

О свѣ́тче Бо́жий, помози́ на́м ве́ру правосла́вную не-
порочно́ соблюсти́ и за́поведи Бо́жии благоче́стно сохра-
ни́ти, да не облада́ет на́ми вся́кое беззаконіе, ниже́ по-
сра́мится Пра́вда Бо́жия в неправда́х на́ших, но да сподо́-
бимся дости́гнути кончи́ны христиа́нския, безболе́знен-
ныя, непосты́дныя, ми́рныя и Та́ин Бо́жиих прича́стныя.

Еще́ мо́лим тѣя, о́тче пра́ведне, о́ еже Це́ркви на́шей
Святе́й до сконча́ния ве́ка утвержде́нней бы́ти, оте́честву
же на́шему ми́р и процвета́ние в Пра́вде Бо́жией испроси́

**и от всѣх зѣл сохрани́, да тако наро́ди на́ши, Бѳгом хра-
ни́ми, в единомы́слии вѣры и во всяком благоче́стии и
чистотѣ, в ле́поте духо́внаго бра́тства, трезвѣнии и согла́-
сии свидѣтельствуют: яко с на́ми Бѳг! В Нѣмже живѣм, и
двѣжемся, и есмы́, и пребу́дем во вѣки. Ами́нь.**



Ме́сяца деке́мврия в 30-й де́нь

СЛУ́ЖБА

**святителю Мака́рию, Митрополи́ту Моско́вскому
и все́й Руси́, чудотво́рцу**

НА ВЕЛІ́ЦЕЙ ВЕЧЕ́РНИ

**На Го́споди, воззва́х: стихіры пра́здника и свята́го,
глас 1:**

Подобен: Небе́сных чино́в:

**Блаже́нства вои́стинну святы́х, / и́же просла́вил еси́, /
о́тче святителю Мака́рие, / дости́гл еси́ во Ца́рствии
Небе́снем, / иде́же ны́не ра́дуяся, / моли́ся о спасе́нии
ду́ш на́ших.**

**Блаже́нства и ча́сти пра́ведных, / с ни́миже сочета́лся
еси́, / о́тче святителю Мака́рие, / вкуси́л еси́ во Ца́рствии
Небе́снем, / иде́же ны́не насыща́яся, / моли́ся о спасе́нии
ду́ш на́ших.**

**Блаже́нства Ева́нгельская, / и́хже на земли́ пропо-
ве́дал еси́, / о́тче святителю Мака́рие, / обре́л еси́ вои́с-
тинну на Небеси́, / иде́же ны́не мздо́ю веселя́ся, / моли́ся
о спасе́нии ду́ш на́ших.**

**Блаже́нству тезоимени́тый, / егóже в жити́й возжелéл
еси́, / о́тче святителю Мака́рие, / стяжа́л еси́ о́ное в жи́з-
ни ве́чней, / иде́же ны́не поко́яся, / моли́ся о спасе́нии
ду́ш на́ших.**

Сла́ва, глас 8:

**Блаже́нный миротво́рец / в стране́ Росси́йстей бы́л
еси́, / о́тче святителю Мака́рие, / сего́ ра́ди сы́ном Бо́жи-**

им досто́ин наре́щися на Небесѣ, / иде́же ны́не во сла́ве
пребыва́еши, / моли́ся прѣсно о спасе́нии ду́ш на́ших.

И ны́не, пра́здника.

Вхо́д. Прокі́мен дне́.

Чте́ния трѣ́ святі́тельская.

На стихо́вне стихі́ры, гла́с 2:

Подобен: До́ме Евфра́фов:

До́ме Ду́ха Свята́го / и Ца́рствія наслѣднице, / бла-
же́нства дости́гл еси́, / свя́те Мака́рие, / моли́ся о прѣсно
сла́вящих тя́.

Сти́х: Блаже́н му́ж, боя́йся Го́спода, / в за́поведех Его́
восхо́щет зело́.

Блаже́нне и чу́дне, / му́же желáний Госпо́дних / и
за́поведей Его́ ревни́телю, / свя́те Мака́рие, / моли́ся о
прѣсно воспева́ющих тя́.

Сти́х: Препоя́суяся ору́жием твои́м, и наля́цы, и успе-
ва́й, и ца́рствуй / и́стины ра́ди, крото́сти, и пра́вды.

Же́зле милосе́рдия, / па́лице благода́ти, / угодни́че
Христо́в, / па́стырю и́стинен, / моли́ся о присноблажа́-
щих тя́.

Сла́ва, гла́с и подобен то́йже:

Собо́р святы́х ру́сских, / и́же тща́нием твои́м, святі́те-
лю, дѣ́вно просла́влен бы́сть, / с весе́лием вопи́ет ти́: /
ра́дуйся, Мака́рие, / блаже́нству тезоимени́тый.

И ны́не, пра́здника.

Тропа́рь, гла́с 4:

Я́ко вели́ким па́стырем еди́нона́вну / и учи́телем все-
ле́нныя еди́номы́сленну, / Бо́жия Прему́дрости служите́-
лю изря́дну, / и́же блаже́нству тезоимени́ту, / днесь,
ве́рнии, всѣ́ воспои́м: / Христа́ Бо́га моли́, святі́телю
Мака́рие, / уми́рѣти ми́р и спасти́ ду́ши на́ша.

НА УТРЕНИ

**На Бóg Господь: тропáрь прáздника двáжды,
Слáва, святаго. И ныне, прáздника.**

По 1-м стихослóвию седáлен, глáс 4:

Подóбен: Вознесыйся:

**Днесть святителя Христова Мака́рия пречестна́я па-
мять свѣтло возсия́ нам. / Подвигом кни́жных списáний
просвети́л е́сть ве́рных собо́ры / и ны́не мо́лит Христа́
Бо́га / дарова́ти нам и́стинное ве́дение Его́ Божѣственных
заповедей.**

Слáва, и ны́не, прáздника.

По полиелѣи седáлен, глáс 8:

Подóбен: Повелѣнное тайно:

**Я́ко со́лнце пресвѣтлое, возсия́л еси́ Ру́сстей земли́ /
добродѣтелями твоими́ и непоро́чным жити́ем, / отгоня́я
страсте́й омраче́ния, о́тче святителю́ Христов. / Сего́ ра́ди
вопи́ем ти́: / ра́дуйся, блаже́нне Мака́рие, похвало́ Це́рк-
ве Христо́вы и вели́кий чудотво́рче.**

Слáва, и ны́не, Богоро́дичен:

**Ты́ еси́ Божѣственная сень Сло́ва, Еди́на Пречи́стая
Богома́ти, / чистото́ю А́нгелы превозше́дшая, / очисти́
нас от грехо́в и вся́кия скве́рны, Богоневѣстная.**

Та́же степѣнна, 1-й антифо́н 4-го глáса.

**Прокі́мен, глáс 4: Честна́ прѣд Го́сподем / сме́рть пре-
подобных Его́. Сти́х: Чтó возда́м Го́сподеви о́ всех, я́же
воздаде́ ми́?**

Ева́нгелие от Иоáнна, зача́ло 36.

По 50-м псалме́ стихі́ра, глáс 6:

**Егда́ в но́щи моля́шеся пречу́дный Мака́рий, / тогда́ со
тре́петом зря́ше видѣние стра́шное / и, у́жасом одер-**

жѣмь, / слѣзы источая, вопиюще: / о Господи, / како мнѣ видети сие? / Грядет нечестие, крове пролитие / и разделение земли Русския, / но, о Иисусе, / молюся прилежно, пощади / и, аще не помилуеши, не даждь мнѣ видети сие.

Канон святителя, глас 4.

Пѣснь 1

Ирмос: Моря чермную пучину / невлажными стопами / древний пешествовав Израиль, / крестообразными Моисеовыма руками, / Амаликову силу в пустыни победил есть.

Великий Царю, содетелью всех, / очисти благоутробием душу мою и отжени страстей омрачения, / да возвеличу, Спасе, угодника Твоего, святителя Макария.

Правды Божия взыскуя, измлада Христу последуя, / обители преподобнаго Пафнутия достигл еси, святе Макарие, / идеже многая лета во уставе пребыв, житие жестокое и благое вкусил еси.

Лествицею добродетелей на Небеса возшел еси, / тем и Христос ты, святителю, еще на земли суща, в меру возраста приведе / и обители можайския наставника постави.

Богородичен: Ниво духовная, якоже из бразды клас, / изнесла еси всю тварь Питающаго всячески, Приснодево.

Катавасия: Христос рождается:

Пѣснь 3

Ирмос: Веселится о Тебе Церковь Твоя, Христѣ, зовущи: / Ты моя крепость, Господи, / и прибежище, и утверждение.

Единым помыслом к Богу устремився, / во обителях преподобных Пафнутия и Ферапонта пребыл еси во всяком воздержании, / отонудуже ко святительству Богом призван быв, Макарие досточудне.

Святѣя Цѣркве Новаграда пастырь и учитель был еси, / храмы украшая и духовною добротою люди исполняя, / пределы Новаграда светом Христова веры просвещая, блаженне отче Макарие.

Писания отеческая возлюбил еси, блаженне святителю, / и Церковь Премудрости Божия священными лепотами преукрасил еси, / возвеличив ю учением богогласным.

Богородичен: Мертвости и тли избавися род чловечь, / естеством бо Жизнодавца безсеменно родила еси, Дево Всенепорочная, / во спасение восхваляющих тя верно.

Катавасия: Пржеде век:

Седален, глас 1:

Наставника иночествующих, Пафнүтия преподобнаго, блажит град Боровск, / славит Можайск Ферапонта блаженнаго, / Новград восхваляет Александра Свирскаго со Ионою святителем, / славословит славнейший град Москва первопрестольника Иону со иными чудотворцы, / ты же от всех сих вкупе славословие приемлещи, Макарие чудне.

Слава, и ныне:

Патриарх Иаков, ясно провидев, Спасе, величия строения Твоего, / вопияше духом ко Иуде, глаголя тайно: / от леторасли возшел еси, сыне мой, / возвещая Тя от Девы Бога.

Песнь 4

Ирмос: Любве ради, Щедре, Твоего образа, / на Кресте Твоем стал еси, / и растаяшася языцы: / Ты бо еси, Человеколубче, крепость моя и хваление.

Троицу, Отца, Сына и Святаго Духа, апостольски проповедати повелел еси, / непросвещенную лопь и инья северныя языки ко Христу привел еси, низвергая бесов-

ская трéбища, / и нáс просветí, святítелю, свéтом íстиннаго познáния.

И́мя твоё, вели́кия добродéтели ráди, всю́ду проповéдано бы́сть, / я́ко из са́мья Святы́я Земли́, иде́же Господь наш плóтию рáспят бы́сть, священныя дáры прияти сподóбился еси́, / нáм же моли́, óтче Мака́рие, Небéснаго Иерусали́ма достíгнути.

Архипáстырски трудíвся, / Бóжиим Прóмыслом пре́емник и наслéдник Москóвских святítелей бы́ти сподóбился еси́, / иде́же чúдными добродéтелями украсíлся еси́.

Богорóдичен: Ада́м свободíся, и Е́ва ликóует, / и вопи́ют дúхом к Тебе́, Богорóдице: / Тобóю избáвихомся перворóдныя кля́твы, я́вльшуся Христу́.

Катава́сия: Жéзл из ко́рене Иессéова:

Пéснь 5

Ирмо́с: Ты́ Го́споди, мо́й Свёт, / в ми́р пришёл еси́, / Свёт Святый, обраща́яй из мра́чна неведéния / véрою воспева́ющия Тя́.

Москóвскаго престóла украшéние дíвное бы́л еси́, святítелю, / тёмже и лю́дие всí чúдным нареко́ша тя́, / с нíмиже и мы́ ны́не прáзднующе пáмять твою́, согла́сно тя́ велича́ем.

И́же добрóте церкóвней поревновáв, вели́кия и дíвныя собóры созвáл еси́, / íмиже нóвым чудотвóрцем земли́ Росси́йския прáзднование утвердíся, / и тáко Цéрковь Рúсская проси́я пóдвиги ча́д сво́их, я́коже пёрлы драгоцéнными.

Вся́ глубíны рúскаго благочéстия постíгл еси́, óтче Мака́рие, мучениколю́бче преизрýдне, / я́ко пчелá, отовсю́ду духóвное сокрови́ще собрав, / и я́ко жéртву благоприятную на свéщнице церкóвней возжéгл еси́.

Богорóдичен: Рунó орошéнное, Дéво, пла́мень грехóв мо́их угаси́, / купинó неопали́мая, страстéй мо́их тёрние

попали, / подаючи мѣ на водѣ упокоѣния пребывати и геѣнскаго мѣ огня свободѣ.

Катавасія: Бѣгъ сѣй мѣра:

Пѣснь 6

Ирмосъ: Пожру Тѣ со гласомъ хвалѣния, Господи, / Церковь вопиетъ Тѣ, / отъ бесѣвскія крове очищися, / ради милости отъ ребръ Твоихъ / истекшею кровию.

Иже со святыми, тобою прославленными, ревностно потщался еси собесѣдникъ бѣти, / оныхъ убо обители стрѣити благоволивый, овымъ потребная подавая, иныхъ же Христа проповѣдати посылая, / блаженнаго же Василія Московскаго своимъ руками погребсти сподобивыйся, / снимиже моли спастися душамъ нашимъ.

Всемъ образъ вѣры и воздержанія явился еси, о стаде Христовѣ попеченіе неленостное имѣя, / Московскаго первопрестольнаго града и всея Россійскія земли утверждение, / Макарие боголюбиве, моли спастися душамъ нашимъ.

Троицкую обитель поставивъ превѣше всехъ, настоятеля ея саномъ архимандрита почтилъ еси, / темже любовь къ Сѣргію преподобному показуя и грядущія святія обители предначертывая. / Мы же, святителю, дивящеся твоей премудрости, зываемъ: / моли спастися душамъ нашимъ.

Богородичен: Ластовице Небесная и голубице неземная, / вси роди верныхъ согласно Тя ублажаютъ, / яко Богоневѣстную Матерь Христа Бога нашего.

Катавасія: Изъ утробы Иону:

Кондакъ, гласъ 3:

Богомудрымъ учениемъ и книжнымъ списаниемъ / потщался еси, святителю Макарие, / люди Россійскія просветити / и святыхъ земли нашея прославити. / Сего ради чуденъ пронарекся, / преемниче первопрестольниковъ рос-

сійских, / моли́ сохранитися нам в вере и благочестии невредимо.

Їкос:

Павлову словеси́ поревновав, святителю Мака́рие, / пѣсньми почтил еси́ российских па́стырей, учителей и наста́вников, / приснобдящих прѣд престолом Небѣснаго Царя́ о нашем отечестве, / с нимиже радуяся ныне, моли́ Христа́ Бога сохранитися нам в вере и благочестии невредимо.

Пѣснь 7

Ирмос: В пещи́ Авраамстии о́троцы персидстей, / любовию благочестия па́че, / нежели пла́менем, опаляеми, взыва́ху: / благословѣн еси́ в храме сла́вы Твоея́, Го́споди.

Вредная и па́губная еретических шата́ний соборне осудил еси́, святителю Христовъ, / все́х же православных в вере в Троицу Единосущную укрепил еси́, прѣд святы́ми ико́нами воспева́ющих: / благословѣн еси́ в храме сла́вы Твоея́, Го́споди.

Изнесе́ тя, святителю, земля́ Ру́сская, поборника веры и благочестия, / ревнителя отеческих преданий и утверждений, да научи́ши нас взывати: / благословѣн еси́ в храме сла́вы Твоея́, Го́споди.

Смирѣн, крѣток и мѣлостив был еси́, святителю, / отроча́ нравом обрета́яся и соверше́н бѣв разумом. / Мы́ же, дивя́щися твоимъ добродѣтелем и по́двигом, взыва́ем: / благословѣн еси́ в храме сла́вы Твоея́, Го́споди.

Богородичен: Я́ко еди́ну преестественно па́че челове́ка благодать во Твою́ утробу приѣмшую, / без ислѣния нетлѣнно ро́ждшую Христа́ Бога нашего, / присно Тя́ сла́вим.

Катавасия: О́троцы, благочестию совоспита́ни:

Пѣснь 8

Ирмос: Ру́це распротѣр, Дани́ил / льво́в зия́ния в ро́ве затче́; / о́гненную же си́лу угаси́ша, / добродѣтелию препо́ясавшеса, / благочѣстия рачи́тели о́троцы, вызы́ающе; / благослови́те, вся́ дела́ Господ́ня, Го́спода.

Пѣ́ние си́е на́ше ску́дное и похвалѣ́ние недостой́ное приими́, чу́дне Мака́рие, / да не вотще́ вызы́аем к престо́лу Всевы́шняго: / благослови́те, вся́ дела́ Господ́ня, Го́спода.

Вели́кая дея́ния тво́я о прославлѣ́нии святы́х и просвещѣ́нии наро́да ру́скаго / подвиза́ют, досточу́дне Мака́рие, на́с немол́чно пѣ́ти Бо́гу: / благослови́те, вся́ дела́ Господ́ня, Го́спода.

Похвалу́ вели́кую Бо́гу возда́л еси́, всеблаже́нне, / о просвещѣ́нии невре́ннаго гра́да Каза́ни, ему́же святите́ля Гу́рия поста́вил еси́, / те́мже ру́сстии лю́дие о тако́вѣй Бо́жией ми́лости ра́достно возопи́ша: / благослови́те, вся́ дела́ Господ́ня, Го́спода.

Богородичен: Чу́дному благовѣ́щению удиви́ся Пречи́стая Де́ва, / неискусому́жному рождеству́ Ея́ возра́довахуся па́стырие, / собо́ри ве́рных дивя́тся успѣ́нию Ея́ сла́вному, вопи́юще: / благослови́те, вся́ дела́ Господ́ня, Го́спода.

Катавасия: Чу́да преестѣ́веннаго:

Пѣснь 9

Ирмос: Ка́мень неруко́сѣчный / от несекóмыя горы́, Тебе́, Де́во, краеуго́льный отсече́ся, / Христóс, совокупи́вый разстоя́щаяся естества́. / Те́м, веселя́щеса, Тя́, Богороди́це, велича́ем.

Мака́рия Вели́каго и́мя носил еси́, / его́ жити́ю послѣ́дуя в постѣ́ и по́двизех, воздержáнии и крóтости, / те́м ты́, святите́лю, велича́ем. **(Два́жды)**

Різами погребальними одяну и на смёртнем одре ті лежашу, / собор наро́да мно́жества, відевше тя не яко мёртва, но спяща, / лик же тво́й, яко сві́том, сияющ, / удивішася и сла́ву воздаша всесі́льному Бо́гу, прославля́ющему уго́дники Сво́я.

Богородичен: Ю́же иногда́ Иа́ков віде, чу́дную ле́ствицу, от землі прости́рту к небе́сней высоте́, / испове́даем Тя́, Пречи́стая Богороди́це: / Тобо́ю бо земна́я и Небе́сная о́бщницы яви́шася.

Катавасія: Та́инство стра́нное:

Светілен:

Сві́том благода́ти просвеще́н бы́л еси́, святі́телю Мака́рие, / росси́йских уго́дников и моли́твенников на́ших пе́снями сві́тло просла́вил еси́, / с німиже во сві́тлостех святы́х веселя́ся ны́не, / моли́ Христа́ Бо́га спасти́ся душам на́шим.

Сла́ва, и ны́не, пра́здника.

На хвали́тех стихи́ры, гла́с 6:

Подобен: Триднёвен:

Блаже́н и ми́лостив / архиерей яви́лся еси́, / о́тче святі́телю Мака́рие, / предста́л еси́ поми́лован престо́лу Бо́жию, / иде́же со всі́ми святы́ми / Бо́га в Трои́це прославля́еши.

Блаже́н и кро́ток / па́стырь овец духо́вных бы́л еси́, / о́тче святі́телю Мака́рие, / насле́довал еси́ па́жити ве́чныя, / иде́же со святы́ми землі на́шея / Го́споду Си́л поклоня́еши.

Блаже́н и чи́ст се́рдцем, / імже Бо́га узре́л еси́, / о́тче святі́телю Мака́рие, / сподобі́лся еси́ красо́ты райския, / иде́же с ли́ки а́нгельскими / Отца́ Све́тов славосло́виши.

Блаже́нства зре́лый клас, / его́же нището́ю ду́ха возра́стл еси́, / о́тче святі́телю Мака́рие, / пожа́л еси́ во

Царствию Небеснем, / к сему же богатству нетленному /
и нас, земнородных, призываеши.

Слава, глас 2:

Пастырю добрый, святителю Христов Макарие чудный, /
благочестия столп был еси, / многими добродетельми украсився: /
собеседниче святых мужей, / книжнице премудрый, иконописче нарочитый, /
просветителю изрядный, ересей искоренителю, / молитвенниче нелестный, /
моли спаси души наши.

И ныне, праздника.

Славословие великое и отпуст.

НА ЛИТУРГИИ

Служба праздника и святителя.

МОЛИТВА

**ко святителю Макарию, Митрополиту Московскому
и всей Руси, чудотворцу**

О великий святителю и Церкви Российской первопрестольниче блаженный, града Москвы пастырю и учителю, отче наш Макарие! К тебе смиренно припадаем и молимся, в скорбех сущи: скоро потщися ко Господу, да избавит страну нашу Российскую от раздора и междоусобных брани, яко да твоим ходатайством и помощью Христос Бог тихое и безгрешное житие даст нам пожити в веце сем. Умоли, чудотворче преславный, с ликом святых земли нашея Царя царствующих и Господа господствующих Святую Церковь Российскую от ересей, расколов и иных нестроений сохранить, да украсится она истинным боговедением, чада же ея медом спасительных писаний отец святых и мудростию их творений напитаются. Еще молим тя, блаженне отче Макарие, в стране нашей

Правосла́вие укрепіти, отпа́дшия же вѣтви лозы́ Христо́вы мо́лим па́ки с не́ю соединіти, да еди́неми усты́ и еди́нем се́рдцем просла́вим Еди́наго в Трѣх Ли́цах Го́спода, Отца́ и Сы́на и Свята́го Ду́ха, во ве́ки веко́в. Ами́нь.

АКА́ФИСТ

**святітелю Мака́рию, Митрополи́ту Московско́му
и всея́ Руси́, чудотво́рцу**

Кондак 1

Избра́нный и чу́дный архиере́ю Це́ркве Росси́йския, гра́да Москвы́ первопресто́льниче, блаже́нне святітелю Мака́рие, восхваля́ем тя ны́не мы́, недосто́йнии, ты́ же, я́ко имѣя дерзнове́ние у Святы́я Трои́цы, предста́тельством твои́м Небе́сным помога́й на́м, су́щим в беда́х и ско́рбех, ра́достно взыва́ющим ти́: Ра́дуйся, блаже́нне Мака́рие, похвало́ Це́ркве Христо́вы и предивный чудотво́рче.

И́кос 1

Ангела земна́го и челове́ка Небе́снаго прославля́ем тя́, я́ко ревни́теля Правосла́вия, от земныхъ бо к небе́сным оби́телем возше́л еси́. И ны́не, предсто́я престолу́ Святы́я Трои́цы вку́пе с ли́ки чудотво́рцев Росси́йских, не преста́й моля́ся о воспева́ющих тя́: Ра́дуйся, ко́рене блага́го вѣтве многопло́дная; ра́дуйся, благочесті́вых роди́телей пло́де богодарова́нный. Ра́дуйся, от ю́ности возлюбі́вый Бо́га все́м се́рдцем твои́м; ра́дуйся, я́ко Ему́ еди́ному раба́ти возжелéл еси́. Ра́дуйся, я́ко измла́да му́дрости прилежа́л еси́; ра́дуйся, поста́ и моли́твы ре́вностный блюсти́телю. Ра́дуйся, блаже́нне Мака́рие, похвало́ Це́ркве Христо́вы и предивный чудотво́рче.

Конда́к 2

Ви́дя тщету́ мирска́го жити́я, блаже́нне святітелю Мака́рие, во огра́ду оби́тели преподо́бнаго Пафну́тия Боро́в-

скаго удалился еси, идеже имя Египетскаго пустынника, монашествующих наставника, Макария Великаго, приял еси и, яко звезда небосветлая, возрастая на тверди церковней, весь живот свой от младых ногтей Богу предал еси, сердцем и усты непрестанно поя Ему: Аллилуия.

Икос 2

Разум твой Богодухновенный, научением книжным в Пафнутиево-Боровском монастыре просвещаемый, богомыслию предал еси, блаженне Макарие, молитвою и пощением во служение Богу себе уготовляя. Восхваляя же ныне твоя благая тщания, взываем ти сице: Радуйся, яко отложив вся мирския сласти, Христов ярем носить избавил еси; радуйся, юность твою, яко жертву непорочну, отвержением от мира Богу принесый. Радуйся, в постех и подвигах твоих добродетельми украсивыйся; радуйся, ангельски во плоти поживый. Радуйся, монашескаго послушания светлый облаче; радуйся, иноков обители Боровския украшение. Радуйся, блаженне Макарие, похвало Церкви Христовы и предивный чудотворче.

Кондак 3

Силою Вышняго, уготовлявшего тя во спасение многих, досточудне святителю, ведом был еси от силы в силу во святом житии твоём, день и ночь поучался еси в Законе Господни, присно взывая Богу: Аллилуия.

Икос 3

Имея чистое житие и душу непорочну, в монашеския ризы облечся еси, еще млад сый, и, подвигом добрым труждаяся, искусу многотруднаго жития прошед и саном архимандрита обители Лужецкия от Первосвятителя Даниила почтен быв, ревностно подвизался еси о спасении Богом даннаго тебе стада словеснаго, с нимже и мы днесь радостно взываем: Радуйся, красотой смиренномудрия и воздержания; радуйся, образе кротости и послушания.

Ра́дуйся, собо́ров иноческих похвалéние; ра́дуйся, преподóбных и праведных сонаслéднице. Ра́дуйся, премудрый мона́хов наста́внице; ра́дуйся, до́брый о них попечителю. Ра́дуйся, блаже́нне Мака́рие, похвалó Цérкве Христо́вы и предивный чудотво́рче.

Конда́к 4

Бу́ри страсте́й избежа́в, архипа́стырски труди́лся еси́, святителю́ о́тче Мака́рие, досто́йный служи́тель святы́я Софи́и, Премудрости Бо́жия, яви́лся еси́ и сокро́вища премудрости ре́вносно собира́ти потща́лся еси́, ко просвещéнию наро́дов российских, науча́я разумно пéти Бо́гу: Аллилу́ия.

И́кос 4

Слы́шаху бли́жнии и да́льнии лю́дие, дивя́щиеся о трудéх твои́х неуста́нных, и́миже труди́лся еси́ на ка́федре богоспаса́емых градóв Вели́каго Новаграда́ и Пско́ва, и ра́довахуся, я́ко прия́л еси́ же́зл архипа́стыря от Митрополи́та Росси́йскаго Дани́ила. Мы́ же, о́вцы па́жити твоея́, све́том твоего́ богоразу́мия озаря́еми, вопиéм ти́: Ра́дуйся, на престóле святительстем досто́йно возсе́дый; ра́дуйся, архиере́ю и премудрый учи́телю. Ра́дуйся, в по́двиге учи́тельства неуста́нный ревни́телю; ра́дуйся, винограда́ Христо́ва усéрдный де́лателью. Ра́дуйся, я́ко твои́м благословéнием некрещéнная лóпь све́том Ева́нгелия просвещéна бы́сть; ра́дуйся, благочи́ния монасты́рскаго му́дрый устройтелю. Ра́дуйся, блаже́нне Мака́рие, похвалó Цérкве Христо́вы и предивный чудотво́рче.

Конда́к 5

Боготéчному со́лнцу уподо́бился еси́, блаже́нне Мака́рие, егда́ во́лею Пастыренача́льника Христа́ на свещнице Цérкве Росси́йския собо́ром архиере́ев поста́влен бы́л еси́, да светиши све́тло Оте́честву твоему́. Мы́ же Небéсному Царю́, Трине́диному Бо́гу, дивно просла́вльшему тя́, поéм: Аллилу́ия.

Їкос 5

Видевше тя православнии людіе, яко светило пресвѣтлое, сияюща многими дарованьи, радовахуся. Ты же, добрый пастырю Христов, мучениколюбец сый, соборне уставил еси празднования творити святым новым чудотворцем земли нашея, ихже Господь Бог прослави, якоже Своя угодники, многими чудесы и знаменьями. Мы же, чудящися о таковой неизреченной благодости Божией, Церкви нашея Россійстей дарованней, умилно зываем ти сице: Радуйся, святителю, други Божия достолепно прославивый; радуйся, деяния подвижников россійских писанию предавый. Радуйся, труды и подвиги мужей святых в песнях прославивый; радуйся, образы новых чудотворцев благоговейно писавый и лобызавый. Радуйся, научивый паству достойно поклонятися святым новым чудотворцем; радуйся, яко купно с сими святыми ныне и от нас славословие приемлещи. Радуйся, блаженне Макарие, похвало Церкви Христовы и предивный чудотворче.

Кондак 6

Проповедник веры православныя и ревнитель благочестия словом и житием был еси, достославне святителю, блаженне Макарие, потщался еси труды неленостными нравами и обычаи людей россійских исправить, научая непрестанно воспевати Богу: Аллилуия.

Їкос 6

Возсиял еси, яко звезда лучезарная, в Церкви Россійстей светом Христова учения и ревностию твою о славе Божией, иерарше блаженне, и созвал еси великий собор, Стоглав нарицаемый, ко исправлению и утверждению в добродетелех верных чад, внимающих учению Христову и похваляющих тя сице: Радуйся, благочиния церковнаго строгий блюстителю; радуйся, яко тобою вера Христова утвердися. Радуйся, чтения и пения божественнаго искусный учителю; радуйся, соблазнов и нестроений

мудрый искоренителю. Радуйся, яко страх Божий, начало премудрости, в сердцах пасомых насаждал еси; радуйся, яко праведныя жизни образ верным подавал еси. Радуйся, блаженне Макарие, похвало Церкви Христовы и предивный чудотворче.

Кондак 7

Хотяй враг спасения рода человеческого нарушити мир Церкви нашея, воздвиге еретическое мудрование в людех о Божестве, и о Церкви, и о православных догматах веры христианския. Мы же, трепетни суще о таком злочестии, прославляем святителя Макария, православных догматов защитителя, зывающе Богу: Аллилуя.

Икос 7

Новаго тя Петра Александрийскаго и Николая Мирликійскаго зрим, святителю Макарие: овии бо отсекоша Ария безумнаго, раздравшаго, яко ризу, Церковь Христову, ты же еретическая лжемудрования соборне осудил еси, прелесть их посрамив, да не сеют плевел злобы своея в роде человечестем, и тако утвержден бысть истинный Закон Христов. Мы же, чада Церкви Православныя, благодарно прославляем тя, блаженне Макарие: Радуйся, Православия великий ревнителю; радуйся, стада Христова от волков хищных верный оградителю. Радуйся, жезлом догматов лжемудрствование посрамивый; радуйся, небрегущия о святыни от Церкви Божия отлучивый. Радуйся, презрители законоположений Церковных низложивый; радуйся, громе, поражаяй злочестивых. Радуйся, блаженне Макарие, похвало Церкви Христовы и предивный чудотворче.

Кондак 8

Странника и пришельца в мире сем себе помышляя, святителю отче наш Макарие, в подвизех и постех присно пребывая, кроток же, смирен и милостив был еси, от-

роком в незлобии подражая всегда, совершен умом быв, поя Всемилостивому Богу: Аллилуия.

Икос 8

Весь ум твой, святителю, вперил еси к Богу, пастырски врученное тебе от Христа стадо упасл еси, лица бо сильных не стыдяся, наставлял еси их на путь спасения. Сего ради чтуще святую память твою, любовью ти вопием: Радуйся, великий благочестия столпе; радуйся, святопомазанная главо, честный наш учителю. Радуйся, Христа Господа всею душею и сердцем возлюбивый; радуйся, христианского благочестия истинный ревнитель. Радуйся, неутомимый проповедниче Евангелия Христова; радуйся, камению драгий, всю землю Российскую украшаяй. Радуйся, блаженне Макарие, похвало Церкви Христовы и предивный чудотворче.

Кондак 9

Всего себя вперив в премудрость книжную, составил еси многими труды и подвиги Великия Четия Миней во славу Божию, в похвалу святых и в научение всему роду православному. Мы же, дивящися дарованней ти от Бога премудрости, прославляем тя, зовуще Богу: Аллилуия.

Икос 9

Ветии любомудрии прославляют деяния славных мира сего, ты же, пчеле уподобляяся, воедино собирал еси жития, иже в постех просиявших и за Христа кровь свою проливших. Мы же, писании твоими просвещаемы, поем и благодарим тя, толиких трудов твоих ради, и преусердно приносим ти сицевая: Радуйся, книжную премудрость, яко бисер, собравый; радуйся, сокровища премудрости чадом Божиим явивый. Радуйся, имиже люди российские просветивый; радуйся, деяния святых писанию предавший. Радуйся, начало книгопечатанию положивый; радуйся, духовный пастырю словесных овец. Радуйся, бла-

жённе Мака́рие, похвалó Цёркве Христо́вы и предивный чудотво́рче.

Конда́к 10

Спасти́ хотя́ ду́шу твою́, святителю, поко́я духо́внаго возжелéл еси́, хотя́ оста́вити первосвятительский престóл и па́ству росси́йскую, но, умоле́н б́ыв от собóра святите́лей и самодéржцем держáвным, показáл еси́ нáм примéр послушáния Цёркве Христо́ве, да поём Бо́гу: Аллилу́ия.

Йкос 10

Стена́ и крéпкое ограждéние земли́ Росси́стей б́ыл еси́, святителю, мно́гими добродéтелями украси́вшийся, по́стнически пож́ив, течéние скончáв, ко отш́ествию от земна́го быти́я прибли́зился еси́ и пре́дал ду́шу свою́ в ру́це Бо́га Ж́ива. Собóр же наро́да мно́га, стéкшеся ко одру́ твоemú и ви́девше ли́к тво́й, я́ко свéт, сия́ющий, чи́стаго и непорóчнаго жити́я твоего́ ра́ди, просла́виша Бо́га, дарова́вшего тако́ваго свети́льника, вопи́юще: Ра́дуйся, святителю, пре́д кончи́ною твоёю явлéния Богома́тере сподóбивыйся; ра́дуйся, мирно и ра́достно час кончи́ны твоея́ срéтивый. Ра́дуйся, я́ко пресвётлое жити́е твоё на земли́ прешéл еси́; ра́дуйся, святителю, и по смёрти твое́й нáс не оставля́й. Ра́дуйся, я́ко и по преставлéнии твоём с нáми пребывáеши; ра́дуйся, гражда́нине Иерусали́ма Небéснаго. Ра́дуйся, блажённе Мака́рие, похвалó Цёркве Христо́вы и предивный чудотво́рче.

Конда́к 11

Пéние нáше моле́бное не прэ́зри, богому́дре и блажённе óтче, се́ бо, любóвию подви́заеми, к честнóму óбразу твоemú притека́ем и, прославля́юще Триеди́наго Бо́га, мо́лимтися: моли́ся в́ину у престóла Го́спода Сла́вы изба́витися нáм от мятежéй и трево́лнений, да благодарне зове́м Бо́гу: Аллилу́ия.

Ўкос 11

Светодательная свещá явился еси странé нашей, Мака́рие чýдный, и по смёрти своей. Тёмже сиянием учёний и трудо́в твои́х озаря́еми, почита́ем святу́ю па́мять твою́, просвети́ ўбо о́чи наша́ душе́вная, да благодарно́ взыва́ем ти́: Ра́дуйся, бе́дствия, грядúщая на зéмлю Росси́йскую, предузрэ́вый; ра́дуйся, о́ всех лю́дех Росси́йских усёрдный моли́твенниче. Ра́дуйся, вме́сто вре́менных вéчная блага́ нам подава́яй; ра́дуйся, бисере́ честный, сиянием Небéсных сла́вы сердца́ наша́ увеселя́яй. Ра́дуйся, свети́льниче многосвётлый, свéтом и́стиннаго богопозна́ния нас озаря́яй; ра́дуйся, святите́лей Моско́вских досто́йный преёмниче. Ра́дуйся, блаже́нне Мака́рие, похвало́ Цéркве Христо́вы и предивный чудотво́рче.

Конда́к 12

Благода́ть Господню́ и благовре́менную по́мощь испроси́ нам, святите́лю Мака́рие, во дни́ нестро́ений и бу́ди нам в скорбе́х утешите́ль и в беда́х засту́пник. Мо́лим тя́, иерарше́ блаже́нне, проле́й за нас тёплую моли́тву ко Го́споду, да сохранит Цéрковь Росси́йскую невреждённо́ от ересей́ и раско́лов и спасёт вопию́щих Емú: Аллилу́ия.

Ўкос 12

Пою́ще пресла́вное жити́е твоё́ и богому́драя дея́ния, святите́лю о́тче Мака́рие, блаже́нству тезоимени́тый, восхваля́ем Подате́ля все́х благих́ Бо́га, дарова́вшего в послéдняя́ времена́ странé нашей́ вели́каго чудотво́рца. Озари́, иерарше́ чýдный, нас светолитие́м твоея́ благода́ти, увеселя́я сердца́ наша́ пéти ти́ со умилéнием: Ра́дуйся, Правосла́вия побóрниче нелицеме́рный; ра́дуйся, архиере́ев добро́то, священников́ и ино́ков похвало́. Ра́дуйся, звездó, сияющая́ во тьме́ сýщим; ра́дуйся, первопа́стырю́ и учите́лю христоимени́тых люде́й земли́ нашей́. Ра́дуйся, иконопи́сче благоговей́не, дела́ рýк свои́х посвяща́яй Бо́гу; ра́дуйся, от Царя́ Небéснаго венéц сла́вы

приёмый. Радуйся, блаженне Мака́рие, похвало́ Цѣркве Христо́вы и предивный чудотворче.

Конда́к 13

О чудотворче пресла́вный и боголюбе́зный па́стырю, первопресто́льниче изря́дный, вели́кое украше́ние церко́вное, всѣм архиере́ем и иере́ем неле́ностный учи́телю, всея́ Росси́йска па́сты и́стинное управле́ние, святите́лю Мака́рие чу́дный! Ми́лостивно приѣм си́е ма́лое моле́ние на́ше, в похвалу́ тебѣ приноси́мое, умоли́ Го́спода Бо́га да́рова́ти ми́р душа́м на́шим, Цѣркви и стране́, да взыва́ем при́сно: Аллилу́ия.

(Э́тот конда́к чита́ется три́жды, затѣм 1-й и́кос и 1-й конда́к)

МОЛІ́ТВА

**ко святите́лю Мака́рию, Митрополи́ту
Моско́вскому и всея́ Руси́, чудотворцу́**

О вели́кий святите́лю, Цѣркве Росси́йска первопресто́льниче, гра́да Москвы́ па́стырю и учи́телю, о́тче на́ш Мака́рие блаженне, до́бре по́двиг жити́я твоего́ соверши́вый и дерзнове́ние у Го́спода стяжа́вый! К тебѣ во умилѣнии серде́ц на́ших припада́ем и усѣрдно мо́лим: бу́ди о на́с тёплый предста́тель у престо́ла Вседержите́лева и умоли́ Всеблага́го Бо́га, да не презри́т на́с, во мно́гия и лю́тыя грехи́ впа́дших, но да́рует на́м вся́ благая́ и потре́бная, я́же ко спасе́нию. Ве́мы бо, я́ко немо́щни есмы́, но мо́лим тя́ усѣрдно, святите́лю Бо́жий, предста́тельством твои́м сохрани́ невреді́мо всеросси́йскую па́ству, ю́же во святите́льстве твоѣм до́бре упасл еси́. Архиере́ем и пресви́тером у Го́спода испроси́ му́дрость, во е́же пра́во пра́вити сло́во Божѣственныя и́стины, же́ртвенную лю́бовь и ре́вность о спасе́нии, да не поги́бнет ни еди́н от па́сты и́х, иночествующих в по́двизех укрепи́, в ми́ре живу́щим и́стинный и потре́бный ї́м, е́же во Христе́ Иису́се, о́браз жи́тельства покажи́, ве́ру на́шу укрепи́, любви́

нелицемерней друг ко другу научи, в надежди на милосердие Божие утверди.

Еще же молим тя, святителю, испроси нам у Всемилостиваго Бога духа разума и премудрости, да украсимся истинным боговедением спасительных писаний святых отец и мудростию их творений.

Ей, святителю Божий, о мире всего мира Господа умоли, страну нашу твоим предстательством в мире и безмятежии соблюди, вся люди Отечества нашего в добром расположении друг ко другу сохрани и чужды междоусобных нестроений покажи, всякий град и весь добре сохрани, святую веру в людех непорочно соблюди. Буди всем нам скорый помощник в нуждах наших, да тобою окормляеми, мирно и благочестно поживем на земли, сподобимся и Небесных благ восприятия, славяще и превозносяще Отца и Сына и Святаго Духа и твое милостивое предстательство во веки веков. Аминь.



Месяца ианну́ария в 10-й де́нь

СЛУ́ЖБА

**святителю́ Феофа́ну, затво́рнику
Вы́шенскому**

НА ВЕЛІ́ЦЕЙ ВЕЧЕ́РНИ

На Го́споди, воззва́х: стихи́ры, гла́с 1:

**Прииді́те, ве́рнии, / благоче́стно ублажи́м святите́ля
Христо́ва Феофа́на, / па́стыря предоб́раго, учи́теля зла-
тослове́снаго, / ско́рбных утешите́ля, / наста́вника все́х
притека́ющих к нему́ с ве́рою / и ны́не моля́щагося о
душа́х на́ших.**

**Святителю́ о́тче Феофа́не, / па́мять тво́я, я́ко свето-
за́рное со́лнце возсия́ нам, / озаря́ющи приходя́щая к
тебе́ с ве́рою и прося́щая усер́дно: / моли́ спасті́ся душа́м
на́шим.**

**О преблаже́нне о́тче Феофа́не, / челове́че Бо́жий и ве́р-
ный раба́, / сосу́де избра́нный Ду́ха Свята́го, / Ца́рствия
Бо́жия насле́днице, / ми́р Це́ркви Правосла́вней испро-
си́, / стране́ на́шей благоде́нствие, / все́м же ве́рным в
ве́ре утвержде́ние, / грехо́в оставле́ние и от бе́д из-
бавле́ние.**

Сла́ва, гла́с то́йже:

**О́тче Феофа́не богому́дре, / а́ще и в та́йных по́двизех
тече́ние соверши́л еси́, / оба́че свети́льник пресве́тлый
лю́дем яви́лся еси́, / луча́ми словес твои́х просвеща́я нас,
науча́еши Христа́ ве́дети. / Те́мже ра́достно поклоня́юще-
ся ра́це честны́х моще́й твои́х, / со умили́нием взыва́ем: /
сла́ва Прославля́ющему святы́я Сво́я.**

И ныне, праздника.

На литий стихиры, глас 3:

Феофáne преблаженне, / чудотворче преславнейший и верный заступниче, / сосуде, благодати преисполненный, / и милости источниче, / о нас молися ко Господу, / помилватися душам нашим.

Отче богомудре Феофáne, / благий и верный друже Господень, / святителей украшение и отцев слава, / якоже в житий, тако и по преставлении твоём, / дивный во святых Своих Бог / исцелений благодать тебе дарова, / и ныне непрестанно молися о нас ко Господу, / помилватися душам нашим.

Преплаженне Феофáne, / словес евангельских верный хранителю, / вольную нищету, яко сокровище, на себе подъяв, / чистоту иноческаго жития сохранил еси, / образ смирения по образу Господа своего являя, / и ныне, предстоя престолу Вседержителя, / молися прилежно о нас, / совершающих священную память твою.

Слава, глас 8:

Днесь красуется обитель Вышенская / и торжествует вся Церковь Православная, / совершаючи память твою, святителю Феофáne, / дивная бо и преславная чудеса яви тобою Господь, / егда честныя мочи твоя прославити благоволи. / Темже к тебе прибегаем и молимся: / молися о нас ко Господу, / помилватися душам нашим.

И ныне, праздника.

На стиховне стихиры, глас 5:

Подобен: Радуйся, живоносный кресте:

Радуйся, отче наш Феофáne, / скорый в скорбех утешителю, / радуйся, иноков и инокинь наставниче, / радуйся, словом своим и делом всех к Богу приводяй, / и

ныне, предстоя престолу Святыя Троицы, / молися прилежно о нас, / совершающих светлое сие торжество.

Стих: Честна пред Господем / смерть преподобных Его.

Радуйся, святителю Феофане, / Церкви Российския преславное украшение, / обители Вышенския светлая похвало, / Православия столпе непоколебимый, / радуйся, молитвенниче наш пред Богом, / Ему же предстоя со всеми святыми, / молися о нас, чтущих святую память твою.

Стих: Священницы Твой облечутся в правду, / и преподобнии Твой возрадуются.

Радуйся, архиерею Божий, / смирения и кротости зеркало, / любви неистощимое сокровище, / аще и в затворе пребывал еси, / людей же, духовнаго утешения жаждущих, не оставлял еси, / тем же и мы к тебе, яко отцу, прибегаем / и любовьию взываем: / молися о нас ко Господу, / спастися душам нашим.

Слава, глас той же:

Преблагенне отче Феофане, / дом Духа Святаго явился еси, / ума чистоту стяжав, / в затворе Вышенския обители многолетне пребывая, / писанными твоими всех просвещал еси, / верою к тебе прибегающих, / и ныне не престай приносить моления о нас, / чтущих священную память твою.

И ныне, праздника.

Таже, Ныне отпущаеши: И по Отче наш:

Тропарь, глас 8:

Православия наставниче, / благочестия учителю и чистоты, / Вышенский подвижниче, святителю Феофане богомудре, / писанными твоими Слово Божие изъяснил еси / и всем верным путь ко спасению указал еси, / моли Христа Бога спастися душам нашим. **(Дважды.)**

Тропарь праздника, единожды.

НА УТРЕНИ

На Бѡг Господь: тропарь праздника дважды. Слава, святому. И ныне, праздника.

По 1-м стихословии седален, глас 8:

Непостижимый Свет от Света Христос Господь, / почив в тебе, святителю Феофане, / пресветла суща показав тѣ миру, / яко блистаеши светлым житием, / озаряеши лучами учений, сияеши чудесы: / темже ныне празднуем святую память твою.

Слава, и ныне, праздника.

По 2-м стихословии седален, глас 8:

Непостижимый Свет от Света Христос Господь, / почив в тебе, святителю, / яви тебе яко ревностна свидетеля истины в Церкви Своей, / в радость и спасение всех, / любовьию чтущих память твою.

Слава, и ныне, праздника.

По полиелѣи седален, глас 4:

Премудрый учителю, / твердый истины Христовы поборниче, / утверди сердца наша в вере православней, / к тебе прибегаем и тебе молимся, / молися о нас ко Господу, / святителю отче Феофане.

Слава, и ныне, Богородичен:

Необоримая Предстательнице оскорбляемых / и теплое Заступление уповающих на Тя, от бед и искушений избави нас, / Богородительнице Пречистая.

Таже степенна, 1-й антифон 4-го гласа.

Прокимен, глас 4-й: Честна пред Господом / смерть преподобных Его. Стих: Что воздам Господеву о всех, яже воздаде ми? Всякое дыхание:

Евѣнгелие от Иоѣнна, зачѣло 35 от полу.**По 50-м псалмѣ стихира, глас 6:**

Излияся благодѣть во устнѣх твоих, / святителю Фе-
офане, / Богоявления воистину проповѣдник в землѣ Рос-
сийстей явился еси, / писанными бо твоими вся учиши /
веровати в Троицу, во Едином Божествѣ.

Канон праздника и святаго, глас 8,

Егоже краегранесие: Радуйся, Феофане, Вышенский
подвижникче.

Пѣснь 1

Ирмос: Воду прошѣд, яко сушу, / и египетскаго зла из-
бежав, / израильтянин вопияше: / Избавителю и Богу на-
шему поим.

Радостно приносяще хваление, / смиренно к тебе при-
падающе, просим: / прими недостойное моление наше,
святителю отче Феофане.

Ангеле земный и человеце Божий, / в затворе Вышен-
ския обители пребывая, / непрестанно моляся ко Госпо-
ду, изъяснял еси людем путь ко спасению.

Днесь сошедшеся, вернии, / восхвалим пѣснями и
пѣньми духовными / святителя Феофана, нашего присна-
го к Богу молитвенника.

Богородичен: Утверди нас, Мати Божия, / в вере Сыну
и Богу Твоему, / дивно прославляющему угонники Своя
и други их нарицающему.

Пѣснь 3

Ирмос: Небеснаго круга / Верхотворче, Господи, / и
Церкве Зиждителю, / Ты мене утверди в любви Твоей, /
желаний краю, верных утверждение, / единое Челове-
колюбче.

Имя твоё, святителю Феофáne, / яко миро, зéмлю нáшу облагоухá, / услаждающе сердца вёрных, призы- вающе всéх к духовней рáдости и спасéнию.

Святче Бóжий, угóднице Христóв Феофáne, / прízри на нéмоци нáша и исцели дýши нáша, / страстьми прísно обуреваемыя.

Яко пчелá трудолюбíвая, / с лýга духовнаго мéд писá- ний отéческих нáм предлагаéши, святителю, / во спасé- ние с молитвою к тебé притекающих.

Богорóдичен: Феофáne святителю, прииди, стáни с нáми, / да прослáвим вкúпе Пресвятую Дéву, / Христа Бóга рóждшую.

Седáлен, глáс 8

Житиé твоё слáвно бýсть и успéние со святými, / святче Бóжий Феофáne, / ныне же у престóла Всевышня- го предсто́й, / моли́ся о нáс, всеблаженне, / да спасёт Го- спóдь дýши нáша.

Слáва, и ныне, прáздника.

Пéснь 4

Ирмóс: Ты́ моя́ Крéпость, Гóсподи, / Ты́ моя́ и сíла, / Ты́ мой Бóг, Ты́ моё рáдование, / не оста́вь нéдра Отча / и нáшу нищету́ посетив. / Тём с прорóком Авваку́мом зовú Ты́: / сíле Твоей сла́ва, Человеколю́бче.

Феофáne святителю, рáзум тво́й мýдре Христú ввэрил еси́, / Цáрствия Вéчнаго сподóбися, / моли́ ныне вся́ Пре- мýдростию Сотворшаго, да спасёт дýши нáша.

Егóже возлюбил еси́, Егóже Едíнаго возжелéл еси́, / Егóже рáди в затворе подвизáлся еси́, / моли́ ныне, да спасёт дýши нáша.

Образ бýл еси́ богодáнней пáстве твоей, / слóвом, жи- тиём, любóвию, дýхом, véрою и чистото́ю. / Сегó рáди ты́ яко́ истиннаго пáстыря почитáем, Феофáne, óтче нáш.

Богородичен: Феофáne богомúдре, / моли́ся о на́с ко Пресвяте́й Влады́чице Богородице, / да Свои́м всеси́льным предста́тельством умоли́т Христа́ спасти́ ду́ши на́ша.

Пéснь 5

Ирмо́с: Вску́ю мя́ отрину́л еси́ / от лица́ Твоего́, Свéте Незаходимый, / и покры́ла мя́ е́сть чужда́я тьма́, окаяннаго, / но обрати́ мя́ и к свéту за́поведей Твои́х / пути́ моя́ напра́ви, молю́ся.

А́нгели на Небеси́ ра́дуются, / челове́цы на земли́ духо́вно торжествуют, / па́мять соверша́юще святителя́ Феофа́на, дивнаго о все́х на́с моли́твенника.

Научи́ на́с, блаже́нне Феофáne, / ве́дети Христа́, Свéта И́стиннаго, / просвеща́ющаго всякаго челове́ка, грядúщаго в ми́р.

Его́же вои́нства Небéсная сла́вят, / в жити́и своéм непрестáнно прославля́л еси́, / научи́ и на́с, святче Бо́жий, добродéтелями Го́спода сла́вити.

Богородичен: Вы́шшую Небéс и чи́стшую свéтлостей со́лнечных, / избáвльшую на́с от кля́твы, / Влады́чицу ми́ра пéсньми почти́м.

Пéснь 6

Ирмо́с: Очи́сти мя́, Спа́се, / мно́га бо беззакóния моя́, / и из глубины́ зóл возведи́, молю́ся, / к Тебе́ бо возопи́х, и услы́ши мя́, / Бо́же спасéния моего́.

Шéл еси́ тéсным путéм ко спасéнию, / крóткий Крóткому взыва́я непрестáнно: / мне́ прилепля́тися Бо́гови блага́ е́сть.

И́стины Христо́вы вожде́лев, / скóрби и оби́ды радостно терпéл еси́, помышля́я непрестáнно, / я́коже венéц без побéды, та́кожде побéда без по́двига не бывáет.

Не забуди́ на́с, ча́д твои́х, óтче Феофáne, / в дому́ Отца́ Небéснаго пребывáя, / и сподóби моли́твами твои́ми в Чертóг Го́спода Сла́вы вни́ти.

Сла́ву и вся́ сокрови́ща ми́ра презре́л еси́, / неукло́нно шеству́я к Го́рнему ми́ру, / и ны́не ра́достью а́нгельскою ра́дуешися, о́тче на́ш, святите́лю Феофа́не.

Богоро́дичен: **Кто́ Тебе́ не ублажи́т, Пресвята́я Де́во? / Кто́ ли не воспоёт Твоего́ Пречи́стаго Рожде́ства? / Моли́, Чи́стая, Всеблаже́нная, Сы́на Твоего́ и Бо́га поми́ловати-ся душа́м на́шим.**

Конда́к, гла́с 4:

Богоявле́нию тезоимени́тый, святите́лю Феофа́не, / уче́ными твои́ми мно́ги лю́ди просвети́л еси́, / со А́нгелы ны́не предсто́я престόлу Святы́я Трои́цы, / моли́ не-преста́нно о́ все́х на́с.

И́кос:

Я́коже явле́ние Божество́нных дарова́ний вои́стинну показале́ся еси́ земли́ Росси́стей, / святите́лю Феофа́не, па́стырю до́брый ста́да Христо́ва, / вразумля́я жити́ем, сло́вом и писа́нием наставля́я. / И ны́не престόлу Пре-святы́я Трои́цы предсто́я, / со дерзнове́нием воздева́я преподо́бней ру́це твои́, / моли́ непра́нно о́ все́х на́с.

Пе́снь 7

Ирмо́с: **Бо́жия снизхожде́ния / о́гнь устыде́ся в Вави-ло́не иногда́. / Сего́ ра́ди о́троцы в пе́щи ра́дованною ного́ю, / я́ко во цветни́це, ликую́ще, пояху: / благослове́н еси́, Бо́же оте́ц на́ших.**

Крестный́ пу́ть Подвигополо́жника Христа́ ви́ну пре́д собо́ю име́я, / путе́м те́сным, веду́щим в жи́знь ве́чную, шеству́вал еси́, блаже́нне, взыва́я непра́нно: / благо-словен Бо́г оте́ц на́ших.

Или́и Фесви́тянину ре́вностью подража́л еси́, святите́-лю Феофа́не, / любо́вию Божество́нною се́рдце твоё рас-пала́я, в терпéнии ду́шу твою́ стяжа́л еси́, вопия́: / благослове́н Бо́г оте́ц на́ших.

Истины божественныя ревностный проповедниче, / мудростию словес твоих и учений, отче Феофáne, наставляеми, купно с тобою поем ныне: / благословен Бог отец наших.

Богородичен: Подаждь утешение рабom Твоим, Богородительнице Марие, / да вопием с Тобю к Сыну Твоему и Спасу нашему: / благословен Бог отец наших.

Песнь 8

Ирмос: Седмерицею пещь / халдейский мучитель / богочестивым неистовно разжже, / силою же лучшею спасены сия виде, / Творцу и Избавителю вопияше: / отроцы, благословите, / священницы, воспойте, / людие, перевозносите во вся веки.

Отроцы, благословите, священницы, воспойте, / людие, перевозносите Христа во веки, / совершающе велие торжество прославления угодника Божия, святителя Феофана.

Достойно воспевати Божию Славу научил еси всех, проповедниче благочестия Феофáne, / и нас, ныне с верою пришедших к тебе, сему научи, / да славится имя Божие во веки.

Веры твердый поборниче, благочестия мудрый проповедниче, / Православия изрядный богослове, Феофáne, Вышенский затворниче, / сподоби нас, недостойных, в радости духовней воспевати Господа, перевозносимаго во вся веки.

Богородичен: Исцелений струи всегда верным подаеши, Мати Божия, / исцели души наша, молитв ради угодника Божия Феофана, / да славим Рождество Твое, Пречистая, и перевозносим во вся веки.

Песнь 9

Ирмос: Ужасеся о сем Небо, / и земли удивившася концы, / яко Бог явися человеком плотски, / и чрево Твое

бысть пространнейшее Небес: / тем Тя, Богородицу, / Ангелов и человек чиновачалия величают.

Жизни вечныя сподобился еси, святителю, / буди ходатай и молитвенник теплый о нас к Богу, / верою память твою священную празднующих.

Новый воистинну чудотворец явился еси, Феофане богомудре, / яко целитель премилостивый и врач безмездный душ и телес всех с верою к тебе притекающих, / милуя и утешая и щедроты твоя преизобильно изливая.

Истинно явился еси молитвенник теплый о нас к Богу, / испроси, отче, у Творца всяческих, / прегрешений оставление всем с верою и любовью тя величающим.

Человече Божий, верный друже Христов, / прими милостивно моления наша и принеси я ко Престолу Славы Господа, / Крещением Своим иорданския струи освятившаго.

Богородичен: Егже воинства Небесная славят, / Егже во чреве носила еси, Богомати Пречистая, / моли ущедрити и спасти души наша.

Светилен:

Светильника, свше просвещаемаго, / Светом Божественным осияема, / святителя Феофана, радуящеся, псньми почтим.

На хвалитех стихиры, глас 7:

Возсия нам богоугодное житие твое, / святителю отче Феофане, / Вышенский затворниче, / все плотское мудрование духу повинул еси, / молися о нас, / совершающих священную память твою, / да спасет Господь души наша.

Подвигов иноческих и воздержания зеркало, / любве же и смирения сокровище неистощимое явился еси, отче Феофане, / темже чтущу память твою, / венчавшаго ты Христа прославляем, / Егже усердно моли, / да спасет души наша.

Человѣче Божий / и вѣрный угѳднице Христѳв, Фео-
фане, / безмѳлвия рачителю, / и едѳн Едѳному Бѳгу со-
бесѳднице, / помянѳ нас, чтѳщих святѳю пѳмь твою, /
и принесѳ тѳплыя твоѳ молѳтвы ко Господу, / да спасѳт
дѳши нѳша.

Слѳва, глѳс тѳйже:

Благочѳстия мѳдрый проповѳднице, / Правослѳвия
изрядный богослѳве, / изъяснѳл есѳ людем тѳйны жѳзни
духовныя, / и тѳко мнѳгия к вѳре в Трѳедѳнаго Бѳга
привѳл есѳ, / тѳмже чтѳще святѳю пѳмь твою, / бого-
носне ѳтче Феофане, / кѳпно с тобѳю взывѳем: / Трѳице
Святѳя, Бѳже нѳш, Слѳва Тебѳ.

И ныне, прѳздника.

Славослѳвие великое.

НА ЛИТУРГѳИ

Слѳжба прѳздника и святѳительская.



Ме́сяца ианнуа́рия в 24-й де́нь

СЛУ́ЖБА

**святѣй блаже́нной Ксе́нии
Петербу́ржстей, Христа́ ра́ди юро́дивей**

НА ВЕЛІ́ЦЕЙ ВЕЧѢ́РНИ

На Го́споди, воззва́х: стихи́ры, гла́с 8:

Подобе́н: О пресла́внаго чудесе́:

**Блаже́нная Ксе́ние богому́драя, / чи́стая тво́я душа́, /
право́рным смы́слом сия́ющи / и облиста́ющи добро́-
де́телей све́тлостью, / оза́ряет ве́рных исполне́ние, / бе-
совску́ю тьму́ отгоня́ющи. / Те́мже ты́, я́ко прича́стницу /
невече́рняя благода́ти, / ублажа́ем благоче́стно вси́, до-
стоучу́дная.**

**Блаже́нная ма́ти, / основа́ние положи́вши добродете́-
ли, / дре́вняго челове́ка с похоты́ми совлѣкши́ся, / во
Христа́ облекла́ся еси́ вои́стинну. / Те́м же и победи́ла
еси́ / мно́гая вра́жия ополче́ния, / наста́вница была́ еси́
мно́гим лю́дем / гра́да свята́го Петра́, / Ксе́ние досто-
хва́льная.**

**Богоу́годным жити́ем укрепля́ющися, / стра́сти плот-
скія́ / от ду́ши отгна́ла еси́, / уго́днице Христо́ва, / те́мже
к божѣ́ственной жи́зни предста́вилася еси́ / и с ли́ки пра́-
ведных водворя́ешися. / Сего́ ра́ди почита́ем ты́ священ-
ными пе́снями / и ра́достно восхваля́ем, / Ксе́ние всебла-
же́нная.**

Сла́ва, гла́с 6:

**Кто́ не удиви́тся, / кто́ не просла́вит, / кто́ не воспоёт
во Христе́ му́дрое и пресла́вное жити́е твоё, / ма́ти Ксе́-**

ние, / яко и по святѣм преставлѣнии твоѣм / подаѣши притекающим верою врачевание богатное. / Тѣмже воспѣваем Благодателя Бѣга, / явившаго тя, блаженную, / ко исцелѣнию душ и телес наших.

И ныне, Догматик:

Вход. Прокимен дне.

И чтѣния трѣ преподѣбническая.

На литий стихирѣ, глас 4:

Дал еси образ терпѣния и мужества, / Преблагий Господи, / праведную Ксѣнию, многая чудеса источающую, / словесы и дѣлы сияющую, / незлобием и кротостию украшенну. / Тѣм Твое неизреченное смотрѣние славим, / Иисусе Всесильне, / Спасе душ наших.

Исцеляти страсти души и тела / дар от Бѣга истинно приѣмши, / блаженная Ксѣние, / преестественно исцеляеши вся, / не человеческими врачевани, / но божественными дарованьи.

Отвергнуши мирскую суету, / любовью Христовою связася, Ксѣние блаженная, / постническая труды и лишения претерпѣла еси, / укрепляема силою от Дѣвы Возсиявшаго. / Тѣмже ныне водворяешися, идеже праведных селѣния.

Слава, глас тойже:

Воздержанием житие твое украсившая / и уды умертвившая, / победила еси вражия прилоги, блаженная. / Тѣмже со всеми святыми славим / и торжествуем священную память твою, / просяще обрести молитвами твоими велию милость.

И ныне, глас тойже:

Свеще неугасимая, / Престоле Господень, / Пречистая Владычице, / моли спастися душам нашим.

На стихóвне стихíры, глас 6:

Подóбен: Триднёвен:

Житиé твоé, я́ко со́лнце, / сердца́ вёрных озари́ / и мно́гия к покая́нию приведе́, / те́мже и на́с свéтом не-вечéрним просвети́, / Ксéние свята́я, / всечестну́ю твою́ па́мьять почита́ющих.

Сти́х: Пра́ведницы во ве́ки живу́т, / и в Го́споде мзда́ их.

Досто́йне хвали́ма еси́ на земли́, / цели́тельница неду́жных, богоблаже́нная Ксéние, / я́ко и по кончи́не твоéй усéрдно к тебе́ прибега́ющая / от недуѓ свобожда́еши. / Те́мже непреста́нно моли́ / спасти́ся душа́м на́шим.

Сти́х: Наде́ющиеся На́нь разуме́ют и́стину, / и вёрнии в любви́ пребу́дут Ему́.

Немо́щна су́щи, сла́вная, / си́лою Бо́жиею ко́зни вра́жия победи́ла еси́, / страна́ну проходя́щи жи́знь / и стра́сти телéсныя умертви́вши, / ны́не на Небесéх живе́ши, / иде́же обрела́ еси́ и́стинное жили́ще, Ксéние богому́драя.

Сла́ва, глас 4:

Ангельское житиé на земли́ яви́ла еси́, / Ксéние всеблаже́нная, / исто́чнице умилéния, мило́сти течéние, / пучи́но чудéс, струé исцелéний, / ма́слино Бо́жия вои́стинну плодови́та, / елее́м трудо́в твои́х просвеща́ющая вёрно хва́лящих тя́. / Моли́ Человеколю́бца от бéd изба́вити / любóвию чту́щих всечестну́ю па́мьять твою́.

И ны́не, глас то́йже:

Тéплое заступлéние су́щим в беда́х и Помо́щницу на́шу, / Ёю́же от тли́ изба́вихомся, / Богоро́дицу, вёрнии, всеусéрдно ублажа́ем.

Тропа́рь, глас 7:

Нищету́ Христо́ву возлюбивши, / безсме́ртныя трапе́зы ны́не наслажда́еши, / безу́мием мни́мым безу́мие ми́ра обличивши, / смире́нием крестным си́лу Бо́жию восприя́ла еси́, / сего́ ра́ди дар чудодéйственныя по́мощи

стяжавшая, / Ксэние блаженная, / моли Христа Бога / избавитися нам от всякаго зла покаянием.

Слава, и ныне, Богородичен.

НА УТРЕНИ

На Бог Господь: тропарь святых дважды.

Слава, и ныне, Богородичен.

По 1-м стихословии седален, глас 3:

Мирскую красоту оставила еси, / преневши богатство
во тлеющее на непреходящее, святая Ксэние. / Темже со
всеми святыми славим / и торжествуем священную па-
мять твою, / просяще обрести молитвами твоими, бла-
женная, велию милость.

Слава, и ныне, Богородичен:

Недомысленно и непостижимо есть, Владычице Бого-
радованная, / еже соделанное о Тебе страшное Божие
таинство, / яко Необыкновенного зачэнши, родила еси, /
плотью обложена от Пречистых Кровей Твоих. / Егоже,
Благодатная, яко Сына Твоего и Бога, моли / спастися
душам нашим.

По 2-м стихословии седален, глас 5:

Воздержанием житие твое украсивши и плоть Духу
покоривши, / победила еси вражия прилоги, / во смире-
нии же и пощении Бога взыскавши, богоблаженная.

Слава, и ныне, Богородичен:

Молитвы рабы Твоей Ксэнии прими, Богородице, / и
избави нас от всяких бед, / яко родила еси Христа Спаса,
Избавителя душ наших.

Величание:

Величаем тя, / святая блаженная мати Ксэние, / и
чтим святую память твою, / ты бо молиши за нас /
Христа Бога нашего.

Псалом избранный: Терпя, потерпех Господа:

По полиелее седален, глас 4:

Чудна явилася еси в терпении твоём, / всячески Христу угодила еси, всеблаженная Ксение, / мудрою мыслию утвердивши душу твою / и покоривши Духу плотская мудрования, / избрала еси добрая, еже Богу работати. / Сего ради Христос дарует благодать и милость молитвами твоими / чтущим любовь святую память твою.

Слава, и ныне, Богородичен:

Обуревают мя волны греховныя / и возмущение безместных помышлений, / умилосердися, Всенепорочная, / и руку ми помощи, яко Милостива, простри, / да, спасся, величаю Тя.

Таже степенна, 1-й антифон 4-го гласа:

Прокимен, глас 4: Проповедницы во веки живут, / и в Господе мзда их. **Стих:** Надлежащие Нань разумеют истину, и вернии в любви пребудут Ему. Всякое дыхание:

Евангелие от Матфея, зачало 43.

По 50-м псалме стихира, глас 6:

Житие твоё, яко солнце, / сердца верных озари, / и многия к покаянию приведи. / Темже и нас светом не вечерним просвети, матери Ксение, / всечестную память твою почитающих.

Канон святых, глас 8.

Песнь 1

Ирмос: Воду прошед, яко сушу, / и египетскаго зла избежав, / израильтянин вопиаше: / Избавителю и Богу нашему поим.

Водю крещения омывшись, / первою греха избавилася еси, матери Ксение, / и наша сердца слезами по-

кайнія очисти, / просвещёние подаючи почитающим святую память твою.

В водё крещёния змья лукава потопившая, / житиём твоим страдальческим вражью силу умервила еси, блаженная, / от неяже и нам избавитися Спаса умоли.

Слава: Воду живую неистощимых даров / подаде тебе Христос, блаженная мати, / Егоже нищету вольно возлюбила еси.

И ныне: Воды покаяния подаждь ми, Пречистая, / и, очистивши мя от нечистоты греховных, / чиста представи, Богородительнице, Сыну Твоему и Богу.

Песнь 3

Ирмос: Небеснаго круга / Верхотворче, Господи, / и Церкви Зиждителю, / Ты мене утверди в любви Твоей, / желаний краю, верных утверждение, / Единое Человечество.

Небеснаго круга Зиждителю все житие твое отдавши, / возлюбила еси Того до конца, / сподоби и нас молитвами твоими, блаженная, / любите Господа до конца дней наших.

Небесныя жизни желая, / в житии твоём вся земная пренебрегла еси, / сподоби и нас, мати Ксение, / молитвами твоими Небесныя жизни достигнути.

Слава: Небеснаго чертога желая, / странническое житие прешла еси / и ныне со всеми святыми в Небесных чертозах ликуеши.

И ныне: Небеснаго Творца, Богородице Всепетая, рождши, / Небес пространнейшая явилася еси. / Нам от пространнаго пути погибельна уклоньши, / на Небесный путь насташи, молюся.

Седален, глас 5:

Яко странница во граде святого Петра явилася еси, / благоволением Божиим укрепляема, мати премудрая, /

Божественных даров и чудес удостоившаяся. / Тémже, имúщи дерзновéние ко Христú Бóгу, / мír испросí душáм нашим и вéлию мíлость.

Слáва, и ны́не, Богорóдичен:

Мáти Пречíстая, Граде Бóжий, / избáви лю́ди Твоя́ от бéd / и по́мощь пода́ждь протíвитися врагóм гóрдým, да вопиéм Тí: / ра́дуйся, Благословéнная.

Песнь 4

Ирмо́с: Услы́шах, Гóсподи, / смотре́ния Твоегó та́инство, / разумéх дела́ Твоя́ / и прослáвих Твое́ Божество́.

Услы́шавши, Ксéние, я́ко Небеса́ пове́дают сла́ву Бóжию, / отве́ргла еси́ суету́ мирску́ю / и в по́двиге поста́ и лишéния на земл́и Бóга сла́вити возжелáла еси́, / Егóже сла́вити и на́с сподóби.

Услы́шавши и уразумéвши дела́ Господня́, / прослáвила еси́ Егó Божество́, / наде́ждею и любóвию к Немú украсíвши дúшу твою́, / по́двиги просветíлася еси́, блаже́нная, Бóжиею сýлою укрепля́ема.

Слáва: Услы́шавши прещéния вра́жеская и вся́кия кóзни от н́их терпя́щи, / непоколеб́има пребыла́ еси́, / и на́с непоколеб́имых в добродéтелях утверди́.

И ны́не: Услы́ши, Пречíстая Влады́чице, моле́ния на́ша, / и избáви на́с от наси́лия вра́жия, / и глас Христóв, призывáющий благословéнные в Цáрство, услы́шати сподóби.

Песнь 5

Ирмо́с: Просветí на́с повелéнии Тво́ими, Гóсподи, / и мýщицею Твоею́ вы́сокою / Тво́й мír пода́ждь на́м, Человеколю́бче.

Просвещáхуся вéрнии лю́дие, / зря́ще незло́бие и крóтость твою́, мáти Ксéние, / помози́ и на́м, блаже́нная, подража́ти твоему́ незло́бию.

Просветівши стезю́ жи́зни твоея́ свѣтом богоразу́-
мля, / Христа́ Го́спода вседу́шне возлюби́ла еси́, / сподо́-
би и ны́, блаже́нная Ксе́ние, в се́м бы́ти тебѣ подража́те-
ли.

Сла́ва: Просвети́ нас, о ма́ти Ксе́ние, наде́ждею и лю-
бо́вию ко Го́споду, / ны́не бо зря́щи Христа́ лице́м к лицу́,
свѣта неизрече́ннаго наслажда́ешься, / Тому́ за ны́ мо-
ли́ся.

И ны́не: Просвети́ла еси́ омраче́нное естество́, Богоро́-
дице, / Свѣт Исти́нный ро́ждши, / те́мже и нас Свѣтом
просвети́ши, от мра́чных враг свободи́.

Песнь 6

Ирмо́с: Моли́тву пролию́ ко Го́споду / и Тому́ возведу́
печа́ли моя́, / я́ко зѡл душа́ моя́ испо́лнися, / и живо́т мой
а́ду прибли́жися, / и молю́ся, я́ко Ио́на: / от тли́, Бо́же,
возведи́ мя.

Моли́тву, я́ко исто́чник приснотеку́щий, ны́не излива́-
еши, / неду́жныя исцеля́ющи, кре́пость и си́лу стра́ждущим
подаю́щи, / сподо́би и нас моли́твами твои́ми изба́-
витися от вся́ких лю́тых.

Моли́твою Небе́сною и по кончи́не твое́й от неду́г
свобождáеши, / целите́льнице безме́здная, досто́йно хва-
ли́ма еси́ на земли́, / моли́ся о душа́х на́ших.

Сла́ва: Моли́тву на́шу приими́, ма́ти Ксе́ние, / да в
честны́й хра́м твой при́дем со тща́нием / и неду́гов
душе́вных и страсте́й теле́сных исцелѣ́ние ско́ро при́емем.

И ны́не: Моли́твою Твое́ю всемо́щною, Пречи́стая, /
изба́ви нас от враг ви́димых и неви́димых, от грехо́в и
вся́кия му́ки, / я́ко ро́ждшая Человеколю́бца Бо́га.

Конда́к, гла́с 3:

Дне́сь свѣтло лику́ет гра́д свята́го Петра́, / я́ко мно́-
жество скорбя́щих обрета́ют утеше́ние, / на тво́я моли́твы

надéющеся, / Ксéние всеблажéнная, / ты́ бо еси́ гра́ду сему́ похвалó и утверждéние.

И́кос:

Кáко возмогу́, грéшный аз, сквёрный душею́ и тéлом, / повéдати ёже во плóти равноáнгельное житиé твоё и пресла́вная чудеса́? / А́ще у́бо мно́зи премудри́и не дерза́ют исповéдати / мно́гаго твоего́ терпéния и смире́ния и тёпल्या ко Христу́ любвё, / но обáче надéяся на твоё заступлéние, о блажéнная, вопи́ю т́и: / Ра́дуйся, я́ко вездé призывáющих ты́ скóро предваря́еши; / ра́дуйся, я́ко мно́жество скорбя́щих обрета́ют тобою́ утешéние. / Ра́дуйся, святáя блажéнная ма́ти Ксéние, гра́ду сему́ похвалó и утверждéние.

Песнь 7

Ирмо́с: О́троцы еврейсти́и в пещи́ / попра́ша пла́мень дерзнове́нно / и на рóсу о́гнь прелож́иша, вопи́юще: / благословéн еси́, Го́споди Бо́же, во ве́ки.

О́троки еврейски́я А́нгел от огня́ неопáльны сохрани́ / и тебе́, Ксéние, в странничестем жити́и укрепи́, пою́щу: / благословéн еси́, Го́споди Бо́же, во ве́ки.

Де́тем ева́нгельски подража́ла еси́ в жити́и твоём, стезю́ тэсную́ проше́дши в незло́бии, / те́мже и на́с на по́двиг добродéтели сея́ укрепи́, пою́щих: / благословéн еси́, Го́споди Бо́же, во ве́ки.

Сла́ва: О́троком в пещи́ халде́йстей подража́юще, Ксéние, воспева́ла еси́ Христа́, да́вшего т́и крéпость, те́мже и мы́, чту́ще ты́, блажéнная, со дерзнове́нием зове́м: / благословéн еси́, Го́споди Бо́же, во ве́ки.

И ны́не: О́трокови́це Де́во, простри́ на на́с ми́лость Сы́на Твоего́, / да кромéшныя тьмы́ изба́вимся мольба́ми Твои́ми, пою́ще: / благословéн еси́, Го́споди Бо́же, во ве́ки.

Песнь 8

Ирмос: Победители мучителя и пламене / благодатию Твоею бывше, / заповедем Твоим zelo прилежаще, отроцы вопияху: / благословите, вся дела Господня, Господа.

Победительница страстей явилася еси, Ксение, / люта я искушения вражия побеждаючи и непрестанно поющи: / благословите, вся дела Господня, Господа.

Побеждаючи всякия страсти греховныя, ты, блаженная, яко светлая звезда явилася еси, / приводиши бо жены, падшия во грехи, во еже целомудренно жити и в покаянии воспевати: / благословите, вся дела Господня, Господа.

Слава: Победительница греха явилася еси, блаженная мати, благодать Вышняго имущи. / Темже Небесная достигла еси, идеже ныне со Ангелы поеши: / благословите, вся дела Господня, Господа.

И ныне: Победе во бранех духовных верным пособствуеши, Пресвятая Дево, / темже и людем града нашего помощь Твою низпосли, да Тя выну поем: / благословите, вся дела Господня, Господа.

Песнь 9

Ирмос: Воистинну Богородицу / Тя исповедуем, / спасеннии Тобою, Дево Чистая, / с безплотными лики Тя величающе.

Воистинну разум Христов имела еси, Ксение, / смирение, кротость, веру несумненну, надежду и любовь, яже к Богу, / и нас сего сподоби, да с тобою Христа присно величаем.

Воистинну на тебе, Ксение блаженная, исполнися Христово проречение: / претерпевый до конца, той спасен будет, / ныне бо со всеми спасенными Христа присно величаеши.

Сла́ва: Вои́стинну ни́ктоже, притека́яй к тебѣ, блаже́нная ма́ти, / то́щь благода́ти Бо́жия отхо́дит, / ея́же и на́с испо́лни, да ты́ велича́ем.

И ны́не: Вои́стинну Богоро́дицу Тя́, Де́во и Ма́ти Сло́ва, / Хода́таицу Су́щую на́м, Со́лнце Пра́вды возсия́вшую, / ве́рнии, единому́дренно пе́сньми велича́ем.

Свети́лен:

Якоже со́лнце светоно́сно, возсия́ ны́не, блаже́нная ма́ти, па́мять тво́я, / вся́ ве́рныя веселя́щи, и́же моли́твенно взыва́ют ти́: / моли́ся приле́жно спасти́ся на́м.

Богоро́дичен:

Держа́вным Твои́м покрóвом, Пречи́стая, / на́с, рабо́в Твои́х, от наве́тов вра́жиих сохра́няй всегда́ невреди́мых, / Ты́ бо еди́ну стяжа́хом наде́жду и утвержде́ние.

На хвали́тех стихи́ры, гла́с 2:

Неисчерпа́ема е́сть благода́ть, ю́же от Христа́ прия́ла еси́, блаже́нная, / те́мже и мо́щи тво́я Божество́нною си́лою непреста́нно де́йствуют чудесы́, / к ни́мже притека́ющей и и́мя твоё с ве́рою призыва́ющей / от неисце́льных боле́зней исцеля́ются. / Ея́же моли́твами, Го́споди, / и на́с душе́вных и телесных страсте́й свободи́, яко́ Человеколю́бец.

В по́двизех стра́нствия твоего́ / привле́клá еси́ мно́гия ду́ши ко спасе́нию, / сего́ ра́ди Христо́с, на́с ра́ди стра́нствовавый / и не имы́й гдѣ главу́ приклони́ти, / зна́меньми и чудесы́ пресла́вными и́стинно ты́ украси́, / стра́ннице блаже́нная.

Добродете́ли тво́я, богому́драя Ксе́ние, / к ве́ре обра́ща́ют сердца́. / Кто́ бо, слы́ша безме́рное твоё смире́ние и терпе́ние, не удиви́тся? / Ещѣ́ же ко все́м крото́сть и незло́бие, / скорба́щим ми́лование и су́щим в беда́х ско́рое помо́жение, / пла́вающим немяте́жное приста́нище /

и путешествуящим благое поспешение, / вся боголепно
предваряеши, досточудная, / и ныне неувядаемым ве-
нцем увенчана еси от руки Вседержителя Бога, / Егоже
моли спастися душам нашим.

Слава, глас 8:

Днесь град святого Петра просвещается, матери Ксение,
твоими зарями, / и святой храм Божия Матере Смолен-
ския, цветы украшаемь, / вопиет ти, угоднице Христо-
ва: / не престаи молиться о всех, / празднующих любо-
вию святыю память твою.

И ныне, глас тойже:

Владычице, прими молитвы раб Твоих, / и избави
нас / от всякия нужды и печали.

Славословие великое.

НА ЛИТУРГИИ

Прокимен, глас 7: Честна пред Господом / смерть пре-
подобных Его. **Стих:** Что воздам Господеву о всех, яже
воздаде ми? **Апостол к Галатам, зачало 213.** **Аллилуия,**
глас 6: Блажен муж, бояйся Господа, в заповедех Его
восхощет зело. **Стих:** Сильно на земли будет семя его.
Евангелие от Луки, зачало 24. **Причастен:** В память
вечную будет праведник:

АКАФИСТ

святей блаженной Ксении Петербуржстей

Кондак 1

Избранная угодница Христова, святая блаженная
Ксения, хвалебное пение ти приносим, чтуще терпение
твое и злострадание вольное; ты же имеющи дерзновение
ко Господу, во всяких бедах и напастех заступай нас,

грѣшных, взывающих к тебе: Радуйся, Ксэние блажен-
ная, моли́твеннице о душа́х на́ших.

И́кос 1

Равноа́нгельски на землі пожила еси́, блаже́нная ма́ти, по успе́нии му́жа твоего́, без приуготовле́ния хрис-
тиа́нскаго вnezáпу сконча́вшася, отвѣргла еси́ жи́знь
мирскую́, Бо́га моля́щи супру́га твоего́ ду́шу поми́ловати,
по́двиг юро́дства на себе́ прия́вши, стяжа́ла еси́ совер-
ше́нство духо́вное. Того́ ра́ди услы́ши от нас похвалы́ сия́,
тебе́ возно́симыя: Радуйся, Христо́ва уго́днице, в ми́ре
надми́рно поживша́я; радуйся, все́ прило́ги ми́ра, плоти́
и диа́вола победивша́я. Радуйся, нищету́ во́льную на всю́
жи́знь избра́вша́я; радуйся, сокрови́ще безце́нное на Не-
беси́ улучивша́я. Радуйся, печа́ли и ско́рби безро́потно
сносивша́я; радуйся, наро́дом правосла́вным любима́я и
сла́вимая. Радуйся, о часе́ сме́ртнем по́мнити нас призы-
ва́ющая; радуйся, бли́жняго ду́шу па́че ми́ра сегó любíti
науча́ющая. Радуйся, Ксэ́ние блаже́нная, моли́твеннице о
душа́х на́ших.

Конда́к 2

Видяще странное твоё жити́е, блаже́нная, яко́ ты во
цвѣте мла́дости твоея́ во оде́жду му́жа твоего́ усóпшаго об-
лекла́ся, и́менем его́ нарекла́ся и себе́ умѣршею глаго́лала
еси́, до́м же тво́й и все́ блага́ земна́я оста́вивши, скита́ли-
цею себе́ сотвори́ла еси́, срóдницы безу́мною ты́ мня́ху,
лю́ди же боголюбивии воспѣша: Аллилу́иа.

И́кос 2

Разум, от Бо́га дарова́нный, сокры́ла еси́, блаже́нная
Ксэ́ние, во безу́мии мнимо́м; в суете́ гра́да вели́каго а́ки
пусты́нница жи́ла еси́, моли́твы к Бо́гу возно́сящи не-
преста́нно. Мы́ же, дивя́щеся жити́ю твоему́, воспева́ем
си́це: Радуйся, от Бо́га крѣст тяжкий юро́дства на ра́ме
сво́й прия́вша́я; радуйся, мнимо́м безу́мием сия́ние бла-

годати сокрывшая. Радуйся, именем мужеским нарекши-
ся, немощи женския отрешившаяся; радуйся, житием
твоим Андрее, Христа ради юродивому, равная. Радуйся,
все имение твое бедным людям раздавшая; радуйся, жи-
лище Духу Святому в сердце твоём уготовившая. Радуйся,
всех прибегающих к тебе благое утешение; радуйся, от
смерти внезапныя избавление. Радуйся, Ксение блажен-
ная, молитвеннице о душах наших.

Кондак 3

Силою, свыше ти дарованною, благодатию и мужест-
вом зной и стужу лютую одолевала еси молитвою, все-
нощно творимою, и поклонами; темже и прославлена
бысть святость твоя, блаженная Ксение, во Отечестве
нашем многострадальнем и во всем мире православноем,
да зовем с тобою Богу: Аллилуия.

Икос 3

Имела еси, о Мати блаженная, небо — покров, землю
же — ложе свое, попечением о теле, во одежду ветхую
облеченном, небрегла еси, молитвы же к Богу пламенно
возносила еси. Сего ради воспеваем ти сице: Радуйся, век
твой земный без крова проведшая; радуйся, Небснаго
крова взыскавшая и того улучившая. Радуйся, по вся вре-
мени года всенощно в поле молившаяся; радуйся, по-
клоны земныя на вся страны света тамо творившая.
Радуйся, град Петров всенощным бдением от бед ограж-
давшая; радуйся, гнев Божий от него многажды от-
вращавшая. Радуйся, благодатию Духа Святаго чудесно
согреваемая; радуйся, хлад лютей душ наших молитвою
твоєю растопляющая. Радуйся, Ксение блаженная, мо-
литвеннице о душах наших.

Кондак 4

Бурю житейскую, на стогнах града твоего мятущуюся,
кротостию и незлобием одолевала еси, мати блаженная;

безстра́стие же посре́ди ми́ра до́льняго стяжа́ла еси́. Ду́хом Святы́м просвеща́емая, взыва́ла еси́ Подате́лю ти́шины́ серде́чныя Бо́гу: Аллилу́ия.

И́кос 4

Слы́шаша лю́дие да́р прозрѣ́ния чу́дный, тобо́у явле́нный, свята́я ма́ти, и диви́шася. Се́, же́не не́коей рекла́ еси́: «Возьми́ пята́к, ту́т ца́рь на коне́... Поту́хнет». Та́ же, не ве́даючи, я́ко ты́ пожа́р до́ма ея́ прозрѣ́ла еси́, притече́ во своя́ си́ и узре́ до́м сво́й, во огни́ горя́щ. И по моли́тве тво́ей пла́мень огня́ угасе́. Лю́дие же стра́ждущи к по́моци тво́ей прибега́ху, ю́же стяжа́вше, взыва́ша ти́ си́це: Ра́дуйся, да́р прозрѣ́ния смире́нием кра́йним стяжа́вшая; ра́дуйся, да́р се́й на по́льзу и спасе́ние стра́ждущих явля́вшая. Ра́дуйся, свеще́ негаси́мая, к Бо́гу в моли́твах горе́вшая; ра́дуйся, ве́рою тво́ею пла́менною пожа́ры до́мов угаша́вшая. Ра́дуйся, гряду́щая страда́ния людская́ а́ки настоя́щая зрѣ́вшая; ра́дуйся, враче́м безме́здным и милосе́рдным лю́дем бы́вшая. Ра́дуйся, я́ко и на́с, немощны́х, в ве́ре укрепля́еши; ра́дуйся, я́ко сия́нием свята́сти тво́ея наро́д правосла́вный озаря́еши. Ра́дуйся, Ксе́ние блаже́нная, моли́твеннице о душа́х на́ших.

Конда́к 5

Боготѣ́чною звездо́ю освети́ла еси́ не́бо — скло́н гра́да Петра́ апо́стола свята́сть тво́я, уго́днице Бо́жия, уже́ бо лю́дям, во безу́мии греха́ погибáющим, яви́ла еси́ пу́ть спасе́ния, к пока́йнию ихъ призы́ваючи, во е́же вопи́ти Бо́гу: Аллилу́ия.

И́кос 5

Ви́дяще по́двиги тво́я моли́твенныя, терпе́ние хла́да и знóя вели́кое, лю́дие осла́бити жела́ху страда́ния тво́я, ты́ же оде́жду и вся́ ими́ приноси́мая ни́щим раздава́ла еси́, нищету́ свою́ а́ки сокрови́ще храня́щи. Сего́ ра́ди слы́шиши от на́с сицевáя: Ра́дуйся, бога́тство тво́е то́кмо в любви́

к Бóгу и блі́жним полага́вшая; ра́дуйся, ничто́же земное имéвшая и всéх духо́вно богатíвшая. Ра́дуйся, мíлостивым тво́им сéрдцем стра́ждущим сострадáвшая; ра́дуйся, по́мощь íм чрéз люде́й до́брых посыла́вшая. Ра́дуйся, мíру чужда́я, в мíре живу́щим добро́ творíвшая; ра́дуйся, ве́ка сего́ суемúдрия отверга́тися научíвшая. Ра́дуйся, пла́кати со пла́чущими на́с подвизáющая; ра́дуйся, от сна́ тяжкаго грехо́внаго пробужда́ющая. Ра́дуйся, Ксе́ние блаже́нная, моли́твеннице о душа́х на́ших.

Конда́к 6

Проповéдана бе́ святость жити́я твоего́, богоблаже́нная, жителем гра́да твоего́, егда́ ты́ о младенце, ещé не ро́ждшемся, забо́ту явила еси́, и женé до́брой, в до́ме, тобо́ю даро́ванном, жив́шей, прорекла́ еси́: «Бóг тебе́ сы́на послáл, теци́ на кладби́ще Смолéнское!» Она́ же поспеши́ла е́сть, и сирóтку, ро́ждённаго у ма́тере, внеза́пу на пу́ти пострада́вшей и сконча́вшейся, в до́м сво́й при́яла е́сть. И вси́, áки семья́ еди́ная, вся́ ле́та жити́я своего́ тебе́ благодаря́ще, Бóгу Человеколю́бцу взывáша: Аллилу́ия.

И́кос 6

Воссия́ла е́сть сла́ва по́двигов твои́х, блаже́нная ма́ти Ксе́ние, егда́ ты́ но́щию на ве́рх хра́ма Смолéнскаго ка́мни, тая́щися, носи́ла еси́, до́му Пречи́стыя возградíтися посóбствующи. Ны́не же вси́ моля́щися во святéм хра́ме сéм и во всéм мíре Бóжием, на о́браз тво́й взира́юще, воспева́ют си́це: Ра́дуйся, к подвиго́м благоче́стия всéх призывáющая; ра́дуйся, та́йно творíти добро́ научáющая. Ра́дуйся, хра́мы Бóжия зи́ждущим помога́ющая; ра́дуйся, святы́ню церко́вную возлюбíвшая. Ра́дуйся, в де́лах бла́гих усéрдное поспешéние; ра́дуйся, трудо́в на́ших на пу́ти спасéния облегчéние. Ра́дуйся, под кро́вом Бóжия Ма́тере по́двиги творíвшая и та́ко почи́вшая; ра́дуйся, с Нею́ ны́не на Небеси́ о на́с Христа́ моля́щая. Ра́дуйся, Ксе́ние блаже́нная, моли́твеннице о душа́х на́ших.

Кондак 7

Хотя судьбы людскія во благая устроити, повелела еси́ дѣве кроткой на Охту тещи, прорѣкши: «Муж твой тамо жену хоронит!» Она же в недоумѣнии бысть, обаче не ослушася глагола твоего, и тамо вдовца младого, над гробом жены рыдавшего, сретила есть и утешение в молитве ему подаде. Году же минувшу, ти венчашуся. В любви и согласии многая лета поживше, чад своих наставляша тебе, святая мати, чтити, Богу же воспеваху пѣснь: Аллилу́ия.

Икос 7

Новое чудо показала еси́, блаженная, посреде скверны людскія юродством сокрытую душу твою в кротости ангельстей соблюдиши. Научи и нас, мати Ксение, и малыя доли скорбей твоих не терпящих и в ропоте на Бога и ближняго дни наша ижедевающих, вся свыше посылаемая в терпении сносить, да, взирающе на подвиги твоя, чистым сердцем зовем ти сице: Радуйся, миру злохладному благодатную мудрость явившая; радуйся, нищеты духовныя блаженство вкусившая. Радуйся, образ терпения и благосердия нам подающая; радуйся, смирением и покаянием от бед избавитися научающая. Радуйся, с молитвою и любовью детей благословлявшая; радуйся, ласкою рук твоих чудесно их исцелявшая. Радуйся, тоску тяжкую, душу сокрушающую, от нас отводящая; радуйся, надеждою несумненною на милость Божию окрыляющая. Радуйся, Ксение блаженная, молитвеннице о душах наших.

Кондак 8

Страницею бездомною протекла еси́ путь скорбный жизни твоея в стольнем граде Отечества нашего, мати всеблаженная, взыскующи Града Вышняго, Иерусалима Небснаго; ныне же в нем со ангелы и всеми святыми поеши Богу: Аллилу́ия.

Икос 8

Вся в моли́твах ко Творцу́ пребыва́ющи, ма́ти свята́я, до успе́ния твоего́ от страда́ний и по́двигов к жи́зни блаже́нней и ве́чной невозбра́нно прешла́ еси́. Сего́ ра́ди, преклоня́юще ко́лена серде́ц на́ших, благоговейное пе́ние ти прино́сим: Ра́дуйся, во оби́телях го́рних с ли́ки свята́х лику́ющая; ра́дуйся, и нас, тебе́ моля́щихся, та́мо не забыва́ющая. Ра́дуйся, чудеса́ неизче́тныя по успе́нии твоём яви́вшая; ра́дуйся, сме́ртно боля́щих, врача́ми оста́вленных, исцеля́вшая. Ра́дуйся, во пьянстве́ гибну́щих устраше́ние и исправле́ние; ра́дуйся, ме́ста служе́ния лиш́ившимся благо́е поспеше́ние. Ра́дуйся, вдови́ц и же́н, супру́гом оста́вленных, покрови́тельнице; ра́дуйся, страна́нников и неприу́тных пита́тельнице. Ра́дуйся, Ксе́ние блаже́нная, моли́твеннице о душа́х на́ших.

Конда́к 9

Вся́кия утоли́ болéзни, блаже́нная ма́ти Ксе́ние, на тя́ наде́ющихся и к по́моци твое́й усер́дно притека́ющих, помина́ющих ду́шу твою́ для души́ свое́я спасе́ния, ка́ко ты́ завеща́ла еси́, Бо́гу же, в тебе́ просла́вленному, вопи́ющих непреста́нно: Аллилу́ия.

Икос 9

Ветя́ суемудренны́я разумéти не мо́гут, ка́ко ты́ безумием сво́им безумие́ ми́ра сего́ обличи́ла еси́ и немо́щию свое́ю си́льныя и кре́пкия посрами́ла еси́, не ве́дают бо в тебе́ си́лы Бо́жия и премудро́сти. Мы́ же, ты́ почита́юще, с любо́вию зове́м ти́ си́це: Ра́дуйся, Божество́ннаго Ду́ха селéние; ра́дуйся, ве́лие к Бо́гу дерзнове́ние. Ра́дуйся, на усыпа́льнице твое́й моля́щимся явля́ющаяся и им помога́ющая; ра́дуйся, земле́ю и елеем от не́я мно́гия освяти́вшая и от недуга́ исцели́вшая. Ра́дуйся, я́ко одержи́мых страстьми́ от ги́бели спаса́еши; ра́дуйся, я́ко отверга́тися себе́ нас науча́еши. Ра́дуйся, любви́ и смире́ния пу́ть во спасе́ние на́м открыва́ющая; ра́дуйся, ду́ши на́ша

к жизни будущаго века готовящая. Радуйся, Ксэние блаженная, моли́твеннице о душа́х наших.

Конда́к 10

Спасти́ лю́ди хотя́щи, блаже́нная ма́ти Ксэ́ние, при́сно да́руеши им заступле́ние твоё чу́дное. Се́, де́ву благоче́стивую, со вдови́цею ма́терью ея́ в кану́н венча́ния у моги́лы твоея́ усер́дно моли́вшуюся, от бра́ка спасла́ еси́ со злоде́ем, и́же ра́тнаго челове́ка уби́, и́мя же и чи́н его́ себё присво́и. В де́нь то́йже убийца́ о́ный внеза́пу обличён бе́ и, у́жасом объя́т, призна́ся всена́родно, я́ко си́ла Бо́жия сироту́ от бра́ка с ни́м изба́ви. Мы́ же, дивя́щеся си́ле моли́тв твои́х спаса́ющих, воспева́ем Бо́гу: Аллилу́ия.

И́кос 10

Стена́ еси́ неруши́мая, преблаже́нная ма́ти, домо́м правосла́вных. Не оста́ви и ны́не супру́ги разделённые, помози́ родите́лем, за грехи́ своя́ о ча́дех слёзы проли́вающим, научи́ юноши и де́вы в чистоте́ себё храни́ти и все́х нас святы́ню у́з семе́йных почита́ти, да еди́ними усты́ воспева́ем ти́ си́це: Радуйся, де́в благоче́стивых от бра́ка неверна́го избавля́ющая; радуйся, спутника́ жизни до́браго им обрести́ помога́ющая. Радуйся, сродников вражду́ющих благо́е примире́ние; радуйся, слез де́тских осуше́ние. Радуйся, от уби́ения младе́нцев во чре́ве жена́м гро́зное преще́ние; радуйся, на ка́мени любви́ и ве́ры домо́в устро́ение. Радуйся, супру́гов, сме́ртию разлуче́нных, огражде́ние; радуйся, в жизни́ бессме́ртней ве́чное их соедине́ние. Радуйся, Ксэ́ние блаже́нная, моли́твеннице о душа́х наших.

Конда́к 11

Пэ́ние благодарственное́ прино́сят ти́, ма́ти блаже́нная, лю́дие правосла́внии, от бе́д и боле́зней моли́твами твои́ми изба́влении. И ны́не, а́ще попу́стит на́м пра́ведный Госпо́дь ско́рби грех́ наших ра́ди, со слеза́ми к тебе́

припадём, уповающе на мѣлостивое твоё о нас к Бѣгу предстательство, да воспоём Ему: Аллилуѣя.

Икос 11

Светозарным лучём, во мѣрце жѣзни сея пѣть ко Свѣту Непрѣступному освещаемым, явѣся житѣе твоё, богомѣдря Ксѣние, и прославлѣние всенарѣдное, чудес мнѣжеством осѣянное. И в годѣну лѣтующу гонѣний безбѣжных вѣрнии от часѣвни твоея не отступѣша, но, презрѣвше и страх смѣртный, с вѣроу и упованѣем к тебѣ прѣтекаху, сѣрдцем воспевамоще сѣце: Радуйся, безнадѣжных надѣяние; радуйся, в бѣдне отчаяния погибамощих спасѣние. Радуйся, униженных и гонѣмых покровѣтельнице; радуйся, от клеветы и суда неправеднаго зашѣтнице. Радуйся, обѣдимых и обездѣленных утешѣние; радуйся, обѣдящих грѣзное вразумлѣние. Радуйся, града свѣтаго Петра Небѣсная заступнице; радуйся, чадом землѣ Россѣйския мѣти и кормѣлице. Радуйся, Ксѣние блаженная, молѣтвеннице о душах наших.

Кондак 12

Благодѣть утешѣний обѣльно изливамощи, блаженная Ксѣние, всѣм чтѣущим памѣть твою и к заступлѣнию твоѣму прѣтекамощим. Тѣмже и мы, грѣшнии, по Бѣзе на тя надѣжду возлагам и мѣлимся тебѣ усѣрдно: не остави нас во обстоянѣих скѣрбных, умоли Господа Сѣл, да не отпадѣм от вѣры нашея правослѣвныя, в нейже тобою утверждаѣми, зовѣм Ему вѣрно: Аллилуѣя.

Икос 12

Поюще мнѣгая твоя чудеса, блаженная мѣти Ксѣние, восхваляѣм тя, яко тѣплую нашу заступницу и скѣрую предстательницу. Улучамоще же от тебѣ помѣощь благодѣтнующу, неустѣнно воспевам сѣце: Радуйся, свѣтом крѣтости твоея вся концы землѣ озарѣвшая; радуйся, житѣем твоѣм пошѣтническим гордыню дѣавольскую по-

срамившая. Радуйся, міра Божия в сердца верных принесение; радуйся, дому царскому поможение и благословение. Радуйся, о спасении Отечества нашего присно молящая; радуйся, во Отечество Небесное нам путь указующая. Радуйся, по Богородице в скорбех и печалех наше утешение; радуйся, по Бозе грехов наших прощение и вечное спасение. Радуйся, Ксении блаженная, молитвеннице о душах наших.

Кондак 13

О святая блаженная мати Ксении, в житий твоём крест тяжкий понесшая, прими от нас грешных моление сие, тебе приносимое, огради нас молитвами твоими от наветов духов тьмы, от бед и напастей, умоли Всещедрога Бога подати нам силу и крепость, да, вземше крест свой, во след Христу грядём, поюще Ему с тобою во веки: Аллилуия.

(Этот кондак читается трижды, затем 1-й икос «Равноангельски на земли...» и 1-й кондак «Избранная угодница Христова...»)

МОЛИТВА

ко святей блаженной Ксении Петербуржстей

О святая блаженная мати Ксении! Под кровом Всевышняго жившая, ведомая и укрепляемая Богоматерию, глад и жажду, хлад и зной, поношения и гонения претерпевшая, дар прозорливости и чудотворения от Бога получившая и под сению Всемогущаго упокоившаяся, днесь же, от славнаго тысячелетия Крещения Руси, Церковь Русская прославляет тя, яко благоуханный цвет.

Предстояще на месте твоего погребения, под образом твоим святым, яко живей ти сущей с нами, молимся ти: прими прошения наша и принеси я ко престолу Милосерднаго Отца Небеснаго, яко дерзновение к Нему имущая, испроси притекающим к тебе вечное спасение,

на благая дела и начинания наша щедрое благословение, от всяких бед и скорбей избавление. Предстани святыми твоими молитвами пред Всемилостивым Спасителем нашим о нас, недостойных и грешных. Помози, святая блаженная мати Ксения, младенцы светом святого крещения озарить и печатю дара Духа Святого запечатлеть, юныя в вере, чести, богобоязненности и целомудрии воспитать и успехи в учении им стяжать. Болящия и недугующия исцели, супругом любовь и согласие ниспосли, монашествующим подвигом добрым подвизаться помози и от поношения огради, пастыри в крепости духа утверди, Церковь и страну нашу сохрани и всех боголюбивых чад в предсмертный час причащения Святых Христовых Таин сподоби, ты бо еси наше скорое услышание и избавление, тебе благодарение возсылаем и с тобою славим Отца и Сына и Святого Духа ныне и присно и во веки веков. Аминь.



Ме́сяца апри́ллия в 30-й де́нь

СЛУ́ЖБА

**святíteлю Игна́тию,
еписко́пу Кавка́зскому и Черномо́рскому**

НА МА́ЛОЙ ВЕЧÉРНИ

На Го́споди, воззва́х: стихи́ры на 4, глас 2:

Подóбен: Егда́ от Дре́ва:

**Святíteлю Игна́тие пречу́дне, / бы́сть Фиваи́да Рос-
си́йская земля́ се́верная, / ино́ческих по́двигов и трудо́в
твои́х нача́ло, / иде́же Подвигополо́жника Го́спода Иису́-
са, / в моли́твенном де́лании тебе́ укрепля́юща, обрёл еси́.**

**Егда́ в во́зраст пришéд, / нача́льник мона́хов соде́лал-
ся еси́, / тогда́ оби́тель се́верная во и́мя Серге́я Препо-
до́бнаго при́ят тя, о́тче, / и та́мо позна́л еси́ ме́ру скорбе́й
вели́ких и боле́зней тяжких, / та́же и утешéния от при́-
сных бра́тий твои́х, и посещéния я́вльшагося ти́ Ду́ха
Утешителя́ сподóбился еси́.**

**Страны́ ю́жные, бли́з Пóнта лежа́щая, / послуша́нием
Святе́й Цéркви дости́гл еси́, о́тче, / во святíteльстве́м зва́-
нии твоём / яви́лся еси́ о́тец и наста́вник наро́дов и пле-
ме́н Кавка́зских, / жа́ждавших сло́ва Христо́ва.**

**Егда́ же вре́мя отше́ствия твоего́ прибли́жися, / святы́-
телю́ Госпо́день Игна́тие, / тогда́ во оби́тели ино́честей на
бре́зе Во́лжстем, / трудо́ сло́ва и моли́твы полага́я, / со
упова́нием к Бо́гу отше́л еси́, / в Не́мже обрёт поко́й и ми́р
мно́г.**

Сла́ва, и ны́не, пра́здника.

На стиховне стихіры, глас 1:**Подобен: Небесных чинѡв:**

Учѣньми отцѣ духовнаго наставляемь, / **отче** Игнатіе, / **правилом** жѣзни иноческаго обучался еси / и, в послушаніихъ различныхъ / упражнялся усердно, / **путь** святыхъ совершил еси.

Стих: Честна предъ Господемъ / смѣрть преподобныхъ его.

Мудрость стяжавъ духовную, / такожде и знаніе писаний отеческихъ, / **чада** послушанія / во множестве приобрѣл еси, **отче**, / ихже к Царству Небесному и вѣчному / духовно руководил еси.

Стих: Блаженъ мужъ, бояйся Господа, / в заповѣдехъ Его восхощетъ зело.

Возлюбивъ душу ближняго твоего, / еже ко Господу Спасу привести ю, / **любовь** духовную к чадамъ твоимъ являя, / **псаломски** восклицалъ еси: / **приидите**, чада, послушайте мене, / **страху** Господню научу васъ.

Слава, и ныне, праздника.

Тропарь писан на велицей вечерни.

НА ВЕЛИЦЕЙ ВЕЧЕРНИ

Блаженъ мужъ: 1-й антифонъ.

На Господи, воззвахъ: стихіры, глас 5:

Подобен: Радуйся:

Радуйся и веселися светло, / **земле** Россійская, / **новаго** святителя Божія, Игнатія, явившая, / **иже** веру Христову писаньи своими изъясни / и, **законы** Духа восписуя, / **стезю** житія духовнаго ясно содела.

Радуйся, святителю Игнатіе предивне, / **измлада** путь заповѣдей Христовыхъ возлюбивъ, / **избранник** Господень предивенъ явился еси, / **горнило** же искушений и бѣдъ пре-

шэд, / учíteль правослáвным лю́дем показáся, / жízни вéчныя закóны духо́вныя изъяснáя.

Рáдуйся, íже во íночестем чíне / íмя Богонóсца восприя́л еси́, / си́це и сáм, святíteлю Игнáтие, / скóрби и болéзни, я́ко священномúченик, терпá, / чрéз всё житиé твоé / íмя Христóво внúть сéрдца своегó запечатлél еси́, / молítвою непрестáнною укрепля́ся.

Рáдуйся, святíteлю Христóв богомúдре, / Бóга íстиннаго и жíва взыска́в, / дáже до концá днй тво́их предсто́ял еси́ Христú, / молítвою непрестáнною и любóвию укрепля́ся, / тáже терпéнием скорбéй находя́щих утвержда́ся.

Слáва, глáс 4:

К прáвде вéчней и жízни несконча́емей устремíлся еси́, / святíteлю Игнáтие пречúдне, / и сия́ блíжним тво́им исповéдуя, / к любв́и Бóжией призывáл еси́, / нýне же в незаходíмей слáве житиá непреста́ющего / в Цáрствии Христóве сия́ши.

И нýне, прáздника.

Вхóд. Прокíмен днé.

И чтéния трй святíteльская.

Прítчей чтéние: Пáмьть прáведнаго:

Прítчей чтéние: Устá прáведнаго:

Премúдрости Соломóни чтéние: Прáведник, áще пости́гнет:

На литий стихи́ры, глáс 1:

Мы́сль спасíteльную, / éже послéдовати учéнию святýх отéц, / нарéкл еси́, óтче преподóбне, звезду́ твою́, / путево́дствующую тя́ / и освяща́ющую тéсный пúть / ума́ и сéрдца твоегó к Бóгу.

Мы́сль благáя, / путево́дствующая тя́, óтче богомúдре, / на исто́чники воды́ живы́я / приведе́ во обíteли íноческия, / иде́же в по́двизех мно́зех / Бóга приобрél еси́.

Сла́ва, гла́с то́йже:

Страну́ истины обрел еси́, о́тче преподо́бне, / уче́ние святы́х оте́ц / и, те́х писа́нием чре́з все́ жити́е твоё усердно послéдовав, взыва́л еси́: / сии́ су́ть зве́зды Небе́сныя, испуща́ющия согла́сный и еди́ный све́т, / сии́ су́ть корабли́, иду́щие к приста́ни еди́ней, / се́й ли́к, воспева́яй еди́ную Божественную пе́снь / и те́х уче́нию послéдуя, / ду́шу твою́ к ве́чной жи́зни упра́вил еси́.

И ны́не, пра́здника.**На стихо́вне стихи́ры, гла́с 6:**

Пе́снь священную воспéл еси́, преподо́бне о́тче, / под се́нию Креста́ Господня́, / пе́снь хвалы́ и благодарéния, / те́мже и лю́дем Божии́м, в страна́х сущи́м, / воздава́ти хвалу́ Бо́гови у подно́жия Дре́ва Крестнаго / помози́ твои́ми моли́твами.

Сти́х: Честна́ пред Го́сподем / сме́рть преподо́бных Егó.

Изъя́снил еси́ на́м, о́тче, писа́нии твои́ми, / что́ е́сть ча́ша Христо́ва. / Сию́ ча́шу скорбе́й и напа́стей, / о́тче преподо́бне, / я́ко да́р Божий, с благодарéнием приима́ти в жити́и на́шем / помози́ на́м твои́ми моли́твами.

Сти́х: Священни́цы Твои́ облеку́тся в пра́вду, / и преподо́бнии Твои́ возра́дуются.

Жите́йское мо́ре страсте́й и скорбе́й / душе́ю твёрдою прешéл еси́, я́ко кора́блеце́м, / те́мже ду́ши на́ша, волна́ми грехо́вными обуре́аемыя, / сохрани́ в спаса́тельном кора́бли Цёркве Христо́вы, / я́ко моли́твенник изря́дный.

Сла́ва, и ны́не, пра́здника.**Тропа́рь, гла́с 8:**

Правосла́вия побóрнице, / пока́яния и моли́твы дела́телю и учи́телю изря́дный, / архиере́ев богодухнове́нное украше́ние, / мона́шествующих сла́во и похва́ло: / писа́нии твои́ми вся ны́ уцелому́дрил еси́. / Цевни́це духо́вная,

Игна́тие богому́дре, / моли́ Сло́ва Христа́ Бо́га, / Егóже носил еси́ в се́рдце твоём, / дарова́ти нам пре́жде конца́ покая́ние.

И́н тропа́рь, гла́с то́йже:

Избра́нник возлю́блен Христо́ви яви́лся еси́, / Тому́ скорбьми́ мно́гими и моли́твою непреста́нною приле́пился, / благода́ть Ду́ха Свята́го стяжа́в, / учи́тель изря́ден лю́дем бы́л еси́. / Помина́й нас, святите́лю Игна́тие, богоно́се росси́йский, / да уче́нии и моли́твами твои́ми покая́ние спаси́тельное обря́щем / и любóвию се́рдечною Христу́ усво́имся.

НА УТРЕНИ

На Бо́г Господь: тропа́рь пра́здника два́жды.

Сла́ва, святите́ля. И ны́не, пра́здника.

По 1-м стихосло́вии седа́лен, гла́с 2:

Моли́твами и скорбьми́ мно́гими в жити́й твоём Христу́ соедини́вся, / учи́тель изря́ден и помо́щник лю́дем твои́м яви́лся еси́, святите́лю Игна́тие, / моли́ о чту́щих па́мять твою́, блаже́нне.

Сла́ва, и ны́не, пра́здника.

По 2-м стихосло́вии седа́лен, гла́с 8:

Ре́кл еси́, óтче: е́же размышля́ти о вочелове́чении Бо́га Сло́ва, / о спаси́тельных страда́ниях и Воскресе́нии Егó, / сте́пень е́сть видéния духо́внаго, / ю́же моли́твами твои́ми сподо́би ны́ стяжа́ти, óтче преподо́бне.

Сла́ва, и ны́не, пра́здника.

По полиеле́и седа́лен, гла́с 5:

Подóбен: Преподо́бне óтче:

Преподо́бне óтче, святите́лю всечестне, ты́ учи́л еси́, / я́ко моли́тва, ве́ра пра́вая и терпе́ние скорбе́й потре́бны,

во ёже спастіся. / Помозі нам, свѣтче Божій, / да учёньми твоими ограждаеми, спасёние ду́ш наших улучім.

Слава, и ныне, праздника.

По 50-м псалмѣ стихіра, глас 6:

Позна́л еси́ та́йну свѣтѣя трапѣзы Господни / в сия́нии свѣтила вели́каго: / я́коже со́лнце, учи́л еси́, во вся́цей ка́пли росы́ отображе́но ёсть, / та́кожде и в трапѣзе Господни / кійждо приобщѣн ёсть Христу́ всецѣло по Божеству́ и челове́честву. / К сему́ же та́инству со стра́хом Божиим и неосужде́нно присту́пати / твоими моли́твами, свѣте Игна́тие, нас сподо́би.

Канон праздника и святителя, глас 8.

Песнь 1

Ирмос: Колесницегонителя фараоня погрузи́ / чудотвори́и иногда́ / Моисѣ́йский же́зл, крестообра́зно порази́в / и раздели́в мо́ре, / Изра́иля же беглеца́, пешехо́дца, спасе́, / пе́снь Бо́гови воспева́юща.

Пу́ть духо́вный, к Бо́гу Жи́ву веду́щий, прешѣл еси́, свѣтителю́ Игна́тие, / я́сно указу́я нам, ка́ко подобает сте́зю житія́ земна́го преходи́ти, / учёнию Христо́ву внемлю́ще.

Пе́рвую ступе́нь в ле́стнице добродѣтелей ева́нгельских, нищету́ духо́вную, узре́л еси́, о́тче, / и то́й послѣдовати, ту́ю возлю́бити, / то́ю пу́ти духо́внаго нача́ла полага́ти завет тво́й да́л еси́.

Нищета́ ду́ха, ре́кл еси́, со́ль ёсть все́х же́ртв духо́вных, / нищета́ бо ду́ха блаже́нство пе́рвое нарече́ся во Святе́м Ева́нгелии Христо́ве, / ейже все́и прѣ́чи блаже́нства, кро́тость, милосѣ́рдие, се́рдца чистота́, послѣдуют и ёю соверша́ются.

Богородичен: Ма́ти Све́та, Пречи́стая Богороди́тельнице, / жити́е спаси́тельно на землі́ с Сы́ном и Бо́гом

Твои́м соверши́вшая, / на́с, недостóйных, укрепí, от грехóв избáви и к прáвде вéчной шéствовати утверди́.

Песнь 3

Ирмо́с: Небéснаго кру́га Верхотво́рче, Го́споди, / и Це́ркве Зиждíteлю, / Ты́ мене́ утверди́ в любви́ Твое́й, / желáнный кра́ю, вёрных утверждéние, / еди́не Человеколю́бче.

Правду́ Христо́ву в жити́и своёмъ воспису́я, святителю́ Христо́в Игна́тие, / обрёл еси́ на пути́ семъ, е́же пла́кати и рыда́ти о соде́янных злы́х / и к Спасíteлю ми́ра при́тека́ти.

В ю́ности пла́чем ино́ческимъ го́рце воспла́кал еси́ в келли́и своей / о разруше́нии хра́ма се́рдца челове́ческаго, Бо́гом создáннаго богослужéния возвы́шеннаго ра́ди, о пленéнии души́ и ума́, / от сихъ же все́х то́кмо еди́немъ Богочелове́комъ Спасíteлемъ избáвимся.

И па́ки пла́ч стяжа́л еси́, о́тче, в ино́честемъ жити́и твоёмъ, / егда́ вся́ прегра́ды, от Бо́га удаля́ющия тя́, препобеди́л еси́. / Сего́ пла́ча ра́ди помяни́ на́с, чту́щих святу́ю па́мять твою́.

Богородичен: Де́во Пречи́стая, печа́ли на́ша и ско́рби утоля́ющая, / пла́ч спасíteльный подава́й на́м, / да о бездне́ зóл на́ших и неправдъ воспла́чемъ пре́д Тобо́ю.

Седáлен, гла́с 3:

Поучáл еси́, о́тче достохва́льне, / я́ко моли́тву чи́сту стяжа́ти, та́же чу́вство пока́яния и пла́ча возлю́бити / дово́льно е́сть, во е́же спасéние вéчное уллучи́ти, / егóже и на́с, грешныхъ, сподóби моли́твами тво́ими, свя́те.

Сла́ва, и ны́не, прáздника.

Песнь 4

Ирмо́с: Ты́ моя́ кре́пость, Го́споди, / Ты́ моя́ и си́ла, / Ты́ мой Бо́г, Ты́ мое́ ра́дование, / не оста́вь не́дра О́тца /

и нашу нищету посетив. / Тем с пророком Аввакумом зову Ти: / силе Твоей слава, Человеколюбче.

Тайны жития иноческаго взысую, блаженне Игнатие, / познал еси, яко каются подобает и труд иноческий ничтоже ино есть, / еже делание непрестаннаго покаяния.

В покаянии, слезах и плаче о содеянных злых / узрел еси, отче, спасения путь, к Горней жизни ведущий, / иже предлежит и всякому носящему имя Христово.

Рекл еси, отче преподобне, яко должно есть покаянием страсти отсекасти, / таже покаянием доброделание стяжати, / и аще не узрит око наше, яко грешни есмы, / не имамы спасения вечнаго улучшить.

Богородичен: Мати Божия, грешных Споручнице и Помощнице, / путь наш, к Богу ведущий, покаянием истинным укрепи, / зрением греха и исповеданием его направи.

Песнь 5

Ирмос: Вскую мя отринул еси / от лица Твоего, Свете Незаходимый, / и покрыла мя есть чуждая тьма, окаяннаго, / но обрати мя и к свету заповедей Твоих / пути моя направи, молюся.

Плачем и покаянием непрестанным душу твою снабдевая, отче Игнатие, / делатель молитвы явился еси, сию от возраста младенческаго возлюбив, / и в основание жизни духовныя положил еси.

Молитвою усердною житие твое от юности укрепляя, / даже до кончины подвиг твой молитвенный ко Христу Богу соблюдал еси, / имже о Бозе Спасе утверждаяся.

В возраст мужеский пришед, монахов начальник быв и многообразныя скорби испытуюя, / в молитве твердей и непрестанней со многими слезами / ослабу и отраду истинную почерпал еси, отче всеблаженне.

Богорóдичен: Дéво Пречíстая, Мáти Христá Бóга, /
венéц молíтвы неусыпáющая, / о нáс, грéшных, мольбú
Бóгу принесí / и молéнием Твоím от напáстей и скорбéй
нáс избáви.

Песнь 6

Ирмóс: Молíтву пролиó ко Гóсподу / и Томú возвещú
печáли моя, / я́ко зóл душа́ моя́ испóлнися / и живóт мо́й
áду приблiжися, / и молю́ся, я́ко Ио́на: / от тлi, Бóже,
возведí мя.

Явiлся есi учитель молíтвы сердéчныя, óтче нáш
Игна́тие, / я́сно наставляя, кáко должнý есмý прéd
лицéм Христóвым предсто́яти / и молíтву покая́ния
творíти.

Подобáет на молíтве, поучáл есi, óтче, / встáти в лице
прокажéнных, слепýх, глухiх, хромýх / и тáко ко
Христú, от сёрдца сокрушéннаго, / от нищеты́ дýха нáше-
го, молíтву тщáтися творíти.

Егда́ тишина́ возвéет в сёрдце на молíтве, поучáл есi,
óтче, / и мiр ко всём, смире́ние, сострада́ние и любóвь к
челове́ком, / тогда́ познаём, я́ко благодáть Дýха Свята́ сие
содéла.

Богорóдичен: Мáти Бóжия, Дýха Свята́го приятелище
непостижiмое, / о смёртных нáс моли́ся / и молíтву
нáшу к Бóгу упра́ви.

Конда́к, глас 8:

Подóбен: А́ще и во Грóб:

А́ще и совершáл есi стезю́ жития́ земна́го, святiтелю
Игна́тие, / обáче непрестáнно зрél есi закóны бытия́
вéчнаго, / семú поучáя ученикi словесý мно́гими, / имже
последовати и нáм, святче, помолiся.

И́кос:

Рéкл есi, óтче, в писáниях твоих, / я́ко подобáет имéти
стра́х Бóжий, / дабы́ вступíти в совершéнство всéх доб-

родетелей, любовь Божью, / и тако Отцу Небесному уподобитися. / Сему учению последовати и нам, святче, помолись.

Синаксáрий

(Из поучений святителя Игнатия «О внимании при молитве»)

Молитва нуждается в неотлучном соприсутствии и содействии внимания. Молитва составляет неотъемлемую собственность молящегося, а при отсутствии внимания она чужда молящемуся. При внимании она приносит обильный плод; без внимания она приносит терние и волчцы. Плод молитвы состоит в просвещении ума и умилении сердца, в оживлении души жизнью Духа; терние и волчцы — это мертвость души, фарисейское самомнение.

Внимание, которое вполне охраняет молитву от отвлечения или от посторонних помыслов и мечтаний, есть дар благодати Божией. Искреннее желание получит благодатный дар, душеспасительный дар внимания принуждением себя ко вниманию при каждой молитве нашей. Искусственное внимание, еще неосененное благодатию, состоит в том, чтобы заключить ум в слова молитвы. Если ум, по причине новости своей в молитвенном подвиге, выйдет из заключения в слова, то должно опять вводить его в них. Свойственны уму, в состоянии его падения, неустойчивость и расположение парить повсюду. Но Бог может даровать ему непоколебимость и дарует ее в свое время за постоянство и терпение в подвиге.

Особенно способствует вниманию во время молитвы весьма неспешное произнесение слов молитвы. Произноси слова не спеша, чтобы ум мог с большим удобством сохранить заключение свое в словах молитвы, чтобы он не ускользал ни из одного слова ее. Когда ты молишься наедине, произноси слова несколько вслух — это способствует сохранению внимания.

Запасись благовременно всеильным оружием — молитвою, благовременно научись действовать им. Молитва всемогуща по причине действующаго в ней Всемогущаго Бога. Она — «меч духовный, иже есть глагол Божий». Молитва, по качеству своему, есть пребывание человека при Боге и соединение человека с Богом; по действию своему она — примирение человека с Богом, мать и дочь слез; мост, по которому переходят чрез искушения; стена, защищающая от скорбей; сокрушение браней, бесконечное делание, источник добродетелей, причина духовных дарований, невидимое преуспеяние, пища души, просвещение ума, отсечение отчаяния, указание надежды, разрешение печали.

Сначала нужно понуждаться к молитве; вскоре она начнет доставлять утешение и этим утешением облегчать понуждение, одобрять к понуждению себя. Но к молитве нужно понуждение в течение всей жизни, молитва действует убийственно на нашего ветхого человека; доколе он жив в нас, дотоле противится молитве, как и вкушению смерти¹.

По важному значению молитвы, пред упражнением ею нужно приготовление себя к ней.²

Песнь 7

Ирмос: О́троцы еврѣисти в пещи́ / попра́ша пла́мень дерзнове́нно / и на ро́су о́гнь преложі́ша, вопи́юще: / благослове́н еси́, Го́споди Бо́же, во ве́ки.

В зимне́м обнаже́нии ветве́й древе́сных поуча́лся еси́, о́тче, та́йне воскресе́ния ме́ртвых, / я́коже бо дре́во во вре́мя свое́ ли́ствию покрыва́ется, та́ко и ко́сти чело́веческія оживу́т / и, облѣкшеся плоти́ю, в ми́р но́вый вступи́ти ймут.

¹Епископ Игнатий. Сочинения. Ч. 5. СПб., 1905. С. 98–99.

²Там же. С. 95.

Познал еси́, о́тче, ели́ко возмо́жно, / та́йну кончи́ны быти́я челове́ческаго, та́йну естества́ а́нгельскаго и души́ челове́ческаго, / и возда́л еси́ благодарéние Бо́гу.

Еди́наго то́кмо Бо́га, Ду́ха Исти́ны, испове́дал еси́, / И́же еди́н всесовершенство́н е́сть, / Ему́же поклоня́ющеся, ты́, о́тче, велича́ем.

Богородичен: Де́во Мари́е, Ма́ти Неизрече́ннаго Све́та, / на́с, грешных, от мы́сленных падéний огради́, / Божество́нное же учéние Цéркве Святы́я в сердца́х на́ших укрепи́.

Песнь 8

Ирмо́с: На горé святе́й просла́вльшася / и в купинé огнём Присноде́вы Моисе́ови та́йну я́вльшаго, / Го́спода по́йте / и превозноси́те во вся́ ве́ки.

Возлюби́л еси́, о́тче, служи́ти бра́тии сло́вом Бо́жиим, / и бы́сть тебе́ служéние си́е в по́двиг жити́я твоего́, / на́м же в ра́дование непрело́жное, вопи́ющим ти́: / не оста́ви на́с, о́тче, сло́вом и моли́твами твои́ми.

В служи́нии Сло́ву услы́шал еси́ в души́ твоёй глас уверéния во спасéнии, / сего́ ра́ди пре́искренне возлюби́л еси́ бли́жних твои́х / и са́мое то Сло́во Бо́жие.

Поуча́л еси́ бли́жних твои́х, святите́лю, / я́ко Спаси́тель на́ш е́сть О́гнь Небе́сный, / И́же и в словесе́х Его́ ева́нгельских де́йствует.

Богородичен: Ма́ти Бо́жия, Бо́га Сло́ва ро́ждшая, да́ждь сло́во раба́м Твои́м, / е́же сказа́ти та́йну всеми́лостиваго заступле́ния твоего́, / в та́йне рождéния Сло́ва, Христа́ Бо́га, я́вльшуюся.

Песнь 9

Ирмо́с: Ужасéся о сём Не́бо, / и земли́ удиви́шася концы́, / я́ко Бо́г яви́ся челове́ком плóтски / и чре́во Твое́ бы́сть пространнейшее Небе́с. / Те́м Ты́, Богороди́цу, / А́нгелов и челове́к чинонача́лия велича́ют.

Мно́ги труды́ и болѣзни подъя́в в жити́и твоѣм, святи́телю всечѣстне, / Кресту́ Христо́ву, свѣтло сия́юще, поклони́лся еси́ / и моли́тву твою́ ко Христу́ простѣрл еси́.

Ско́рбми обурева́емый, зрѣл еси́ в видѣнии в кѣлли своей́ Странника, посетившаго тя́. / Отку́ду шѣствуеши? И гдѣ селѣния Твоѣ? Почто́ досѣле оставля́л еси́ е́? — / сла́дце вопия́л еси́, о́тче, я́вльшемуся ти́ Христу́.

В хождѣнии прѣд Госпо́дем позна́л еси́, о́тче, судьбы́ Оте́чества твоего́, / та́же и кончи́ну твою́ я́сно провидѣл еси́, / к Бо́гу Сло́ву, Христу́ возлю́бленному, моли́твенно устремля́ясь.

Богоро́дичен: Ма́ти Бо́жия, Сия́ние неизрече́ннаго Свѣта, / стопы́ наша к жи́зни вѣчной напра́ви, / проща́ющи вся́ злая́, на́ми соде́янная.

Свети́лен пра́здника.

Сла́ва, святи́теля:

И́мя Богоно́сца пресла́внаго в мона́шестем образе твоѣм восприѣм, / о́тче Игна́тие, святи́телю всечѣстне, / Христа́ моли́твою непреста́нною вну́тръ се́рдца твоего́ всели́л еси́ / и бы́л еси́ учи́тель, к Свѣту невече́рнему веды́й, / богоно́сец вои́стинну досточу́дный я́вился.

И ны́не, пра́здника.

Стихи́ры на хвали́тех, гла́с 8:

В жити́и твоѣм поуча́л еси́, о́тче преподо́бне, / я́ко се́рдце челове́ческое обрета́ет поко́й, / егда́ в за́поведех Христо́вых пребыва́ет, / изобрази́ти бо в души́ образ Христо́в / блага́ е́сть и спаса́тельно, / сего́ же и на́с дости́гнути / ми́лостивно сподо́би моли́твами твои́ми.

Христу́ послѣдовал еси́ усѣрдно, святи́телю Игна́тие, / вся́ мирская́ отложив и Крѣст Господень на ра́мо взѣм, / те́мже путы́ соверше́нства дости́гл еси́, / к сему́ и на́с приведи́, о́тче, / моли́твами твои́ми.

**Приидіте, собори людєй Божіих, / припадём усёрдно
ко истóчнику приснотеку́щему, / святітелю Игна́тию, бо-
гонóсцу россі́йскому, / и восхва́лим, усёрдно прося́ще: /
молітвами тво́ими, святітелю, / пода́й просвеще́ние ду-
ша́м на́шим.**

Сла́ва, и ны́не, пра́здника.

Славосло́вие вели́кое. Ектений. И отпу́ст.

НА ЛИТУРГІИ

Служба пра́здника и святітеля.

АКА́ФИСТ

**святітелю Игна́тию,
епі́скопу Кавка́зскому и Черномо́рскому**

Конда́к 1

**Изра́нный Небе́сным Царе́м и от Него́ просла́влен-
ный, святітелю о́тче Игна́тие, ны́не всечестну́ю твою́
па́мь пра́зднующе мо́лим тя усёрдно: путево́дствуй нас
на пу́ти спасе́ния, изба́ви от враго́в ви́димых и неви́ди-
мых, от скорбе́й и боле́зней с любóвию зову́щих ти: Ра́дуй-
ся, святітелю Игна́тие, покая́ния и молітвы де́лателью и
учітелю преизря́дный!**

И́кос 1

**Арха́нгели и А́нгели удивля́хуся жити́ю твоemú,
святітелю о́тче Игна́тие, ка́ко ты́ от ле́т ма́лых к Бо́гу
вѣлие раче́ние имѣл еси́ и по за́поведем Его́ жити́е твоѣ
неукло́нно проводіл еси́. Дивя́щеся таково́му благо-
разу́мию твоemú, со умиле́нием взыва́ем ти: Ра́дуйся,
скорбя́щих безча́дных родітелей твои́х рождѣнием свои́м
утѣшивый; ра́дуйся, рода́ честна́го о́трасль прекра́сная.
Ра́дуйся, А́нгела-хранітеля твоegó непреста́нное весе́лие;
ра́дуйся, родітелей и наста́вников твои́х своєю́ крото́стию
и покоро́ностию удивівый. Ра́дуйся, от ле́т младе́нческих**

ко иноческому послушанию себе приуготовивый; радуйся, душу свою младенческую к Богу устремивый. Радуйся, в молитве и богомыслии отроческия своя досуги проводивый; радуйся, для меньших братьий и сестёр твоих пример молитвы и послушания бывый. Радуйся, святителю Игнатие, покаяния и молитвы делателю и учителю презрядный!

Кондак 2

Видяще родители твои великая твоя дарования, направиша ты в царствующий град, да обучен будеши к восприятию воинскаго звания. Ты же, избранниче Божий, юн сый леты, стар же разумом, вся сия яко тленна и скоропреходяща почиташе, к единой же Красоте и Сладости неизреченней — Господу Иисусу Христу умом и сердцем устремлялся еси, поя Ему: Аллилуия!

Икос 2

Разум божественный от возлюбленного тобою Спаса Христа приял еси, Игнатие досточудне, егда ещё отрок сый, во всех видимых образех мира сего руку Небеснаго Творца и Промыслителя проразумевал еси. Темже прославляя ты, вопием ти сице: Радуйся, в видимых явлениях природы Невидимаго Бога созерцавый; радуйся, тишину и уединение лесное возлюбивый. Радуйся, от лет отроческих к Богу велие рачение имевый; радуйся, вся красная и сладкая мира сего презревый. Радуйся, мзду небесную от Господа восприявый; радуйся, молитву Иисусову усты непрестанно творивый и во уме содержаый. Радуйся, совершенную любовь ко Господу показавый; радуйся, возлюбленного тобою Иисуса вину в сердце твоём носивый. Радуйся, святителю Игнатие, покаяния и молитвы делателю и учителю презрядный!

Кондак 3

Силою Вышняго осенен был еси, отче преблаженне, егда вся, яже в мире сем за блага почитаются, отвергл

еси и, по заповеди Христа Спасителя, взем крест, невозвратно Ему последовал еси, непрестанно поя в сердце твоём: Аллилуия!

Икос 3

Имѣя в души своей пламенное желаніе мир оставити и Христу последовати, не убоялся еси ни гнева царѣва, ни прещеній отеческих и, ещё в мире живый, иноческим житіем себе украсил еси. Темже, почитая мужество твоё и любовь к Сладчайшему Господу Иисусу, блажим тя сице: Радуйся, во младости твоей адамантову твёрдость дѹха проявивый; радуйся, еженедельнаго приобщенія Святых Христовых Таин, яко величайшаго сокровища, желавый. Радуйся, на небесах ныне Христа приобщаяйся, яко же вожделел еси, ещё сый на земли; радуйся, яко семя Божіе, всеянное в добрую землю сердца твоего, обильными слезами орошал еси. Радуйся, яко посреде мирских плевел, сторичный плод добродетелей Господу принёсл еси; радуйся, чистоты душевныя и телесныя усердный хранителю. Радуйся, целомудрия дивное украшеніе; радуйся, яко благолєпие лица твоего о душевней красотѣ твоей свидѣтельствоваше. Радуйся, святителю Игнатіе, покаянія и молитвы делателю и учителю презрядный!

Кондак 4

Буря помышлений сумнительных не поколебá ты, Игнатіе блаженне, егда гнева царѣва не убоявсь, чин воинский оставил еси и, подъяв на ся иго Христово и мир с соблазнами его презрев, в пустыню вселился еси и тамо желанный покой души своей стяжав, немолчно пел еси Богу: Аллилуия!

Икос 4

Егда слышано бысть во отечестве твоём, яко ты, юн сый леты, лепотою и дарованьи украшен, славу мира сего и сладости его возненавидев, в пустыню удалился

еси́, вси́ срóдницы твоѣ вельми́ удивля́хуся, А́нгели же на небеси́ возра́довашеся зело́ и просла́виша Бо́га, восхи́тившаго тѣя от сýетнаго путѣ́ мирска́го и поста́вившаго на те́сный пу́ть ино́ческий, веду́щий в Ца́рство Небе́сное. Мы́ же, похваля́юще святу́ю ре́вность твою́ о Го́споде, зове́м ти́: Ра́дуйся, зва́нию во́ина ца́ря земна́го зва́ние во́ина Ца́ря Небе́снаго предпочтѣ́й; ра́дуйся, на искуше́ния от ми́ра, плóти и диáвола находя́щая крѣ́пко ополчи́выйся. Ра́дуйся, ору́жием Бо́жиим, Крестóм Хри́стовым, вся́ ко́зни вра́жия победи́вый; ра́дуйся, бронёю пра́ведности облече́нный. Ра́дуйся, шлём спасе́ния стяжа́вый; ра́дуйся, меч́ духовный, е́же е́сть глаго́л Бо́жий, па́че вся́каго чело́вече́скаго ору́жия возлюб́ивый. Ра́дуйся, щито́м ве́ры от стрѣ́л лука́ваго себе́ огради́вый; ра́дуйся, чи́на а́нгельскаго блаже́нство неизрече́нное в Черто́зе Небе́сном получи́вый. Ра́дуйся, святителю́ Игна́тие, пока́яния и моли́твы де́лателью и учи́телю преизря́дный!

Конда́к 5

Боготече́ней звездѣ подо́бен бы́л еси́, Игна́тие преподо́бне, егда́ предста́л еси́ пре́д игу́меном оби́тели да́льняя и ску́дныя, просѣ́ при́яти тѣя в число́ бра́тии. Игу́мен же, испыта́в тѣя, ничто́же вопреки́ глаго́лаше, благослови́ тѣя на нача́ло ино́ческаго путѣ́ твоего́. Ты́ же, улучи́в ча́яний твои́х заветных́ сбýтие, благода́рне воспева́л еси́ во умиле́нии благоде́ющему тебе́ Бо́гу: Аллилу́ия!

И́кос 5

Вся́ бра́тия оби́тели удивля́шесе, зря́щи вели́кое тща́ние твоё во исполне́нии послуша́ний, ими́же испытова́ше твоё смире́ние духовный о́тец тво́й. Мы́ же, почита́юще по́двиги и труды́ тво́я, во млады́х лѣ́тах во́лею Хри́ста ра́ди подъя́тыя, умиле́нно вопие́м ти́: Ра́дуйся, крест́ сво́й на ра́мена подъя́вый и Хри́сту послéдова́вый; ра́дуйся, уз́кий и приско́рбный пу́ть жити́я мона́шескаго во́лею избра́вый. Ра́дуйся, вспя́ть николи́же обрати́вый-

ся; радуйся, смиреніем своим дѹха гордыни низложивый. Радуйся, талант свой в земли не сокрывый; радуйся, во славу Божію и на спасеніе дѹш человеческих его употребивый. Радуйся, богомудрыми писаньи твоими многія дѹши, во гресѣх погрязшия, ожививый; радуйся, сладкий глас Небеснаго Домовладыки: «Рабе благий и верный, вниди в радость Господина твоего» услышавый. Радуйся, святителю Игнатіе, покаянія и молитвы делателю и учителю презрядный!

Кондак 6

Смиреніем, постом, наипаче же непрестанною молитвою на страсти плотскія крѣпко ополчился еси, святителю, дондеже плоть твою дѹхови поработил еси и сего ради ныне предстоиши с лики Ангел престолу Пресвятыя Троицы, вѣну воспевая: Аллилуія!

Икос 6

Возсия в тебе обильно благодать Божія, егда ты, чин ангельский восприяв, вскоре саном священства почтен был еси. Дѹх же твой, приятый во объятія Отца, тебе отвѣрстая, блаженство неизреченное вкуси. Егда же избранный Господь во игумена обители Пельшемския, ты о словесных овцах твоих, тебе Богом врученных, денно и нощно пеклся еси, да ни единая от них погибнет нераденія ради твоего. Таковому Божію о тебе промышленію радующеся, зовем ти: Радуйся, в приятіи ангельского чина завершение чаяній твоих узревый; радуйся, небесному покровителю своему, священномученику Игнатію Богоносцу, подражавый. Радуйся, якоже и он Господа Иисуса Христа в сердце твоём вѣну носивый; радуйся, сан священства, яко великий дар Божий, приявый. Радуйся, огню тезоименитый, огнем веры и любви к Богу и ближним пламеневый; радуйся, с благоговеніем великим и страхом Безкровную Жертву приносивый. Радуйся, Пренепорочную Матерь Христа Бога нашего яко Чис-

тѣйшую Святѣию и Сокрѣвище Славы Божия благоговѣйно почитавый; радуйся, храм благоукрашенный во имя Милостивыя Вратарницы во обители воздвигнувый. Радуйся, святителю Игнатие, покаяния и молитвы делателю и учителю преизрядный!

Кондак 7

Хотя Человеколюбец Господь, да не сокрыт будет светильник добродетелей твоих, но да светит всем, да прославят Отца Небеснаго вси человецы, видящи тя, изведетя из обители пустынный на многотрудная послушания. Семю Божию промышлению дивящися, со умилением зовем: Аллилуйя!

Икос 7

Новеи обители Преподобнаго Сергия близ царствующаго града дарова тя Господь, яко предстоятеля и добраго пастыря, неусыпно о словеснем стаде своем пекущагося и о благолепии обители ревнующаго. Сего ради и славяше тя братья твоя, взываючи: Радуйся, небесному покровителю обители твоея, Преподобному Сергию, игумену Радонежскому, подражавый; радуйся, дивными храмы и строеными сию украсивый. Радуйся, яко отец чадолюбивый чад своих по пути спасения в Царствие Небесное ведый; радуйся, жаждавших вступить на путь иноческий с любовью во обитель приймавый. Радуйся, провинившихся иноков увещаваньи своими к слезному раскаянию приводивый; радуйся, яко пастырь добрый житием и нравом всем братьям пример подвига иноческаго подававый. Радуйся, за спасение их душу свою положить готовый; радуйся, монашествующих славо и похвало. Радуйся, святителю Игнатие, покаяния и молитвы делателю и учителю преизрядный!

Кондак 8

Странник и пришлец на земли был еси, святителю, якоже прочии человецы. Обаче Господь от лет младенчес-

ких избра́ ты, яко́ уго́дника Своего́, жити́ем бо и богодух-новѣнными писаньями твоими́ Госпо́ду усердно́ послужил еси́. Мы́ же хвалу́ возсыла́юще ко Благоде́ющему тебѣ́ Бо́гу, вопи́ем Ему́: Аллилу́ия!

И́кос 8

Весь добродѣтели исполненный, воистину́ был еси́ во плоти́ Ангел, святителю́ Игна́тие, всех притека́вших к тебѣ́ с любовью́ принима́я, скорби́ их утеша́я, на путь покая́ния наставля́я, непреста́нной моли́тве и плачу́ сердечному́ науча́я. Сего́ ра́ди богáтии и беднии, знáтнии и убóзии лю́дие, духо́вная ча́да тво́я, взыва́ху ти́: Ра́дуйся, но́вый Злато́усте, о́гненными словесы́ твоими́ мно́гия заблудши́я путе́м покая́ния к Бо́гу приведи́; ра́дуйся, писаньями твоими́ ду́ши и сердца́ всех чту́щих я́ просвети́вый. Ра́дуйся, за враги́ сво́я моли́тися наставля́вый; ра́дуйся, и са́м за враги́ тво́я с тёплой любовью́ моли́выйся. Ра́дуйся, во вражду́ющих на нас ору́жие Бо́жие ко исправле́нию нашему́ разумѣти учи́вый; ра́дуйся, Езеки́ины слёзы и Манасси́ины воздыха́ния духо́вным очесѣ́м ка́ющихся представля́вый. Ра́дуйся, по́двиги и труды́ подви́жников дрѣвних в богому́дрых творѣ́ниях твои́х изобрази́вый; ра́дуйся, в жити́и твоѣ́м всеце́ло им подража́вый. Ра́дуйся, святителю́ Игна́тие, покая́ния и моли́твы де́лателью и учи́телю преизря́дный!

Конда́к 9

Все́ во́инство а́нгельское и святите́лей ли́к удиви́шася, зря́ тебѣ́, но́ваго уго́дника Бо́жия, вели́кими труды́ и по́двиги просия́вшаго. Мы́ же, ублажа́я ты́, просла́вльшему ты́ Бо́гу вопи́ем: Аллилу́ия!

И́кос 9

На но́вое многотру́дное послуша́ние в да́льний кра́й Оте́чества на́шего отше́л еси́, святителю́ Игна́тие, егда́ же́зл архиере́йский от Предвѣ́чнаго Архиере́я, Госпо́да

нашего Иисуса Христа, вручи тебе архипастырь царствующаго града в Казанском соборе Царицы Небесныя. Разумеюще в сем волю Божию, да и в чуждей стране проповестся тобою Евангелие Царствия Божия, смиренно зовем ти: Радуйся, в хиротонии обильно благодать Божественную восприявый; радуйся, апостольскаго учения исполненный и вся верныя спасительными струями его напаяй. Радуйся, верный делателю винограда Христова; радуйся, цевнице духовная, Духа Святаго исполненная. Радуйся, архиереев богодухновенное украшение; радуйся, яко устами твоими провещаваше возлюбленный тобою Господь. Радуйся, духовных братьий и чад твоих во обители Преподобнаго Сергия, аще и телом оставивый, обаче в молитвах своих их николиже забывый; радуйся, всем верным и неверным, призывающим тя на помощь, милостивый заступниче. Радуйся, святителю Игнатие, покаяния и молитвы делателю и учителю презрядный!

Кондак 10

Немощию телесною и подвигами жития утружденный, во обитель святаго Николая на реце Волзе удалился еси, святителю Игнатие, хотя душу свою ко отшествию от мира сего уготовати, идеже в богомыслии и молитве уединенней дни своя скончавая, пел еси немолчно Богу: Аллилуия!

Икос 10

Скорый помощник и утешитель был еси, святителю Игнатие, не токмо к тебе приходящим, но и далече сущим, писаньми твоими их утешая, дух их ободряя и вразумляя. Сего ради и возглашают ти вси чтущии богумудрая творения твоя: Радуйся, пастырю наш добрый; радуйся, приходящих к тебе николиже отвращаяся. Радуйся, просящих твоея помощи ближних и дальних любовью своею объемляй; радуйся, чтущих со тщанием писания твоя в теснейшее единение с душею твоею

приёмляй. Рáдуйся, чáд сво́их духо́вных христиáнскому терпéнию учíвый; рáдуйся, в страдáниях нáших промышлéние Бóжие о спасéнии нáшем вíдети наставля́й. Рáдуйся, всецело предáтися Прóмыслу Бóжию чáда сво́я научíвый; рáдуйся, совершéния нáд нáми во́ли Егó, я́ко мíлости вели́кой, просíти у Гóспода заповéдавый. Рáдуйся, святítелю Игнáтие, покая́ния и моли́твы дéлателью и учíтелю преизря́дный!

Конда́к 11

Пéние всеумилéнное приноси́л еси́ Пресвяте́й Трóице во вся́ дни́ земна́го жити́я твоегó, Игнáтие всехва́льне. Ны́не же предсто́я престóлу Царя́ Сла́вы, моли́ся о нáс, чту́щих святу́ю па́мять твою́, да моли́твою и покая́нием очíстившеся, с тобо́ю кúпно во ве́ки веко́в воспоём Бóгу: Аллилу́ия!

И́кос 11

Свети́льник вели́кий Святы́я Правосла́вныя Цёркве в жити́и своём бы́л еси́, святítелю Игнáтие, и сего́ ра́ди дарова́ тебе́ Вседержи́тель Господь кончи́ну чу́дну и просла́ви т́я на небесе́х. Прóсим т́я, святítелю мíлостивый, испроси́ и нáм грéшным, твоея́ по́мощи и предстáтельства умоля́ющим, кончи́ну жити́я нáшего ми́рну и безболéзненну, до́брый отве́т на Стра́шнем Суди́щи Христóве и Цáрства Небéснаго насле́дие, да зове́м т́и ра́достно: Рáдуйся, пра́ведною кончи́ною пра́ведность жити́я твоегó запечатле́вый; рáдуйся, бли́зость отше́ствия твоегó предуде́девый. Рáдуйся, со свети́льником горя́щим Небéснаго Жени́ха ду́ши своея́ срéтивый; рáдуйся, в де́нь кончи́ны твоея́ с жена́ми-мироно́сицами Воскрéсшаго Спаси́теля узре́вый. Рáдуйся, чту́щих т́я и по сме́рти николи́же своегó предстáтельства лишáяй; рáдуйся, все́х усёрдно тебе́ моля́щихся благода́тию и попечéнием сво́им покрывáяй. Рáдуйся, твёрдо держáтися еди́ныя и́стинныя святы́я правосла́вныя ве́ры чáда сво́я учíвый; рáдуйся, вся́ прельще́ния еретиче́ская приима́ти и увещáниям их лука́вым

внимати стрóго запрети́вый. Ра́дуйся, святíteлю Игна́тие, покая́ния и моли́твы де́лателью и учи́телю преизря́дный!

Конда́к 12

Благодáть даде́ся ти́ от Бо́га, святíteлю Христо́в Игна́тие, моли́тися за ны́ и путево́дствовати на́с на пути́ спасе́ния, да, покая́нием очище́нии, в Черто́г Спа́сов преукраше́нный вни́дем и та́мо с тобо́ю и со все́ми угоди́вшими Бо́гу ра́достно воспоём Ему́: Аллилу́ия!

И́кос 12

Пою́ще Бо́га, дивна́го во святы́х Свои́х, хва́лим тя́, Игна́тие блаже́нне, я́ко дру́га Христо́ва, блаже́нство райско́е неукло́нным творе́нием за́поведей Господни́х стяжа́вшего. Моли́ о на́с грешны́х, да и мы́ общники с тобо́ю ве́чера Господней́ будем, умиле́нно зову́ще ти́: Ра́дуйся, глубоча́йшим смире́нием твои́м, нището́ю духо́вною Ца́рство Небе́сное обрети́й; ра́дуйся, добродете́ль сию́ во основа́ние все́х по́двигов ино́ческих полага́ти запове́давый. Ра́дуйся, во пла́че о гресе́х свои́х Самы́м Госпо́дом уте́шенный; ра́дуйся, за крото́сть души́ твоея́ насле́дие жи́зни ве́чныя получи́вый. Ра́дуйся, в земно́м жити́и пра́вды Христо́вой, а не бра́шна тле́ннаго иска́вый, ны́не же на небесе́х е́ю оби́льно насыща́йся; ра́дуйся, за милосе́рдие твоё к бли́жним от Бо́га Щедро́давца поми́лованный. Ра́дуйся, за анге́лоподобную́ чистоту́ се́рдца твоего́ Бо́га узре́вый; ра́дуйся, вся́ клеветы́ и поноше́ния ненави́дящим тя́ Госпо́да ра́ди проща́вый и за сиё, я́ко миротво́рец, вели́каго сокро́вища — усыновле́ния Бо́гу сподо́бивыйся. Ра́дуйся, святíteлю Игна́тие, покая́ния и моли́твы де́лателью и учи́телю преизря́дный!

Конда́к 13

О предивны́й уго́днице Христо́в, святíteлю о́тче Игна́тие! Приими́ сиё ма́лое, о́баче от любя́щих и чту́щих тя́ се́рдце́ц, приноси́мое ти́ моле́ние и изба́ви на́с твои́м все-

мо́щным предста́тельством от вся́кия ско́рби, болéзни и печáли, согрéй охладéвшия дýши нáша огнём вéры и люб-вё к Бóгу, дáруй нáм прéжде концá покая́ние, бóди нáм к Цáрствию Небéсному путево́ждь, да тáмо с тобо́ю и со всéми угоди́вшими Бóгу во вéки векóв поём Ему́: Аллилу́ия, аллилу́ия, аллилу́ия!

(Этот конда́к чита́ется трéжды, затём 1-й йкос и 1-й конда́к)

МОЛІТВА святітелю Ігнáтию

О вели́кий и пречу́дный уго́днице Христов, святітелю о́тче Ігнáтие! Мілостиво приими́ моли́твы нáша, с любóвию и благодарéнием тебé приносímья! Услы́ши нáс, си́рых и безпо́мощных, к тебé с вéрою и любóвию припада́ющих и твоего́ тéплаго предста́тельства о нáс прёд Престо́лом Го́спода Сла́вы прося́щих. Вéмы, я́ко мно́го мо́жет моли́тва пра́ведника, Влады́ку умилостивля́ющая. Ты́ от лёт младéнческих Го́спода пла́менно возлюбил еси́ и Ему́ еди́ному служи́ти восхотéв, вся́ красная́ ми́ра сегó ни во что́же вмени́л еси́. Ты́, отвергся себé и взём крэ́ст тво́й, Христу́ последовал еси́. Ты́ пу́ть узкий и приско́рбный жити́я ино́ческаго во́лею себé избрál еси́ и на сём пу́ти добродéтели вели́кия стяжа́л еси́. Ты́ писáньми тво́ими сердца́ челове́ков глубочáйшаго благоговéния и покóрности прёд Всемо́гущим Творцо́м исполня́л еси́, грéшников же па́дших му́дрыми словесы́ тво́ими в сознáнии своего́ ничто́жества и свое́я грехóвности, в покая́нии и смире́нии прибега́ти к Бóгу наставля́л еси́, ободря́я их упова́нием на Его́ милосéрдие. Ты́ нико́лиже притека́вших к Тебé отверга́л еси́, но всём о́тец чадолюбíвый и па́стырь до́брый бы́л еси́. И ны́не не оста́ви нáс, усéрдно тебé моля́щихся и твое́я по́мощи и предста́тельства прося́щих. Испроси́ нáм у Человеколюбíваго Го́спода нáшего здра́вие душе́вное и телéсное,

утверди́ ве́ру на́шу, укрепí сíлы на́ша, изнемога́ющия во
искуше́ниях и ско́рбех ве́ка сегó, согрѣй огнѣм моли́твы
охладѣвшая сердца́ на́ша, помози́ нам, пока́нием очи́-
стившимся, христиа́нскую кончи́ну живота́ сегó получи́ти
и в Черто́г Спа́сов преукраше́нный вни́ти со все́ми из-
бра́нными и та́мо кúпно с тобо́ю покланя́тися Отцу́ и
Сы́ну и Свято́му Ду́ху во ве́ки веко́в. Ами́нь.

Тропа́рь, гла́с 8

Правосла́вия побóрнице,/ пока́ния и моли́твы дѣлате-
лю и учи́телю изря́дный,/ архиере́ев Богодухнове́нное
украше́ние,/ мона́шествующих сла́во и похвало́,/ пи-
са́ньми твои́ми вся ны́ уцелому́дрил еси́,/ цевни́це
духовна́я, но́вый Златоу́сте, святите́лю Игна́тие,/ моли́
Сло́ва Христа́ Бо́га, Его́же носíл еси́ в се́рдце твоём,/ да-
рова́ти нам пре́жде конца́ пока́ние.



Месяца ма́ия в 19-й де́нь

СЛУ́ЖБА

**свято́му благове́рному вели́кому кня́зю
Димíтрию Донско́му**

НА МА́ЛОЙ ВЕЧÉРНИ

На Го́споди, воззва́х: стихи́ры, глас 1:

**Благове́рне кня́же Димíтрие, / ты́ во дни́ жити́я свя-
ти́теля Алекси́я возраста́я / и моли́твами то́го окорм-
ляе́шь, / в му́жа соверше́нна дости́гл еси́.**

**Моли́твами Преподо́бнаго отца́ на́шего Серге́я воз-
раща́емь, / све́те Димíтрие всече́стне, / ещѐ мла́д сый
во́зростом, умо́м же соверше́н, / кня́зь люде́й твои́х по-
ста́влен бы́л еси́.**

**О́трок ещѐ сый во́зростом, свя́те Димíтрие, / жити́ю
благона́вному ревновáв / и в по́двизех ве́ры правосла́в-
ныя укрепля́ясь, / в му́жа соверше́нна возраста́л еси́.**

Сла́ва, глас 8:

**Ве́дая и слы́ша о си́ле агаря́нстей, / Оте́чество твоѐ
покоривше́й, / ты́, свя́те Димíтрие, моли́твы Христу́ в
се́рдце своѐм слагáл еси́, / о́ еже свободи́ти правосла́вныя
от враго́в, томя́щих я́.**

И ны́не, пра́здника или́ Богоро́дичен, глас то́йже:

**Засту́пнице на́ша и прибе́жище, / Де́во Чи́стая, / во
вся́ дни́ живото́а на́шего, / моли́твы о лю́дех вознеси́ Сы́ну
и Бо́гу Твоему́.**

На стихóвне стихіры, глас 2:

Подóбен: Дóме Евфрафов:

Жилище Бóжие явілся есі, / святе Димітрие, / княже всечестне, / не забуди людéй твоіх / и Отéчество твоё Россійское не оста́ви во ве́ки.

Сти́х: Честна́ прѣд Гóсподем / смѣрть преподóбных Егó.

Дóм добродѣтелей духóвных явілся есі, / возлю́бленне княже, / святе Димітрие, / тѣмже пресла́вно почитáема ёсть пáмять твоя́, / предстáтелю нáш теплѣйший.

Сти́х: Блажѣн мýж, бойся Гóспода, в за́поведех Егó восхóщет зелó.

Измлáда и до преставлѣния твоегó / светі́льник свѣтлый дýшу твою́ соделал есі, / богомýдре княже Димітрие, / сегó рáди от Исто́чника Свѣта / испросі́ осія́ния душáм нáшим.

Слáва, глас и подóбен тóйже:

Богомýдре княже Димітрие, / нáс, грѣшных срóдник твоіх, / предстáтельством твоім не забуди / и в селѣния Отцá Свѣтов / моли́твами твоими напра́ви.

И ны́не, прáздника или́ Богорóдичен:

Ублажáем Тя, / Чістая Дѣво Мáти, / притекáющи к Тебѣ лю́дие Твои́, / святы́м Покрóвом Твоім / нáс осеняющюю.

Тропа́рь, глас 3:

Вели́ка обрѣте в бедáх ты побóрника земля́ Рýсская, / язýки побежда́юща. / Я́коже на Дóну Мама́еву низложі́л есі́ горды́ню, / на пóдвиг сѣй прия́в благословѣ́ние Преподóбнаго Сѣргия, / та́ко, княже Димітрие, / Христу́ Бóгу моли́ся, / даровáти нáм ве́лию мѣ́лость.

Слáва, и ны́не, прáздника или́ Богорóдичен.

НА ВЕЛІЦЕЙ ВЕЧЁРНИ

На Гóсподи, воззвах: стихіры, глас 4:

Приидіте, собóри людéй Россійских, / восхва́лим Бóгом возлю́бленнаго, / до́блестнаго кня́зя Димі́трія, / і́же побéду пресла́вну на́д врагí одержа́ / и зéмлю Россійскую плéна лю́таго свободí.

Поклоні́мся благода́рне, сы́нове Россійстии, / пресла́вному кня́зю Димі́трію, / вла́сти агаря́нския на́с свободíвшему, / я́ко вознесé Господь десни́цу егó / на побéду иноплемéнник.

Припадéм с любóвию и почуді́мся пóдвигом / кня́зя преді́внаго Димі́трія, / і́же собра́ полкі́ вéлія людéй Россійских / и, пóмоцію Бóжиею покрывáемь, / зéмлю на́шу от нечéстия избáви.

Спасí ны, Сы́не Бóжий, / моли́твами благовѣ́рнаго кня́зя Россійскаго Димі́трія, / врагí на́ша поборí, / Отéчество на́ше сохраня́я / от ополчéний сѣх невреждéнно.

Сла́ва, глас 5:

Благословéн есí, Христé Бóже на́ш, / пресла́внаго кня́зя Димі́трія, / Донскі́м именúема, на́м явívый, / і́же благодáтную пóмоць срóдника своегó, / вéлікаго кня́зя Алексáндра Нѣвскаго, имéя, / рáти агаря́нския поразíв, / побéду вéлию и сла́ву Отéчеству на́шему стяжа́.

И ны́не, прáздника или́ Догмáтик, глас 5:

Вхóд. Прокі́мен днé.

И чтéния трí преподóбническая.

На литий стихіры, глас 2:

Егда́ гласу́ Бóжию, ко спасéнию Отéчества зовúщему, вня́л есí, / свя́те кня́же Димі́тріе, / тогда́, совéтом свя-

тѣхъ утверждаемъ, / не убоялся еси силы вражия / и на подвигъ ратный велий / с братиею твоєю устремился еси.

Егда Духъ Божий подкрепляше тя, / святе княже Димитрие, / двинути полки россійския на рати агарянския, / тогда, Богу содействующу тебе, / победу преславную над врагом одержал еси.

Егда, помощию Божиею окормляемъ, / за землю Россійскую стал еси, / тогда, святе Димитрие, / воинство твоё на поле Куликове / премудре уставил еси, / таже и враги преславне одолел еси.

Слава, глас 6:

Возвеселитесь, вси чинове россійстии, / о подвизех князя Димитрия, / иже молитвенник тёплый ко Христу явился, / за люди своя и землю Россійскую представляющая.

И ныне, Богородичен, глас тойже:

Не отрини, Пренепорочная, / молитвы и воздыхания людей Твоих, / в скорбех, болезнях и нуждах / к Тебе присно притекающих.

На стиховне стихиры, глас 5:

Аще и маловременно бысть житие твоё, / благоверне княже Димитрие, / обаче селений Господних достигл еси, / память же вечную у Бога обрел еси.

Стих: Честна предъ Господем / смерть преподобныхъ Его.

Крепок и мужествен, / взором дивен зело и нравом боголюбивъ был еси, / святе Димитрие всечестне, / землю Россійскую помощию Божиею от врагъ избавил еси, / темже и любовь велию людей твоихъ стяжал еси.

Стих: Блаженъ мужъ, бояйся Господа, / в заповедехъ Его восхощетъ зело.

Молися о людехъ твоихъ, / угодниче изрядне, святе Димитрие, / сый в селениихъ светлыхъ Господа твоего, / Его-

же в житий твоём тёпле возлюбил еси, / сего ради даже до крове за други твои подвижался еси.

Слава, глас тойже:

Радуйся и веселися, славнейший граде Москво, / такового заступника себе стяжавый, / славна и мужественна и духом крепка князя Димитрия, / ещё же и предстателя скорого о людех пред Господем.

И ныне, праздника или Богородичен.

НА УТРЕНИ

На Бог Господь: тропарь праздника дважды.

Слава, святого. И ныне, праздника.

По 1-м стихословии седален, глас 3:

От возраста отроческаго князь людей твоих явился еси, / богомудре Димитрие, / таже в советех святых возрастая, / державу твою добре управил еси.

Слава, и ныне, праздника.

По 2-м стихословии седален, глас 4:

Яко во дни мира, такожде и во дни брани, милосердием богатея, / за люди твои и Отечество подвижался еси Господа ради, / возлюбленне княже, богомудре Димитрие, / темже и о чужих ты молися.

Слава, и ныне, праздника.

Величание:

Величаем Тя, / святой благовёрный великий княже Димитрие, / и чтим святую память твою, / ты бо молиши за нас / Христа, Бога нашего.

По полиелёи седáлен, глáс 5:

Воспоём, лю́дие, побéду преслáвную, / ю́же благове́р-
ный князь Димíтрий за ве́ру правослáвную и Оте́чество
одержá, / то́й бо íмя Святы́я Трóицы и по́мощь Пре-
святы́я Богорóдицы призва́.

Слáва, и ны́не, прáздника или́ Богорóдичен:

Пресвята́я Де́во, Богорóдице Мари́е, / в рáтных по́дви-
зех, за ве́ру и Оте́чество соверша́емых, лю́ди Тво́я за-
ступáеши, / та́же и па́мять ве́чную и спасéние те́м пода-
ва́еши.

Та́же степéнна, 1-й антифо́н 4-го глáса.

Прокíмен, глáс 4: Честна́ прéд Го́сподем / смéрът пре-
подобных Его́. **Стíх:** Чтó возда́м Го́сподеви о́ всéх, я́же
воздаде́ ми? **Вся́кое дыха́ние:**

Ева́нгелие от Матфе́я, зача́ло 43.

По 50-м псалме́ стихíра, глáс 6:

Егда́ вре́мя отше́ствия твоего́ при́де, / кня́же Димíт-
рие всече́стне, / тогда́ ко Го́споду в моли́тве проти-
ра́ясь, / о Бо́зе, Спа́се твоём, почи́л еси́, / ми́р бли́жним
и да́льным оста́вив.

Кано́н, глáс 4.

Песнь 1

Ирмо́с: Мо́ря че́рмную пучи́ну / невла́жными стопа́-
ми / дрéвний пеше́ществовав Изра́иль, / крестообра́зны-
ма Моисе́овыма рука́ма / Амалíкову си́лу в пусты́ни по-
бедíл е́сть.

Припе́в: Святы́й благове́рный вели́кий кня́же Димíт-
рие, моли́ Бо́га о на́с.

За́ря пресве́тлая в рождестве́ твоём яви́лся еси́, / свя́те
Димíтрие, Христу́ возлю́бленне, / срóдницы же тво́я рож-
дэ́нием твоём возвесели́л еси́.

Заря́ у́тренняя бы́л еси́, свя́те Дими́трие, / во́зраста о́т-
роческа достигáя, / Христу́ моли́твы усер́дныя возно́сити
поучáлся еси́.

Заря́ красная яви́лся еси́ Оте́честву тво́ему, свя́те Ди-
ми́трие, / княже́ние при́им и, в Бо́га богатéя, / в моли́тве
и испове́дании ве́ры правосла́вныя укрепля́лся еси́.

Богородичен: О́трокови́це Пречи́стая, / ю́ныя о́троки
сохраня́й и в во́зраст прише́дшия наставля́й, / святы́я на
земли́ возвращáй.

Песнь 3

Ирмо́с: Веселíтся о Тебе́ Це́рковь Тво́я, Христе́, зову́-
щи: / Ты́ моя́ кре́пость, Го́споди, / и прибéжище, и ут-
вержде́ние.

Утешéние богáтое и о́браз богому́дрый имéл еси́, кня́же
Дими́трие, / во отце́ твоём духо́внем, святителе́ Алексии́
прему́дрем, / ка́ко управи́ти Оте́чество твоё.

Утешéние обильное прия́л еси́ в се́рдце твоём, свя́те
Дими́трие, / послу́шав словеса́ богому́драго святителе́, /
к му́жеству укрепля́вшего тя́.

Утешéние ве́лие имéл еси́, богому́дре кня́же Дими́-
трие, / ви́дя мно́ги дру́ги тво́я / во бра́нех о Бо́зе гото́выя
ве́рно сподвизáтися ти́.

Богородичен: Пресвята́я Де́во Богороди́тельнице, / Ты́
му́дре лю́ди Тво́я ко спасе́нию устра́еши, / соблюди́ и
на́с в по́двизех благих.

Конда́к и й́кос пра́здника.

Седáлен, гла́с 4:

Я́ко свети́льник све́тел в житии́ своём лю́дем твоём
яви́лся еси́, / богому́дре Дими́трие, кня́же приснопа́мятне
и боголюбе́зне. / Не оста́ви на́с, ме́ньших бра́тий сво́их, /
о Оте́честве на́шем моли́тв тво́их те́плых прося́щих.

Сла́ва, и ны́не, пра́здника или́ Богоро́дичен:

При́зри на моли́твы на́ша, Де́во Пресвята́я, / по́мощь
и спасе́ние лю́дем Оте́чества на́шего подаю́щи.

Песнь 4

Ирмо́с: Вознесе́на Тя́ ви́девши Це́рковь на Кресте́, /
Сбо́лице Пра́ведное, / ста́ в чи́не своём, / досто́йно взы-
ва́ющи: / сла́ва си́ле Твое́й, Го́споди.

Терпе́ние ве́лие показáл еси́, Дими́трие премúдре, в
княже́нии твоём, / преде́лы земли́ твоея́ укрепля́я и за-
щища́я.

Терпе́ние и му́дрость яви́л еси́, свя́те, / в похóдах твои́х
на ага́ряны, / с по́мощию Бо́жиею побежда́я сих.

Терпе́ние мно́гое имéл еси́, богому́дре Дими́трие, / кня́-
зи росси́йския с полки́ их объе́диня́я / во еди́но во́инство
христолюбиво́е.

Богоро́дичен: Пресвята́я Богоро́дице, Ма́ти Пречи́-
стая, / Сы́на Твоего́ при́сно моли́ / о е́же возраста́ти и в
си́лу Бо́жию приити́ избра́нным Твои́м.

Песнь 5

Ирмо́с: Ты́, Го́споди, мо́й Све́т, в ми́р прише́л еси́, /
Све́т Святы́й, обраща́яй из мра́чна неведе́ния / ве́рою вос-
пева́ющия Тя́.

Добродéтелями богому́дрыми богатéя, Дими́трие всече́-
стне, / строи́тель сла́вный гра́да Москвы́ яви́лся еси́, /
те́мже и лю́ди твоя́ возвесели́л еси́.

Добродéтелями христиа́нскими в жити́и твоём укреп-
ля́яся, свя́те кня́же Дими́трие, / мно́ги хра́мы Бо́жии пре-
чу́дныя по градóм княже́ния твоего́ воздви́гл еси́.

В добродéтелях возраста́я, Дими́трие премúдре, / до́м
и княже́ство твоё до́бре упра́вил еси́, / во Христе́ Спа́се
обогаща́яся.

Богорóдичен: Дéво Пренепорóчная, Мáти Христá Бóга, / лю́ди и кня́зи Твоя́ в ми́ре соблюди́ / и в добродéтелях многоименíтых возрастí.

Песнь 6

Ирмо́с: Пожру́ Тí со гласом хвалéния, Гóсподи, / Цéрковь вопиéт Тí, / от бесóвския крóве очи́щися, / ра́ди мíлости от ре́бр Твои́х / истéкшею Крóвию.

Смиренномúдрие удоборазсудíтельное и любóвь изрядную к вéрным лю́дем твои́м показáл еси́, / преслáвне кня́же Димíтрие, / егда́ ко бра́ни вéлией на Мама́я ополчи́лся еси́ / со срóдники и други́ свои́ми.

Смиренномúдрие вéлие яви́л еси́, свя́те Димíтрие, / егда́ к стопáм Сéргия Преподо́бнаго припа́л еси́, / того́ благословéния на по́двиг рáтный испроша́я.

Смиренномúдрие и послуша́ние яви́л еси́ отцу́ твоemú, Сéргию вели́кому, / егда́ благословéнием того́ два́ йно́ка боголюбíвая, Алекса́ндра и Андре́я, / в во́инство твоé прия́л еси́.

Богорóдичен: Дéво Пренепорóчная, Наде́ждо на́ша непосты́дная, / во днè испытáний и скорбéй вели́ких не оста́ви моля́щихся Тебе́.

Конда́к, глас 2:

По́двиги твои́ми, свя́те Димíтрие, / страну́ на́шу Бóг сохрани́, / Да́вый тебе́ си́лу непобедíмую. / И ны́не, предста́телю крéпкий, / соблюда́й моли́твами святы́ми / град тво́й Москвú невредíм / от все́х наве́т вра́жиих.

Йкос:

Измла́да за́поведем Госпо́днем поуча́ясь / и любóвь Христо́ву в се́рдце своéм стяжа́вая, свя́те Димíтрие, кня́же всечéстне, / словесéм Госпо́дним и наставлéнию святы́х оте́ц, Алекси́я и Сéргия, внима́я, / в му́жа соверше́нна достíгл еси́, / та́же побeду преслáвну одержáл еси́. / И

ныне, предстателю крепкий, соблюдай молитвами святыми / град твой Москву невредим от всех навет вражиих.

Песнь 7

Ирмос: В пещи авраамстии отроцы персидстей, / любобвию благочестия паче / нежели пламенем опаляеми, / взываху: / благословен еси в храме славы Твоея, Господи.

На избавление Божие уповая, блаженне княже Димитрие, / пред началом брани благословение отца твоего Сергия прият / и, подвигом инока Александра вдохновляем, в битву со враги твоими вступил еси.

Избавления от враг лютых не чаючи, / стеляше земля от крове воев твоих проливаемая, / сам же ты, княже Димитрие, в одежде воина препростого с врагом мужественне сражался еси.

Избавления не ждаху мнози преславнии князие и вои твой, / души полагающе за други своя на поле Куликово, / воевода же Бренко Михайл под знаменем Спасовым за ты погибе.

Богородичен: Избавительнице крепкая, Богородительнице Пречистая, / честною иконою Твоею, яже Донская наречеса, / укрепила еси люди Твоя в смертней брани велицей, / землю Российскую спасаючи.

Песнь 8

Ирмос: Руце распостер Данийл, / лвов зияния в рове затче, / огненную же силу угасиша, / добродетелию препоясавшеса, / благочестия рачители, отроцы, взывающе: / благословите, вся дела Господня, Господа.

Чудо преславное бысть, победа воинства российского, / тобою, княже Димитрие, собраннаго, / егда полцы князей Владимира и Димитрия Волынского на орду агарянскую внезапно изыдоша / и в бегство тую обратиша.

Чудо непостижно бысть, / егда земля Россійская поколебася от шума бѣгства агарянскаго. / Ты же, славне Димітрие, многи раны приѣм, на земли сей, яко мѣртв, лежаше.

Чудо страшное бысть, вѣчеру дспѣвшу и бѣтве утѣхшей, / многое бо множество воинства россійскаго остриѣм меча падѣша, / ихже именѣ великий ѡвва Сѣргий, откровѣнием дѣвным, во обители своѣй на молѣтве возношаше.

Богородичен: Чудное знамение попечѣния Твоего, Пречѣстая Дѣво Маріе, / о родѣ Россійстем явиши в дѣнь празднования Рождества Твоего, / преславную побѣду тому даровала еси.

Песнь 9

Ирмос: Камень нерукосячннй / от несекомыя горы, Тебѣ, Дѣво, / краеугольный отсечѣся, / Христос, совокупивый разстоящая естества. / Тем, веселящаяся, Тя, Богородице, величаем.

О, како пострадала земля Россійская в бѣтве велицей, / яко множество людей за Отечество души своѣ положиша, / ты же, святе Димітрие, с молѣтвой и любовью / во днѣх мнозех телеса их земли предавал еси.

О, како прославися имя Божие в подвизе твоѣм, княже Димітрие пречудне, в славней побѣде сей, / еюже люди российсти ига страшнаго свободил еси / и, наречѣние Донскаго приѣв, молѣтвенник присный о нас являешися.

О, како велик бысть подвиг сей в людех твоих, пречудне княже наш Димітрие, / яко и на грядущия времена прострѣся слава побѣды / христоролюбиваго воинства россійскаго на поле Куликовѣ.

Богородичен: О Пречудная Владычице Богородительнице, / на пути людей Твоих и вождѣй их призирающи / и тем побѣду на супостаты дарующи, / прими молѣтвы недостойных раб Твоих, / к Тебѣ прибегающих.

Светілен:

Побѣду вѣлию во імя в Троице славиимаго Бѣга, / по слѣву преславнаго Сѣргія, / с вѣи твоими одержал еси, богомудре княже Димітріе. / Тѣм тѣ, яко предстателя прѣд Бѣгом, всі почитаем.

Слава, и ныне, Богородичен:

Единаго от Троицы Бѣга в ложеснах Твоих носила еси, Богомати Пречистая. / Сего Бѣга Слова и Сына Твоего о людех умоляючи, / покрый нас предстательством Твоим, Всепетая.

На хвалітех стихіры, глас 8:

Подобен: О преславнаго чудесе:

О вѣлия мѣлости Бѣжия! / Аще и пострадѣ град Москвѣ послѣде / от набѣгов вражих, / обаче ти невозмогша поколебѣти мѣра, / во Отѣчествѣ твоѣм, свѣте Димітріе, / тобою утверждѣннаго.

О достѣйное благодарѣние! / Многи храмы и обители прекрасны воздвѣгл еси, / блаженне Димітріе, / по одолѣнии нашѣствия агарянскаго, / обитель же Сѣргія Преподобнаго / дары многими украсил еси.

О неистошима сила любви! / Послушание Преподобнаго Сѣргія исполняя, / свѣте Димітріе, / молѣние по вѣином убиѣнным совершал еси, / такожде и мы даже до ныне творим, / Димітріеву суббѣту соблюдающе.

Слава, глас тойже:

Да помянуты будут купно со свѣтым Димітріем князем / всі людие россійстии, / дѣши своя о спасѣнии ближних положивши. / Тако воспомянем достѣйно преподобнаго первоборца битвы Куликовския / схимонаха Алексѣандра Пересвѣта / и пострадавшия во брани князя Михайла Бренка / и схимонаха Андрѣя Ослѣбю. / Да почитутся любовью купно сподвижницы Димітріевы, /

князь Владѣмир Храбрый и воевода нарочѣт Димѣтрий Вольтнскій, / ещѣ же и Андрей князь, / с ними же и прочии вои, / за зѣмлю Русскую не пощадивши живота своего.

И ныне, праздника.

НА ЛИТУРГИИ

Служба преподобническая.

МОЛИТВА

**ко святому благоверному великому князю
Димитрию Донскому**

О святѣй благоверный великий княже Димѣтрие! Аще и не мнози бѣша днѣе земнаго житія твоего, обаче велик жребий приѣл еси от Содѣтеля всѣх Господа, еже прославитися в земли Россійстей и блаженство вѣчное на Небесѣх получитьи.

Услѣши нас, молитвенниче теплый, предстателю наш пред Господем неусыпный! Во днѣи мѣра и в годину нестроений не остави нас попечением твоим, научи ны покорны бѣти Божественному Промышлению, вся в житїи нашем ко благу направляющему, Отечество наше молитвами твоими от нашествий вражїих, раздоров и нестроений защити и укрепи теплым твоим предстательством.

О святче Божий! Моли, купно со святою супружницею и сподвижницею твоею благоверною княгинею Евдокиєю, да знаменается на нас свѣт Лица Божия, и, тем наставляеми, достигнем Царства Правды Христовы, нескончаемаго и вѣчнаго. Аминь.



Ме́сяца иу́лия в 4-й де́нь

СЛУ́ЖБА

преподóбному Андре́ю иконопи́сцу

НА ВЕЛІ́ЦЕЙ ВЕЧЕ́РНИ

Блаже́н му́ж: пе́рвый антифо́н.

На Го́споди, воззва́х: стихи́ры, гла́с 3:

**Прииді́те, ве́рнии, рука́ми воспле́щим, и возра́дуемся,
и просла́вим / преподо́бнаго Андре́я, / от родо́в на́ших
избра́ннаго, / и́же Воплоще́нное Сло́во во о́бразех и́стин-
но воплоті́, / да воззря́т лю́дие и позна́ют, / я́ко Госпо́дь
е́сть Христос, Иза́витель ми́ра.**

**Чистоту́ ума́ и се́рдца, / целому́дріе и крото́сть воз-
любів, о́тче Андре́е, / очерне́вшее естество́ ми́ра сегó
отве́ргл еси́ / и устремі́лся еси́ к Совершенство́му, / И́же
Тро́ический і́мать о́браз и число́. / Те́мже любовь и кра-
соту́ совершенство́ную / Го́спода Сла́вы позна́л еси́.**

**Сораспя́лся еси́ Христу́ любви́ю, блаже́нне, / на
Кресте́ ви́дя Еди́наго от Тро́ицы, / Егóже показу́еши во
о́бразех пребыва́юща / и, Це́ркви послу́шен б́ыв всегда́, /
на́с поуча́еши Тому́ покланя́тися, вопія́: / сла́ва Созда́в-
шему вся́.**

И́ны стихи́ры, гла́с 5:

**Се́рдце твоё́ утверди́л еси́ в Го́споде / и о́браз
Прему́дрости и Си́лы, / Христа́, за ны́ распеншагося, / во
ико́нех яви́л еси́, преподо́бне, / иуде́ом собла́зн, еллином
безу́мие, / на́м же, ве́рным, спасе́ние.**

Глас Ипостасныя Премудрости, Христа, / услышал еси, отче, зовый: / аще кто безумен, обратися ко трапезе Моей, / Аз бо есмь начало и конец. / Трапезы оныя насладился еси, преподобне, / и возвеселился еси о спасении, / еже Слово принесё Воплощённое, / и во образех показуеши пир Господень, / уготованный званым Его.

Вся премудростию сотворшаго Господа / достойно прославил еси, / но не похвалился еси мудростию твоёю, отче преподобне, / хвалишися бо о еже разумети и знати Господа, / спасающаго нас Крестом Своим.

Слава, глас 4:

Изначала даром облечён бысть человек / тварем именна нарещи, / Христос же верным власть даде / в вещественных образех Божественных печатлети, / и яко Луку от апостолов, / такожде и ты от Церкви Россійския призва, избранниче Божий, / ко священному иконописанию, / да прославится чрез образы сила содетельная Творца и Господа.

И ныне, Догматик.

Вход. Прокимен дне.

И чтения три:

Бытия чтение (18, 1–8, 17–33). **Притчей** чтение (9, 1–11). **Премудрости Соломона** чтение (3, 1–9).

На литий стихир, глас 4:

Житием иноческим и подвиги / Церковь нашу Православную прославил еси, преподобне Андрее, / в нейже яко в Теле Христове пребывая, / достиг еси обожения / и сонму святых приобщился еси.

Образ Пресвятыя Троицы на иконе начертал еси, / нерожденна Отца, / предвечно рожденна Сына, / Духа, от Отца исходяща, / и сим научаеши таинственному догмату православных веры, / Андрее преподобне.

Слава, глас 8:

Якоже великий Сѣргий / воздвѣже храмъ Святыя Единосущныя Троицы, / изгоняя страхъ ненавистныя розни мира сего, / такожде и ты, отче Андрее, начертал еси Святыя Троицы образ, / заповѣдуя намъ единомыслие веры в Цѣркви Святей хранить, / идеже нѣсть разделенія, / но всяческая и во всехъ Христосъ.

Богородичен, глас тойже:

Тя и плоть Твою Приявшаго / зряще во святыхъ образахъ, Пренепорочная Владычице, / чудо познаемъ нашего спасенія / и простираемъ къ любви Твоей, / да будемъ избавлены суда и смерти, / и поклоняемъся, и славимъ, / возсылающе Ти первообразную честь, Богородице.

На стиховне стихирѣ, глас 1:

Троицу во Единице / Богъ и Господь праведному Аврааму сокровенно откры, / Цѣрковь же явственне научи тайне Единосущія Божества, / ты же, преподобне, иконою Пресвятыя Троицы, / яко печатію, утвердил еси спасительное веденіе сіе, / да нерушимо исповѣдуемъ Троицу Единосущную и Нераздельную.

Стих: Честна предъ Господемъ / смерть преподобныхъ Его.

Зрѣниемъ образа Пресвятыя Троицы, преподобне Андрее, / яко в Чертогъ входимъ Небеснаго Царя, / емуже ныне предстоиши во одеяніи брачномъ / со Авраамомъ и всеми святыми, / в невечернемъ свѣте принося хваления, / моли о насъ не прѣтай Владыку всехъ, / да со избранными Его сопричтемъся.

Стих: Блаженъ мужъ, бояйся Господа, / в заповѣдехъ Его восхощетъ зело.

Образу Пресвятыя Троицы, / егоже писал еси, преподобне, / сила благодатная дадеся: / зрительно бо открываеши Истину, / Юже Пилат безумне отрину, / Авра-

ам же в поклонении трием Ангелом свидетельствовала, / да и мы спасительное поклонение Истинному Богу воздадим / и жертву принесем благодарения.

Слава, глас 1:

Неведомей тайне Единицы, / в Трех Лицах таинственно пребывающия, / тайною веры приобщился еси, преподобне, / и море искушений и страстей, яко сушу, прешед, / Избавителя и Бога прославляеши / во святых твоих образах.

И ныне, глас тойже:

Неизследимо и никакоже мыслимо / Первообразного во плоти от Тебе, Владычице, явление, / Егоже Рождеством нас спасла еси.

Тропарь, глас 3:

Божественного Света лучами облистаемый, / преподобне Андрее, / Христа познал еси, Божию Премудрость и Силу, / и иконою Святыя Троицы всему миру проповедал еси / Единство во Святей Троице, / мы же со удивлением и радостью вопием ти: / имей дерзновение ко Пресвятей Троице, / моли просветити души наша.

НА УТРЕНИ

На Бог Господь: тропарь святому дважды. Слава, и ныне: Богородичен.

По 1-м стихословии седален, глас 6:

Видите крины сельныя, рече Христос, о ученицы, / краше бо Соломона во славе его одеяни суть, / Аз же возлюбих вас, яко образ Мой и подобие, / да будете усыновлены благодатию. / Сего же дара, преподобне, сподоби нас молитвами твоими.

Слава: Святая Православная Церковь, иконою твоєю, преподобне, учит: / Отец имать Сына и имать Святаго

Духа, / и не глаголем, яко Триэ Суть Бози, но Един Бог Триэ Сии / и равни Существом, и Божеством, и властью.

И ныне: Прибегающе присно ко пречистым иконам Твоим, Богородице, / теми обретаем вся блага ныне, / и живота конец добр и непостыден, / и на воздухе бесов зрак Тебе ради не узрим, / и избежим держащих рукописания согрешений наших.

По 2-м стихословии седален, глас 6:

Око не виде, и ухо не слыша, и на сердце человеку не въздоша, / яже уготова Бог любящим Его. / Сея же неизреченныя райския красоты / да сподобимся и мы молитвами преподобнаго.

Слава: Неизреченна и неказанна Святыя Троицы тайна, / ни ангельскими, ни человеческими помышлениями постижима, / паче бо начертаннаго преподобным Андреем образа Божественный Первообраз есть, / Ему же вси поклонимся сердцем, умом и помышлением.

И ныне: Паче дыхания, предстательства Владычицы Марии требуем, / Та бо, яко Мати Божия, всем призывающим имя Ея / благая и полезная дарует.

В сердцах избранных незримо печатлея Божественный зрак, / сам сий орудие Пресвятаго Духа, / горния красоты нам являеши видение / и человеки наставляеши ко спасению, преподобне, / моли Превечную Троицу, Ей же со Ангелы предстоиши, / спастися душам нашим.

Прокимен и Евангелие преподобному.

По 50-м псалме стихира, глас 6:

Не Ангел, ниже человек, но Сам Христос образотворцев начальник явися, / егда запечатле на убресе Свой Божественный лик. / Ты же, преподобне, / под покровом Его всегда пребывая, / Духом Святым научен еси образы творити.

Канон, глас 4.

Песнь 1

Ирмос: Поём песнь победную Единому Богу, / сотворшему преславная, / древле бо фараона / со всевоинством в мори погрузи.

Приидите, вернии, / со преподобным Андреем песнь победную воспойм / и возславим Пресвятую Троицу, Отца и Сына и Святаго Духа.

К Преподобному Сергию, якоже достойный ученик, блаженне Андрее, притекл еси, / и чрез того Святым Духом наставлен был еси, / и вкупе с богородными Сергием и Никоном, / трие прослависте Троицу во Единце.

Сергия великаго достойне прославил еси, яко чтилеля Пресвятыя Троицы, / емуже усердно подражал еси / и нас научаеши достойно поклоняться Единому Богу, / в Трех Лицах нераздельно существу, сотворшему небо и землю.

Слава: Сергием богомудрым научен, древним богословом подобен явился еси, преподобне Андрее, / и яко тии словом, тако ты иконою догмат Троицы проповедал еси в стране Российстей / и ныне исповедати сей всех научаеши.

И ныне: Радуйся, Богородице Дево, / радуйся, Владычице мира, / в Тя бо вселися Един от Святыя Троицы, / сего ради имаши силу спасти погибающих, / спаси рабы Твоя, молящиеся Тебе.

Песнь 3

Ирмос: Утвердися сердце мое в Господе, / вознесися рог мой в Боже моем: / яко несть свят, паче Тебе, Господи.

Сердце твое утвердил еси в Господе, отче преподобне, / и душу очистил еси покаянием, / тело же предал пощению и трудом / и обитель Пресвятыя Троицы явился еси, / Юже моли о спасении душ наших.

Возлюбил еси Господа всем сердцем, досточудне Андрее, / и любовь на враги вооружился еси, всех желая обрести Пресвятей Троице, / и всех зовещи Господа возлюбити любовь неуголимою.

Верю сердце утвердил еси неизблемо в Господе, / и славу Небесную созерцал еси сердечными очима, / и благодатию Духа Святаго показуещи в вещественных образах невественная, / да и мы ныне пробудимся от сна греховнаго и узрим свет истинный.

Слава: Возвеселился еси всем сердцем о Господе, / и по всей земли прославил еси в совершенных образех Победителя смерти / и ныне пребываещи в непрестанней радости, восходя от славы к славе, / и воспеваещи со Ангелы Пресвятую Троицу.

И ныне: О Божественнаго промысления несказаннаго! / От земных явилася еси, Пресвятая Дево Богородице, / и соделалася еси мира Владычица, Мати Ипостаснаго Слова, / Егоже моли, Заступнице, о спасении нашем.

Седален, глас 8:

Ангельский образ прияв, образ и подобие Творца ангельским житием в себе возставил еси / и во образе вещественном Образ Первообразнаго начертал еси, преподобне, / и к истинному богоподобию указуещи путь.

Богородичен:

Непрестанно и радостно прославляет Тя Церковь, Пресвятая Владычице, / чудотворными бо образы Твоими мир просвещаещи / и милости великия всегда изливаещи к Тебе притекающим с верою.

Песнь 4

Ирмос: Вознесена Тя видевши Церковь на Кресте, / Солнце Праведное, / ста в чине своем, / достойно зывающи: / слава силе Твоей, Господи.

Подвигом таинственно стяжал еси в Церкви пребывание, / учением ея последуя, преподобне, / и, уставы Святыя Церкви исполняя, образы начертал еси священныя, / ихже почитающе, вопиём: / слава силе Твоей, Господи.

Учение отцев Церкви ревностно исполнил еси, преподобне, / волю бо свою отсека, не своя измышления, но тех видения начертал еси, / смирением же в меру их достигнув, Церкви свидетельство утвердил еси, зовый: / слава силе Твоей, Господи.

Крест Христов, Иже есть любовь Пресвятыя Троицы, прославил еси, преподобне, / Крест, Церкви утверждение, возлюбил еси, / путём крестным шествовав, сему поклоняться всех зовещи, поя: / слава силе Твоей, Господи.

Слава: Верую Христа в сердце вселив, блаженне Андрее, / со всеми святыми постигл еси, что есть широта и долготы, глубина и высота Святыя Церкви, / и иконами показуещи тайны Царствия Небеснаго, глаголя: / слава силе Твоей, Господи.

И ныне: Вознесена видящи, Богородице, на Кресте Сына и Творца Твоего, / оружием в сердце уязвлена была еси, / страстем крестным Сына Твоего сострадаючи, / но неизреченную познала еси радость в Воскресении Его / и славною силою Христовою спасаещи Тебе молящихся.

Песнь 5

Ирмос: От света пресекий первородный свет, / яко во свете дела поют Тя, Христе, Содетеля, / во Свете Твоем пути наша направи.

Сергием великим водимь, преподобне, к Трисианному Свету пришед / и Сим облистаемь, прославил еси Три-светлое Солнце, Творца и Бога, создавшего вся.

Великия благодати сподобился еси, преподобне, / умом вознесыйся к невещественному и невидимому свету

Пресвятыя Троицы. / Сей свет видеша апостоли на Фаворе, / афонстии же отцы со святым Григорием исповедаша яко нетварную силу Божию.

По блаженнем созерцании образа / неизреченную красоту Первообраза во свете Своем откры ти Господь, блаженне отче, / и нас учиши честь и поклонение воздавати, / не вещь почитаая, но первообразную красоту.

Слава: Неизреченнаго и Божественнаго Первообраза свет и блистание / отчасти показуеши, преподобне, в тварном подобии, / на негоже взирающие с молитвою дух ведения почерпают.

И ныне: Отчее сияние пройде чрез Тя, Владычице, / и, плоть от Тебе восприявше, световидно Тя преобразит, / яко превышши еси чинов ангельских и всякия твари.

Песнь 6

Ирмос: Пожру Ти со гласом хваления, Господи, / Церковь вопиет Ти, / от бесовския крове очищися, / ради милости от ребр Твоих / истекшею Кровию.

Толику добродетель и толику тщание / о постничестве и иночестем жительстве имея, преподобне, / яко точию в Божественней любви преуспевати, в земных николиже упражняться, / сего ради прославлен еси от Господа.

Имя твое и подвиги возжелел еси утаити смиренномудрия ради, отче Андрее, / Видяй же тайное, яве прослави тя пред Ангелы и человеки.

Вселенную всю удивил еси, преподобне, / возсиял бо еси в утесненней и страждущей земли Российстей, от множества враг боримей, / и тако возмогл еси миру всему право проповедати Пресвятую Троицу.

Слава: Дивныя Своя суды на тебе яви Господь, / пред Нимже тысяща лет, яко день един, / избра ты в древния веки, прославити же восхотел в конце времен, во утверждение Церкви.

И ныне: Славнейшая без сравнения Горних воинств, / в Церкви, яже есть Тело Христово, в неизследимей глубинѣ и средоточии пребываеши, / плоть Твою Христу заимодавшая, моли Сына Твоего помилovati нас.

Кондак, глас 8:

От юности к Божественней красотѣ устремляясь, / чудный иконописец в земли Россійстей был еси, / и, богоносным твоим учителем поревновав, / сиянием добродетелей украсился еси, преподобне Андрее, / темже и явися Церкви нашей похвала и радование.

Икос:

Паче меры всякия благодать даровася ти, преблаженне отче, / святыя иконы писати, наипаче же образ Пресвятыя Троицы; / Бога миру проповедуя, Бога Отца, Бога Сына, Бога Духа Святаго, / Иже есть Единое Существо в Трех Ипостасех, Единое Естество в Трех Лицах, / и Единая Премудрость, и Единая Сила, Единое хотение и Единое Божество. / Темже и явися Церкви нашей похвала и радование.

Песнь 7

Ирмос: Образу златому не поклонившися, отроцы авраамстии / искушася, яко злато в горниле, / в пещи огненной, яко в чертозе светлом, / ликовашу, поюще: / благословен еси, Боже отец наших.

Огнем вещественным искушаеми в пещи, / трие отроцы прообразиша некогда Святую Троицу, / ты же, преподобне, огнем Духа Святаго просвещаеми, / нам показал еси образ Пресвятыя Троицы, да поем: / благословен еси, Боже отец наших.

Истукана златаго посрамиша трие отроцы в Вавилоне, яко мертва, / ты же, преподобне, учению Церкви последуя, / образы свидетельствуеши о Жизнодавце, Слове Воплощенном, да вопием: / благословен еси, Боже отец наших.

Пóдвиги различными искушен б́ыв, я́ко зла́то в горни́ле, преподо́бне, / ны́не в Черто́зех све́тлых Отца́ Небе́снаго лику́еши, взыва́я: / благослове́н еси́, Бо́же оте́ц на́ших.

Сла́ва: В светови́дных твои́х о́бразех явил еси́, преподо́бне, / неизглаго́ланными дыха́ньми Ду́ха пу́ть к Бо́гу, да и́м шествую́ще, глаго́лем: / благослове́н еси́, Бо́же оте́ц на́ших.

И ны́не: Све́тлый Черто́г непреста́ннаго весе́лия явля́ешися, Цари́це и Влады́чице, / я́ко Тобо́ю избавля́емся а́дския пе́щи о́гненныя и, Твоему́ о́бразу кла́няющеса, поём: / благослове́н еси́, Бо́же оте́ц на́ших.

Песнь 8

Ирмо́с: Во огни́ пла́меннем предсто́ят Тебе́ / Херувими́, Серафими́, Го́споди, / и вся́ тва́рь пе́снь Тебе́ поёт кра́сную: / по́йте, благослови́те, лю́дие, превозноси́те Христа́, / Еди́наго Содете́ля во вся́ ве́ки.

Пóдвиги ви́дящи твоя́, преподо́бне, ра́дуется о тебе́ Це́рковь, вку́пе и диви́тся: / ка́ко прибли́зился еси́ ко огню́ Пресу́щественныя Трои́цы, / Ея́же трепещут Си́лы А́нгельския, и не опали́лся еси́.

Го́спода и святы́х Его́ ли́ки живопису́я, / по́двигом о́нех усер́дно подража́л еси́, преподо́бне, / пла́менем непреста́нныя моли́твы сердечныя со́нмища по́мыслов злы́х попалил еси́.

Арха́нгели, А́нгели и вся́ Небе́сныя Си́лы / та́инственнo и со стра́хом прославля́ют Го́спода непреста́нными гла́сы, / ихже показáл еси́, я́ко воочию ви́дев, са́м б́ыв земны́й а́нгел, / ны́не же с ними́ предсто́иши у престо́ла Святы́я Трои́цы.

Сла́ва: Апóстоли, проро́цы, святители́е, мучени́цы, преподо́бнии и вси́ святии́ / непреста́нно прославля́ют Го́спода священными́ песнопеньями, / ихже сла́ву явил еси́ во святы́х твои́х о́бразех, са́м б́ыв небе́сный человек, / ны́не же с ними́ предсто́иши у престо́ла Святы́я Трои́цы.

И ныне: Яко во о́гнь вошла́ еси́, Пресвята́я Де́во, / егда́ избóли вселі́тися в Тя́ Сло́во Ипостáсное, / Ёмже обóжена и преображе́на и та́ко на Небеса́ прія́та, міра не оста́вила еси́.

Песнь 9

Ирмо́с: Тя́, я́ко село́ пречы́стаго Сло́ва, / и пріятелище Ду́ха, / и Благоволе́ния де́лателище поём, / в Тебе́ бо соизмене́ние спасе́ния на́шего соде́лася.

Даде́ся ти́ благода́ть, преподо́бне, о́браз написа́ти Пресвяты́я Трѳи́цы / в Божѳственном и ца́рstem и а́нгельstem подо́бии, / показу́я господа́ственное и влады́чественное, безнача́льное и безконѳчное, / я́ко преда́ша ти́ святы́и отцы́.

Дѳвный о́браз Пресвяты́я Трѳи́цы начертáл еси́, преподо́бне, / от вѳчнаго сегѳ зра́ка ум на́ш и мы́сль возно́ся к Божѳственному, / не вѳчь у́бо чтѳм, но Святу́ю Трѳи́цу, / че́сть бо, ико́не воздава́емая, на первоо́бразное восхо́дит.

Ду́х Святы́й води́ твоѳма рука́ма, преподо́бне, / егда́ писа́л еси́ о́браз Пресвяты́я Трѳи́цы, в нёмже ве́ру в Трѳеди́наго Бо́га показу́еши.

Сла́ва: Сла́вы ра́ди Пресвяты́я Трѳи́цы, Ю́же ты́, преподо́бне, начертáл еси́, / Трѳисвята́я пѳснь Трѳисвяте́й и Единосу́щней и Животворя́щей Трѳи́це на землі́ прино́сится: / Свят, Свят, Свят Господь Савао́ф, испо́лнь Не́бо и земля́ сла́вы Твоея́.

И ныне: Неизрече́нное е́сть благоволе́ние Пресвяты́я Трѳи́цы к Тебе́, Богоро́дице, / введе́нием бо Твоѳм во Свята́я Святы́х вели́чие Твое́ преднаписа́ся, / волею́ Отца́, прія́тием Свята́го Ду́ха, вселѳнием Сы́на / Свята́я Святы́х Це́ркве Христо́вы сподо́билася еси́.

Светѳлен:

Учени́к вели́каго Серге́я бѳв, преподо́бне Андре́е, / я́ко светѳльник превознесе́нный возсия́л еси́, блиста́я лу-

ча́ми Божества́ннаго светолі́тїа, / Христа́ стяжа́л еси́ в
се́рдце твоём, Егѡ́же моли́ просвети́ти ду́ши на́ша.

На хвали́тех стихі́ры, глас 4:

Ді́вныя красоты́ свяще́ннаго худо́жества твоего́, / бо-
гомудре Андрее, / недоуме́ет язы́к изъясни́ти, / свиде-
тельствуеши бо земны́м о Небе́снем / чу́дными ико́нами
твои́ми / и прославля́еши Пресвяту́ю Тро́ицу / сі́лою да-
рова́ннаго ти́ Ду́ха. / Мы́ же па́мять твою́ ублажа́ем, зову́-
ще: / преподо́бне о́тче Андрее, моли́ Бо́га о на́с.

Торжествует Цѣрковь ны́не, / преподо́бне Андрее, /
Тро́ицу бо Пресущество́нную, Истиннаго Бо́га, просла́вил
еси́ / и Сло́во Воплоще́нное, Крестомъ вселенну́ю иску-
пѣвшее, вообразилъ еси́, / ико́н же почита́нию все́х по-
уча́еши, / показу́я И́стину во о́бразех, / Ю́же ны́не созер-
ца́еши я́вственно.

Сі́лою непостижи́мага все́х Творца́, / в Трѣх Ли́цах
Еди́наго, / Христо́во подобіе в Тебе́ обновилъ еси́, о́тче Ан-
дрее, / моли́твами же твои́ми на́м помози́ / обнови́ти и
просвети́ти ду́ши на́ша.

Сла́ва, глас 5:

Дне́сь торжествуетъ Святы́я Тро́ицы оби́тель / с Серге́-
ем и со́нмом учени́к его́, / и со Андрони́ком и Са́вою ра́-
дуется оби́тель Спа́сова, / израсти́вшия земли́ Росси́йския
хра́мов ді́внаго украси́теля, / егѡ́же досто́йно хва́лим и
про́сим усѣ́рдно: / преподо́бне Андрее, моли́ Пресвяту́ю
Тро́ицу / дарова́ти душáм на́шим ми́р и ве́лию ми́лость.

И ны́не, глас то́йже:

Утоли́ болѣ́зни / многовоздыха́ющія души́ моея́, / уто-
ли́вшая вся́ку слѣ́зу от лица́ земли́, / Ты́ бо челове́ком бо-
лѣ́зни отго́ниши / и грѣ́шных ско́рби разруша́еши, / Тебе́
бо вси́ стяжа́хом наде́жду и утвержде́ние, / Пресвята́я
Ма́ти Де́во.

Славосло́вие вели́кое.

НА ЛИТУРГИИ**Блаженна от канона пѣснь 3-я и 6-я, на 8.****МОЛІТВА****ко преподобному Андрѣю иконописцу**

О преподобне отче Андрѣе, зело облагодѣтствованный даром видѣнія первообразов красоты Божественныя! О дивный плоде Цѣркве Россійския, отрасли благая Сергіем великим насажденнаго дрѣва! В грозное бо время постави тя Господь свидѣтеля Своего и земли нашея молитвенника велика тя содела. Кто исповѣсть безчисленныя труды и подвиги твоя, разум земный превосходящая и единому токмо ведомыя Господу, имже благодать писания чудотворящих икон стяжал еси! Ты благоуханием святых твоих икон весь мир исполнил еси, наипаче образом Пресвятыя Троицы, да воззрѣнием нань побеждается всякий грѣх и ненавистная рознь мира сего. О преподобне и пречудне отче, призри с высоты, идеже в Божественном Свѣте пребываеши, и услыши молитвы нас, грѣшных, и, яко имей дерзновение ко Пресвятей Троице, со Преподобным Сергіем и всеми святыми моли Владыку всех, о еже Цѣрковь его укрепити, разобщенныя соединити, расточенныя собрати и в разумѣние истины всем приити, отвратити от нас праведный гнев Свой и исполнити даров Духа Святаго, любви, радости, мира, долготерпѣнія, благости, милосердія, вѣры, кротости, воздержанія, земное же странствие преити нам, грѣшным, безбѣдно, в будущем же вѣце сподобитися с тобою и всеми святыми прославляти Пресвятую Троицу, Отца и Сына и Святаго Духа, ныне и присно и во веки веков. Аминь.



В Неделю 4-ю по Пятидесятнице

СЛУЖБА

собору святых Псково-Печерских

В субботу вечера

НА МАЛОЙ ВЕЧЕРНИ

На Господи, возвах: стихирь воскресны на 4, глас 3.

Слава, святых, глас 6:

Приидите, людие христоролюбивии, / восхвалим днесь преславный собор преподобных, / иже во обители Псково-Печерстей / подвиги многими угодиша Христу Богу, / с нимиже и Пречистую Богоматерь, славяще, величаем.

И ныне, Богородичен воскресен малыя вечерни, глас 3: Превелие чудо:

На стиховне

Стихиря воскресна, глас 3: Страстию Твоею, Христе, омрачивый солнце:

И стихирь святых, глас 2:

Подобен: Егда от древа:

Приидите, монашеское сословие, / любовьию воспойм собор святых, / иже во обители Псково-Печерстей / житием своим равноангельным, / верою же и труды смиренными / и Божественными дарованиями / улучиша у Христа Бога / блага вечная, / того ради и похвалим их достойно.

Стих: Честна́ прѣд Господемъ смѣрть преподобныхъ Его́.

Ублажимъ днѣсь ликъ богоносный, / преподобныхъ Марка, Иону и преподобную Вассу, / иже страну Псковскую благодатию напоивше, / учениемъ Христовымъ вся люди просвѣщашу, / и крѣстъ спасительный, яко древо жизни вечныя, / в дѣбрехъ Псково-Печѣрскихъ утвердиша, / и освятиша мѣсто сие труды и молитвами своими, / темже и Домъ Пречистыя здѣ устроиша.

Стих: Блаженъ мужъ, бояйся Господа, / в заповѣдехъ Его́ восхощетъ зело́.

Похвалимъ пѣсньми честными / преподобномученик двоицу, Корнилия и Вассиана, / яко друзи быша да́же и до смѣрти, / и Дорофея, иже образомъ Пречистыя Печѣрскимъ / на странѣ далѣче Ярославстей люди освяти, / почитимъ и Лазаря праведна, благодати тайника, / иже молитвами, Христѣ, спаси души наша.

Слава, святыхъ, гласъ 1:

Земли Псковския радование, / обители Печѣрския крѣпкое предстательство, / соборе святыхъ дивный, / ныне к вамъ вси прибегающе, / молитвы приносимъ теплыя / и любовь почитаемъ память вашу.

И ныне, Богородичен, гласъ тойже: Се исполнися Исаиино проречѣние:

Ныне отпускаеши: Трисвятѣе. **И по Отче наш:**

Тропарь воскресен, гласъ 3: Да веселятся Небесная: Слава, тропарь святыхъ. **И ныне, Богородиченъ первый, по гласу тропаря святыхъ.**

НА ВЕЛИЦЕЙ ВЕЧЕРНИ

На Господи, воззвахъ, стихиры на 10: воскресны гласа три, и Анатоліева едина, и святыхъ 6.

Стихиры святых Псково-Печерских.

Глас 1:

Подобен: О, дивное чудо:

Блаженна страна Псковская / и преславна чудеса / обитель Печерская, / имуще вас, соборе дивный, / отцы наши преподобнии, / веселися, Пречистая Доме, / таковыя почитая предстатели, / иже Богородицу и Матерь всем Милосердную / за ны умоляют присно, / темже, людие, возрадуемся и восхвалим / сия молитвенники о душах наших. (Дважды.)

Глас 2:

О сокровищнице Господня, / лице начальный святых Псково-Печерских, / преподобнии Марко, Ионо, мати Вассо, / явили бо есте непорочным житием вашим / образ спасения уставы Богоданными / и вся полки бесовския низложили есте, / темже и нас ныне от тмы греховныя избавляете. (Дважды.)

Глас тойже:

От юности Христа возлюбивый / и душу твою добродетельми удобривый, / Корнилие чудный, / неустанно учил еси люди вере Христове / и обитель Печерскую дивно украсил еси, / да подвигом твоим приими от Господа венец уготованный нетленный.

Слава, святых, глас 6:

На земли ходиша тесною стезею, / красных мира отвергошася / и в подвизах иноческаго жития Вышних достигоша, / темже и нас, иночествующих во обители Печерстей, / молитвами вашими обогатите сокровищем нетленным.

И ныне, Богородичен первый гласа: Како не дивимся:

Вход. Прокимен дне, глас 6-й.

И чтения святых три, преподобническая.

На литий стихіры святых Псково-Печерских.**Глас 3:**

О соборе святых Псково-Печерских, / просиявшии, / яко светила многосветлая, / во мраце пещеры, Богом зданныя, / идеже возгорется в сердцах ваших пламень Духа Святаго, / сего ради просветите вся люди верныя / и молениями крепкими вашими / распалайте ны ко Господу любовь, / во еже спастися воспевающим вас.

Глас 5:

Умы очищенными / Пресвятей Троице предстояще, преподобнии, / и Тойже славою осеняеми, / вся ны просветите / и за чтущая вас инок множества и люди верныя, / к мощем честным вашим приходящия, / Жизнодавца Христа умолите, / во еже спастися душам нашим.

Глас тойже:

Путем тесным / шествующе, отцы Печерстии, / дела вашими явили есте, / како в широту райскую / добре ходящии во Христе вводими бывають, / онем же путем, преподобнии, / приведите ко Христу и вся верныя.

Слава святых, глас тойже.

Радуются вси людие вернии, / и земля Псковская ликует, / празднующи собор святых Печерских, / их бо житием благочестным / украсися Церковь Русская, / юже Господь таковыми столпы утверди, / тех молитвами да подаст благодать Свою / ко спасению душ наших.

И ныне, Богородичен, глас тойже: Храм и дверь еси:

На стиховне стихіры воскресны, глас 3:**Слава, святых, глас 1:**

Земли Псковския радование, / обители Печерския крепкое предстательство, / соборе святых дивный, / ныне к вам прибегающе, / молитвы приносим теплыя / и чтим любовь память вашу.

И ныне, Богородичен, глас тойже: Се исполнися
Исаиино проречение:

Тропарь, глас 6:

Собор святых Псково-Печерских днесь почтим, / в де-
брех лесных обитель чудную основавших, / и, яко кринны,
добродетельми процветших, / и людем правый путь бого-
подобия указавших, / молят бо Господа / миру мир даро-
вати и велию милость.

НА УТРЕНИ

На Бог Господь: тропарь воскресен гласа, дважды.

Слава, тропарь святых:

**И ныне, Богородичен воскресен по гласу тропаря
святых.**

По 1-м стихословии седален, глас 1:

Соборе святых Псково-Печерских, / преподобнии отцы
наши, молим вы прилежно, / сохраните от бурь и ис-
кушений обитель сию, / дом Пречистыя Богоматере, /
иноков в ней подвижающихся / и всех верных, тихую
пристань zde обретающих.

Слава, и ныне, Богородичен:

Настави ны на путь покаяния, уклоняющихся присно
к злым безпутием / и Преплагаго прогневающего Госпо-
да, / Неискусобрачная Благословенная Марие, / прибе-
жище отчаянных человек, Божие обиталище.

По 2-м стихословии седален, глас 2:

Днесь обитель Псково-Печерская светло сияет, / свя-
тых отец своих память творящи, / днесь людие окрестнии
радуются, / во псалмах и пениях славяще Господа, / Дав-
шаго таковыя предстатели и заступники.

Сла́ва, и ны́не, Богоро́дичен:

Тобо́ю, Богоро́дице Присноде́во, / Божество́ннаго естество́ва́ бы́хом о́бщницы, / Бо́га бо на́м Воплоті́вшася роди́ла еси́, / те́мже по до́лгу Тя́ всі́ благоче́стно велича́ем.

Полиелѣй.**Велича́ние**

Ублажа́ем ва́с, / преподо́бнии отцы́ на́ши Пско́во-Пече́рстии, / и чті́м святу́ю па́мь ва́шу, / наста́вницы мона́хов / и собесѣдницы́ А́нгелов.

Псалом избранный: Терпя́, потерпѣх Го́спода:

Ипако́й гла́са.**По полиелѣи седа́лен, гла́с 1:**

Наста́ ны́не, отцы́ богоно́снии, / светоза́рный собо́ра ва́шего пра́здник, / проповѣ́дует днесь о́битель Пско́во-Пече́рская / и Це́рковь Ру́сская сла́ву ва́шу, / велича́юще ва́с Просла́вльшаго.

Сла́ва, и ны́не, Богоро́дичен:

Безневѣ́стная Чи́стая Де́во Богоро́дице, / Еди́на ве́рных Предста́тельница и Покро́ве, / бе́д и скорбе́й, лю́тых обстоя́ній вся́ изба́ви, / на Тя́ наде́жду, Отрокови́це, иму́щия, / и ду́ши на́ша спаси́ божество́нными мольба́ми Твои́ми.

По 50-м псалме́ стихі́ра, гла́с 7:

Примі́те ны́не благодарѣ́ние ча́д ва́ших, / преподо́бнии отцы́ Пско́во-Пече́рстии, / я́ко не оста́вили есте́ на́с лю́бовию о́тчею / и то́ю страсте́й на́ших кова́рства разоря́ете, / да при́йдем от Го́спода дарова́ния небе́сная, / подража́юще де́янием ва́шим боголюбе́зным.

Кано́н воскресе́н 3-го гла́са, со і́рмосом на 4, і́рмос еди́ножды, и Богоро́дицы на 2, и святы́х на 8.

Катава́сия: Отве́рзу уста́ моя́:

Канон святых Псково-Печерских, глас 2.

Песнь 1

Ирмос: Во глубинѣ постла́ иногда́ / фараонитское все-
воинство преоружѣнная сила, / Воплощсея же Слово
всезлобный грѣх потреби́ло е́сть, / препросла́вленный
Госпо́дь, славно́ бо просла́вися.

Припев: Всі́ святіи Пско́во-Печѣрстии, моли́те Бо́га о
на́с.

Прииді́те, ино́к мно́жества, прииді́те, духо́вное сосло́-
вие и лю́дие ве́рнии, / соста́вим ликъ пра́зднующих, /
днѣсь духо́вная на́ша трапѣза, днѣсь на́м Небе́сное ра́-
дование, / соверша́ющим святу́ю па́мьятъ оте́ц на́ших.

Свѣ́тло соверша́ем торже́ство ва́ше сіе́ и досто́йно по-
чита́ем вы́, / преподо́бнии Ма́рко, Ио́но, Корни́лие, ма́ти
Ба́ссо, Васси́ане и Дорофе́е, / Бо́гу угоди́вшии и на Не-
бесе́х со все́ми святы́ми просла́влении.

Ничто́же возлюбі́в на земли́ па́че Зижди́теля, /
прия́ли есте́ труды́ и по́двиги любве́ ра́ди Христо́вы, /
те́мже сподо́билися есте́ насле́дия пра́ведных, / моли́те
Христо́а о на́с, почита́ющих па́мьятъ ва́шу.

Богородичен: Досто́йно е́сть хвали́ти Тя́, Ми́ра Влады́-
чицу, / я́ко и ме́сту сему́ до́льному дарова́ла еси́ Небе́с
велеле́пие, / мы́ же, веселя́щися, прославля́ем Тя́, Ма́ти
щедро́т, / ми́р подаю́щую оби́тели се́й и ве́лию ми́лость.

Песнь 3

Ирмос: Процвела́ е́сть пусты́ня, я́ко крѣ́н, Госпо́ди, /
язы́ческая непло́дящая це́рковь, / пришѣ́ствием Твои́м, /
в не́йже утверди́ся моё се́рдце.

Притеце́м ны́не, ве́рнии, перво́насе́льника Пече́рскаго
Ма́рка воспо́йм велегла́сно / и о благоче́стнем Ио́не бла-
годарне возра́дуемся, / их́ бо моли́твами смире́нными и
во тьме́ земне́й пещѣ́р богоздáнных / изли́яся благода́ти
Небе́сныя светолі́тие Триси́янное.

Пёсньми свящёнными воспросла́вим и тя́, преподо́бная Ба́ссо, / я́ко ми́ра сегó прелести возгнуша́вшись, / возжелела еси́ о́браза иноческаго, во е́же еди́ному Христу́ послужити, / те́мже и вене́ц бра́чный на Небе́сныя сла́вы вене́ц пременя́ла еси́.

Досто́йную похвалу́ принесём / преподобному́ченику Корни́лию, игу́мену премудрому, / и́же и днёсь умудря́ет сердца́ на́ша до́бре, / направля́я нас ко спасе́нию.

Богородичен: Благода́тию Твоею́, о Богома́ти, / нас, скве́рны вся́кия испо́лненных, очисти и укрепи́, / я́ко ко о́бразу Успёния Твоего́ Пече́рскому припада́юще, взыва́ем си́це: / не оста́ви нас, грешных, но поми́луй вся мо́литвами преподо́бных оте́ц на́ших.

Седáлен, гла́с 4:

Пско́во-Пече́рская похвало́, отцы́ преподо́бнии, / яви́лися естé я́ко ору́жницы Христо́вы, / мо́литвы бо ва́ша, я́ко ме́ч духо́вный, грехи́ посека́яй, / не преста́йте ходатайствовати о чту́щих па́мь ва́шу све́тло. (Два́жды.)

Сла́ва и ны́не, Богородичен, гла́с то́йже:

Де́во, Ма́ти Благая́, ми́ру покрóве и заступле́ние, / не оста́ви оби́тель Пско́во-Пече́рскую, я́коже во успёнии ми́ра не оста́вила еси́, / но спасáй на Тя́ упова́ющия.

Песнь 4

Ирмо́с: Прише́л еси́ от Де́вы, не ходатай, ни А́нгел, / но Са́м, Го́споди, вопло́щься / и спа́сл еси́ всего́ мя́ челове́ка. / Те́м зову́ Ти: сла́ва си́ле Твое́й, Го́споди.

Воспева́ем днёсь ва́с любóвию, подви́жницы Христо́вы: / преподобному́чениче Васси́ане, преподо́бне о́тче Дорофе́е и Ла́заре, ста́рче пра́ведный, / и́же процвели́ естé во оби́тели сей, я́ко кри́ны райсти́и.

Рáдуйся, Цѣрковь Россійская, возрастѣ бо в тебѣ апó-
тольское сѣяние Андреево, / земли Рýсския украшѣние,
обители чýдныя Печѣрския, / едина во странѣ Кіевстей,
во Псковстѣй же другая: / и та́ о Бóзе ликует, и сия́ ве-
селится, воспевающе собóры святыхъ своихъ.

Свѣт спасительный возсия́ живущим о́крест обители
Пско́во-Печѣрския, / гласъ словѣс Божественныхъ и хвалы́
Творцý / потрясе́ воздухъ прѣжде непло́дныя пустыни, /
подвигнувъ вѣрныя непрестáнно славослóвити Христа́
Жизнода́вца.

Богородичен: Богородице Дѣво, уповáние нáше, моли́
Сына Твоегó и Гóспода нáшего / сохранити от всѣхъ бѣд и
напáстей обитель сию́, / ю́же преподóбный Корнѣлий
вкúпе с подвизáвшимися здѣ созда́, / да вси́ почерпа́ющи
пóмощь неоскúдную от святы́нь ея́ / во вся́ дни́ сла́вят и
ублажа́ют Тя́, в пѣсняхъ велича́юще.

Песнь 5

Ирмос: Ходáтай Бóгу и чело́векомъ былъ еси́, Христѣ́
Бóже, / Тобóю бо, Влады́ко, к Светоначáльнику Отцý
Твоемý / от но́щи невѣдения / приведѣние́ ймамы.

Жити́я треволнѣния ни во что́ же вмени́в, преподóбне
óтче нáш Мáрко преблаже́нне, / в пусты́ню Псковскýю
всели́лся еси́ / и в пещѣре, Бóгом здáнней, в пóдвизехъ
мно́зехъ сокровѣ́нно пожилъ еси́, / тогó рáди пáмять тво́я
пребывáет во вѣки.

Храня́ вѣру правослáвную, латиняномъ не покорѣлся
еси́ / и, от Юрьева гра́да изшѣдъ, Иоáнне, иерее́ Бóга
Живáго, / храмъ Пречи́стыя в горѣ ископáл еси́, возжа́дав
Той послужити́ во óбразѣ ино́честемъ, / наречѣ́н бывъ Ио́на,
в души́ своѣй богáтство Дýха Свята́го собралъ еси́, пре-
блаже́нне.

Егда́ болѣзнь смѣртная пости́же тя́, / при́яла еси́ óбразъ
áнгельский, преподóбная́ мáти Вáссо, / грóбъ же тво́й по

кончине сілою Бóжиею изнесён бѣсть двукрѣты из земли, / да притекают людіе вѣрнии к раце мощей твоих.

Богорѣдичен: Вся упованія наша в Тебѣ, Мати Дѣво, имуще, / молим Тя яко святых Славу и Владычицу милосѣрдную: / даруй нам, преподобных Твоих ради, грехов исправленіе / и иноческому житію споспѣшествуй присно, подаючи благодать Свою неоскудну.

Песнь 6

Ирмос: В бѣдне греховней валяясь, / неизслѣдную милосѣрдія Твоего призываю бѣдну: / от тли, Бóже, мя возведи.

Явился еси, преподобномучениче Корниліе, / благочестія дивный наставник и обители Печѣрскія строитель изрядный, / украсил еси ю храмы святыми, такожде и окрест воздвизал еси их, чудь просвѣщая, / ныне же в обители пребывая Небесней и Троице Святѣй предстои выну, моли спастися душам нашим.

Обогаша тя, отче Корниліе, лстецы злѣбнии, / к безумію склонися царь Грозный и смѣрти ты предаде, / темже и освятися твоею кровію обитель Псково-Печѣрская, / и обогатишася тобою чада твоя, ту иночествующая, яко заступником пред Бóгом.

Памятующе подвиги твоя и боренія и кончину от рукі самодѣржца Россійскаго, / скорбящая братія Псково-Печѣрская / храм устроиша во имя твое, преподобномучениче Корниліе, / в немже безкровную жертву приносят, хваляще и благословяще Бóга.

Богорѣдичен: Яже снабденіем пскович благоверных и труды преподобных созданныя, / почитаем пречестныя иконы Твоя, Богорѣдиче, просиявшия во обители Псково-Печѣрстей: / Одигитрии, Звезды путеводныя, Успѣнія и Умилѣнія чудна, / и, духовно веселящася, яко Саму Тя, лобызаем, христіаном Похвало и спасенія Утвержденіе.

Конда́к, гла́с 2:**Подобен: В** моли́твах неусыпа́ющую:

Тебе́, Богоро́дице / и Д́еве Ч́истой, за вся́ лю́ди Бо́га умоля́ющей, / оби́тель Пско́во-Пече́рская / святы́х свои́х, я́ко да́р, днесь прино́сит, / Твои́х же даро́в бога́тство кто́ испове́сть, / я́ко и в ра́й возвелá еси́ отцы́ на́ша.

И́кос:

Я́ко сад благоухáнный, процвелá е́сть оби́тель Пско́во-Пече́рская святы́ми Твои́ми, Го́споди, / ихже моли́твами оби́лие мило́сти Бо́жия источ́ися на ме́сте се́м, по словеси́ Прему́драго: / ели́ка а́ще помóлится Тебе́ на ме́сте се́м, / и Ты услы́шиши на ме́сте жили́ща Твоего́ на Небеси́, и сотвори́ши и мило́стив бу́деши им. / Сея́ мило́сти причáстницы б́ывше, смире́нно мо́лим Тя́, Христе́: / мило́стив бу́ди ны́не и пр́сно ко святе́й оби́тели се́й, / моли́твами преподо́бных отце́в на́ших, ихже Пречи́стая Богоро́дица в ра́й введе́.

Песнь 7

Ирмо́с: Богопроти́вное велéние беззакóннующаго мучи́теля / высо́к пла́мень вознесло́ е́сть. / Христо́с же простре́ богочест́ивым óтроком рóсу духо́вную, / Сый благословéн и препросла́влен.

Временá и лéта цéркве Псковсќя изъявил еси́ нам, преподобномучени́че Вассиáне, / Корни́лию богому́дрому в летописáнии помога́я изрядно, та́же и делóм его́ ревни́тель б́ыл сла́вный, / ны́не же с ним во Свéте Триси́янным вопиéши согла́сно: / благословéн еси́, Бо́же оте́ц на́ших.

О преподобномучени́че Корни́лие, не оста́ви и ны́не моли́твами твои́ми ча́да твоя́, / я́коже и прéжде ты́, защитни́че страны́ Псковсќя, не оста́вил еси́ ю́ в наше́стве Бато́риево, / но, б́ыв ко Пречи́стей тёплым ходáтай, прéд Нею́ предста́л еси́ в видéнии чу́днем на́д Пско́вом

градом, со святы́ми вопия́: / благословѣн еси́, Бо́же оте́ц
на́ших.

Богородичен: Показа́ небо правосла́вия сла́ву, егда́
явися на возду́се Ма́ти все́х ве́рных, / от нашѣствия же
воев Бато́риевых Псков град и обитель Печѣрскую
избавльши, / горе́ бо святѣи со Корни́лием Ю умоля́ху, /
до́лу же ино́цы Печѣрстии со псковичи́ ко образу Ея́ со
слеза́ми припада́ху, Бо́гу вопию́ще: / благословѣн еси́,
Бо́же оте́ц на́ших.

Песнь 8

Ирмо́с: Пѣщъ иногда́ о́гненная в Вавило́не дѣйства раз-
деля́ше, / Бо́жиим велѣнием халдеи опаля́ющая, / ве́р-
ныя же ороша́ющая, пою́щая: / благослови́те, вся дела́
Госпо́дня, Го́спода.

По́стнических по́двигов жела́я сподо́битися, препо-
до́бне о́тче наш Дорофе́е, / во обитель Пско́во-Печѣрскую
прише́д, ветхаго челове́ка совлѣкся еси́, добродѣтелей
мно́жеством украсився, / те́мже и избра́ тя Пречи́стая
Де́ва пренести́ о́браз Сво́й светоза́рный из предел Печѣр-
ских в зе́млю Яросла́вскую, / да и та́мо возсия́ет сугубо
благода́ть Богороди́цы Пресла́вныя.

О́трасле духо́вная обители Печѣрския, богоно́се сми-
ре́нне Дорофе́е, / издрѣвле страна́ Псковская́ и страна́
Яросла́вская ве́лию ве́ру к тебе́ имут, / я́ко в пе́рвей са́м
духо́вно умудри́ся, во друзѣ́й же ины́я умудря́л еси́, в пу-
сты́ню Югскую́ приходя́щая, / те́мже тя, уго́дника Хрис-
то́ва, велича́ем.

Ла́заре, благоче́стия подви́жнице, равноа́нгельным и
пра́ведным жити́ем тво́им в затво́ре / яви́лся еси́ наслѣд-
ник бла́г ве́чных, / тако́жде и нас, грѣшных, в покая́нии
утверди́, / да и мы́ моли́твами тво́ими просвети́мся и
избави́мся от сетѣ́й вра́жиих, о́тче наш пребла́женне.

Богородичен: Богороди́цу и Ма́терь Све́та Тя при́сно
велича́юще, / ны́не гла́сы умилѣнными Тя воспѣва́ем, /

яко даровала еси нам собор преподобных Псково-Печерских славный, / Еди́на Чистая и Благословенная.

Песнь 9

Ирмос: Безначальна Родителя Сын, Бог и Господь, / воплощся от Девы, нам явися, / омраченная просветити, обрати расточенная. / Тем Всепетую Богородицу величаем.

Недра земная не сокрыша сокровища мощей ваших, преподобнии Псково-Печерстии, / имиже источаете струи благодати, освящающе души наша, / да и мы внидем ко трапезе Христа Бога и Небеснаго веселия причастницы будем, / ваш собор почитающе.

Величает вас, преподобнии, обитель Псково-Печерская, / на Святей горе во имя ваше храм создавшая, яко споборником крепким в трудах и молитвах, / и просит умирно: молитесь Христа Бога согрешением оставление даровати / чтущим любовь святую память вашу.

Трѳичен: Трипостасный Боже, Живоначальная Трѳице, / сохраняй обитель святую сию, / молитв ради преподобных ея, / во вся дни до скончания века.

Богородичен: Радуйся, Обрадованная, / во успении Твоем нас не оставляющая / и молитвы преподобных отец Псково-Печерских / к Сыну Твоему приносящая о спасении душ наших.

Светилен:

Соборе святых Печерских, / стране Псковстей украшение, / молитесь ко Господу / о всем иночестве российском / и о еже просветити чтущия вас любовью.

Стихиры на хвалитех, глас 8:

Духовными песнями преподобныя восхвалим, / Марка, Иону, Корнилия, / купно же Вассиана и Дорофея с преподобною Вассою / и Лазаря прозорливаго, схимника

Печёрскаго, / плотскóе мудровáние дúху повинúвшийя, / пощéнии и сокровéнными пóдвиги очúстившийся, / к нímже взывáем: / поминáйте нáс, чтúщих пáмять вáшу.

Глáс тóйже:

Подóбен: О преслáвнаго чудесé:

О преподóбнии отцы Пскóво-Печёрстии, / равноáнгельное житиé поживше, / труды пóстническими и добротами духовными / покорили есте телеса и души ваша Дúху Бóжию, / и, я́ко злáто в горни́ле, испытá вас Христóс Бóг, / тёмже и обрете вас достóйны Себé, / и я́ко всеплóдие жéртвенное прият, / молíтеся ко Гóсподу / спаст́ся душáм нáшим.

О Царíце Небесé и земл́и, / днесь собóр святых Пскóво-Печёрских / всехвáльно совершáюще, / вопиём Тí: / Благодáтная, рáдуйся, / сé Сына Твоегó угóдницы, / сé предстáтелие за нáс прёд Бóгом благочéстнии, / пóмоцию Твоею таков́и содёяшася, / примí милостивно молíтвы íх о нáс, грéшных.

Íна стихíра святým, глáс тóйже:

Преподóбнии отцы Пскóво-Печёрстии, / предстояще за ны собóрне Христú Бóгу, / утверждéние всём вёрным бúдите, / íже к вам припадáют, глагóлюще: / рáдуйтеся, Дúха Свята́го обитáлица прекрасная, / рáдуйтеся, Дéвы Пречíстия честн́и служíтелие, / рáдуйтеся, мýсленная светíла церкóвная, / рáдуйтеся, ко Христú мона́хов мнóжества привéдшии, / и, я́ко имúщии дерзновéние ко Гóсподу, / молíте спаст́ся душáм нáшим.

Слáва, глáс 8:

Íже Трóицы Святýя зарéю просвещáемии / и престóлу Христá Бóга в́ину предстоящи, / преподóбнии отцы Пскóво-Печёрстии, / примíте сие хвалéбное пéние / и непрестáнно о нáс молíтеся, / почита́ющих вéрою пречестнúю пáмять вáшу.

И ны́не, Богоро́дичен:

Влады́чице, прими́ моли́твы ра́б Твои́х / и избáви нас / от вся́кия ну́жды и печа́ли.

НА ЛИТУРГИИ

Прокі́мен, глас 7: Честна́ прѣд Го́сподем / смѣрть преподо́бных Его́. Сти́х: Чтó возда́м Го́сподеви о́ всѣх, я́же воздаде́ ми́? Апóстол к Галáтом, зачáло 213. Аллилу́ия, глас 6: Блаже́н му́ж, боя́йся Го́спода, в за́поведех Его́ восхо́щет зело́. Сти́х: Си́льно на земли́ бу́дет се́мя его́. Ева́нгелие от Луки́, зачáло 24. Прича́стен: В па́мять вѣчную́ бу́дет пра́ведник, от слуха́ зла́ не убой́тся.



СОДЕРЖАНИЕ

Месяца септёмврия в 11-й дeнь

Служба с акафистом преподобному Силуану Афонскому . . 3

Месяца декёмврия в 20-й дeнь

Служба с акафистом святому праведному пресвитеру
Иоанну, Кронштадтскому чудотворцу 33

Месяца декёмврия в 30-й дeнь

Служба с акафистом святителю Макарию, Митрополиту
Московскому и всея Руси, чудотворцу 59

Месяца ианнуария в 10-й дeнь

Служба святителю Феофану, затворнику Вышенскому . . 80

Месяца ианнуария в 24-й дeнь

Служба с акафистом святей блаженной Ксении
Петербургстей, Христа ради юродивей 91

Месяца апрілля в 30-й дeнь

Служба с акафистом святителю Игнатию, епископу
Кавказскому и Черноморскому 113

Месяца маія в 19-й дeнь

Служба святому благоверному великому князю
Димитрию Донскому 138

Месяца иуля в 4-й дeнь

Служба преподобному Андрею иконописцу 151

В Недeлю 4-ю по Пятидесятнице

Служба собору святых Псково-Печерских 165